

C i
XIV
146

N12<528100848 021



LS
UBTÜBINGEN



Ad. Bruckmann,
Buchbinder.

3
Tulu Prayers.

ದಿನತ ಪ್ರಾರ್ಥನೆಳು.

ಯಾನ್‌ಲಾ ಎನ ಇಲ್ಲೆಲಾ ಕರ್ತವಗ್
ಸೇವೆ ಮಳ್ಳುವ.

ಯೆಹೋಸುವ. ೨೪, ೧೫.

MANGALORE:

PRINTED BY STOLZ & REUTHER, BASEL MISSION PRESS.

1869.

Li Xue 146
ang

ದಿನತ ಪ್ರಾರ್ಥನೆಗಳು.

ಓಹಾ ನಾಲಾ ಎನ ಇಲ್ಲದಾಕುಳುಲಾ ಕರ್ತವಗ್ ಸೇವೆ ಮಳ್ಳುವ ಇನ್ನಿನವು ಮಾತ ದೇವಭಕ್ತಿದಾಕುಳೆ ಆಲೋಚನೆಲಾ ಮ ನಸ್ಸಲಾ ಆದುಪ್ಪಂಡು. ಉಂದು ಎಂಚಂದ್‌ಂಡ: ಆಕುಳು ತನು ಕುಳೆ ಇಲ್ಲಡ್ ಉಪ್ಪುನಾಕುಳೆಡೊಪ್ಪ ದಿನ ತಪ್ಪಂದೆ ಕೂಡುದು ಪ್ರಾರ್ಥನೆ ಮಳ್ತದ್, ದೇವರೆ ವಾಕ್ಯ ಓದುದು, ಬೊಕ್ಕ ಐತ ಪ್ರಕಾರ ನಡಪೆರೆ ತೂಪಿನವು; ಆಂಡಲಾ ಉಂದೆನ್ ಸ್ವಂತ ಬುದ್ಧಿಡ್ ಅತ್ತ, ಕರ್ತವ ನೇಮದ ಮಿತ್ತ ಮಳ್ಳೊಡು; ಈ ಪ್ರಕಾರ ಒಂಜಾನೊಂ ಜಿ ದಿನೊಟು ಪದರಾಡ್ ಮಂದೆ ಶಿಷ್ಯೆರ್‌ಲಾ ಯೇಸು ಕೈತಳ್ ಬ ತ್ತದ್—ಕರ್ತವಾ! ಎಂಕುಳೆಗ್ ಪ್ರಾರ್ಥನೆ ಮಳ್ಳೆರೆ ಕಲ್ಪಾಲ ಅಂದ್ ದ್ ನಟ್ಟೊಂಡೆರ್. ಉಂದೆಕ್ ಆಯೆ “ಪರಲೋಕೊಳೆಡ್ ಉಪ್ಪು ಎಂಕುಳೆ ಅಮ್ಮಾ!” ಇನ್ನಿ ಪ್ರಾರ್ಥನೆನ್ ಆಕುಳೆಗ್ ಕಲ್ಪಾಯೆ. ಬೊ ಕ್ಕ ಅಂಚನೇ ಆಕುಳುಲಾ ನಮಲಾ, ಅಣ್ಣವಾಡ್ಕಲಾ ಪೊಣ್ಣವಾಡ್ಕಲಾ, ಪರಬೆರ್‌ಲಾ ಜವಣ್ಯೆರ್‌ಲಾ, ಮಲ್ಲಾಕುಳುಲಾ ಎಲ್ಲಾಕುಳುಲಾ, ಸ್ವಸ್ಥದಾಕುಳುಲಾ ರೋಗಿಷ್ಠೆರ್‌ಲಾ, ಇಲ್ಲಡ್ ಇತ್ತಂಡಲಾ ಪ ರ ಊರುಡು ಇತ್ತಂಡಲಾ, ರಾತ್ರೆಡ್‌ಲಾ ಪಗೆಲ್‌ಡ್‌ಲಾ, ಕಷ್ಟೊಡುಲಾ ಸುಖೊಟುಲಾ, ಬಾಲೆಳೆ ಭಾವೊಡು ನಮ ಅಮ್ಮೆ ಆಯಿ ದೇವೆ ರೆ ಸನ್ನಿಧಾನೊಗು ಬತ್ತದ್ ನಮ ಶರೀರಭಾವದಿತ ವಿಷಯೊಡುಲಾ, ಆತ್ಮಭಾವದಿತ ವಿಷಯೊಡುಲಾ, ನಮ ಸ್ವಂತ ಅವಶ್ಯೊಗು ಬೋಡಾದ್‌ಲಾ ನಮ ಸಹೋದರೆರೆನೆಕ್ ಬೋಡಾದ್‌ಲಾ, ಆಯೆ ಎಡೆಂತಿನೆನ್ ದಯ ಮಳ್ತದ್ ಕೇಡ್‌ಗ್ ತಪ್ಪಾವೊಡು ಇನ್ನಿ ಪ್ರಾ

ರ್ಥನೆ ಮಳ್ಳೊಡು. ಮಳ್ಳುನಗ ಆಯೆ ಅವೆನ್ ನಿಶ್ಚಯಾದ್ ಕೇಂ
ಡ್‌ದ ನಟ್ಟೊಂಡಿನೆನ್ ಮಳ್ತದ್ ಕೊರ್ಪೆ ಇನ್ನಿ ವಾಗ್ದತ್ತಲಾ ಕೊ
ರ್ದು ನಂಕ್ ಧೈರ್ಯ ಪಣ್ಣೆ.

ಈ ನಮ ಕರ್ತವ ಅಪ್ಪಣೆ ವಾಗ್ದತ್ತೊಳೆ ಮಿತ್ತ ನಂಬುನಾಕು
ಳು ಮಾತೆರಾ ಪೂರ್ವೊಡ್ಲಿಂಚಿ ಪ್ರಾರ್ಥನೆ ಮಳ್ತದ್ ದಿನಾಲಾ ತ
ನುಕುಳೆ ಹೃದಯೊಳೆ ಅಪೇಕ್ಷೆಳೆನ್ ತನುಕುಳೆ ದೇವರಾಯಿ ಕರ್ತ
ವಗ್ ಅರಿಕೆ ಮಳ್ತದ್, ತನುಕುಳೆಗ್ ಬೋಡಾಯಿ ಬಲ ಸಹಾಯ
ದಯ ಆಶೀರ್ವಾದ ಸಮಜೈಸಿಗಿಳೆನ್ ನಾಡಿಯೆರ್. ಉಂದೆಕ್ ವಿ
ಶೇಷಾದ್ ಅಬ್ರಹಾಮು ಈಸಾಕ್ ಯಾಕೋಬ್ ಮೋಸೆ ದಾವೀ
ದ್ ದಾನಿಯೇಲ್ ಇನ್ನಿನಾಕುಳೆ ಚರಿತ್ರೆ ನಂಕ್ ಸಾಕ್ಷಿ. ಅವ್ವೇ ಪ್ರ
ಕಾರ ಅಪೊಸ್ತಲೆರಲಾ ಕೊರ್ನೇಲೈಲಾ ದುಂಬುದ ಕೈಸ್ತೆರಲಾ
ಮಕ್ತಿರ್. (ಅಪೊ. ಕ್ರಿ. ೧, ೧೪; ೨, ೪೪; ೧೦, ೧-೪;
೧೬, ೨೫.)

ಕರ್ತವೆ ಪೂರ್ವೊಡು ಮಕ್ತಿ ಪ್ರಕಾರ ನಮ ದಿನೊಳೆಡ್‌ಲಾ ವಿ
ಶ್ವಾಸದ ಪ್ರಾರ್ಥನೆನ್ ಕೇಣುವೆ ಇನ್ನಿನೆಕ್ ದೃಷ್ಟಾಂತ ಆದ್ ರಡ್ಡ್
ಕಥೆಳೆನ್ ಇತ್ತಿ ಪಂಡ್‌ದ್, ನಿನನ್‌ಲಾ ಇಂಚಿತ್ತಿ ಪ್ರಾರ್ಥನೆಳೆ ಅನು
ಭವೊಗು ಲಕ್ಕಾವೆರೆ ಮನಸ್ಸುಂಡು. ಈ ಕಥೆಳು ಒವು ಅಂದಂಡ:

ಮಪುರ ಇನ್ನಿ ಜಿಲ್ಲೆದ ಮುಖ್ಯ ಪಟ್ಟೊಡು ಒರಿ ನರಮಾನಿ
ತನ ಬೊಡೆದಿ ಬಾಲೆಳೆಡೊಪ್ಪ ದೇವಭಕ್ತಿಡ್ ಬದ್‌ಕ್‌ದ ನಡತೊ
ಣ್ಣು ಕಾಲಕ್ಷೇಪೊಗಾದ್ ದೇವೆರ್ ದಿನಾಲಾ ಆಕುಳೆಗ್ ಕೊರಿನವು
ಈಯಾವು ಅಂದ್‌ದ್ ನೆನೆತ್ತದ್, ಸಾಧಾರಣ ಆದ್ ಸುಖೊಟು
ಇತ್ತೆರ್. ಆಂಡಲಾ ಒಂಜೊಂಜಿ ಸಮಯೊಡು ಆಕುಳೆ ವಿಶ್ವಾಸದ
ಪರೀಕ್ಷೆಗಾದ್ ಕಷ್ಟದ ದಿನೊಳುಲಾ ಬಹಳ ಚಿಂತೆಳುಲಾ ಬತ್ತಂಡ್.
ಅಂಚನೆ ಒಂಜಿ ದಿನೊಟು ತನುಕುಳೆ ಗೇಣಿ ಸಂದಾಯ ಮ
ಳ್ಳನೆಕ್ ಪಣವು ತಯಾರ್ ಮಳ್ತದ್ ದೀತ್‌ಂಡಲಾ, ೩ ರೂಪಾಯಿ
೫ ಆಣೆ ಕಡಮೆ ಇತ್ತಂಡ್. ಅವು ತಿಕ್ಕಜಾಂಡ ತನ ಗೇಣಿದ ಜಾ

ಗ್ ಪೋವು ಇನ್ನಿ ಚಿಂತೆಡ್, ಪಾಕ ಸ್ನೇಹಿತೆರೆ ಕೈತಳ್ ಪೋದು ಕ
ಡ ದೆವ್ವೆರೆ ಕೇಂಡೆ; ಆಂಡಲಾ ಆಕುಳು ಸಹಾಯ ಮಳ್ತಜಿರ್. ಧ
ನಿ ಕರಿಣ ನರಮಾನಿ ಅಂದ್ ದ್ ಬಹಳ ಪೋಡಿದ್, ಈ ಪ್ರಕಾರ ಆ
ದಿನೊಟು ಆಯೆಲಾ ಆಯ ಬೊಡೆದಿಲಾ ಉಣಂದೆ ಬಯ್ಯ ಮು
ಟ್ಟ ಚಿಂತೆಡೇ ಇತ್ತಿರ್. ಆ ರಾತ್ರೆಡ್ ನಿದ್ರೆಲಾ ಬತ್ತಜಿ. ಆಪಗ ಆ
ಯೆ ಲಕ್ಕದ್ ತನ ಬೊಡೆದಿಡ: ನರಮಾನಿ ನಂಕ್ ಸಹಾಯ ಮ
ಳ್ಳುಚಾಂಡಲಾ ದೇವೆರ್ ಸಹಾಯ ಮಳ್ಳಂದೆ ಬುಡಯೆ; ಪ್ರಾರ್ಥನೆ
ಮಳ್ಳುಗ! ಅಂದ್ ದ್ ಪಂಡ್ ದ್ ಒಟ್ಟುಗು ನಟ್ಟೊಂಡೆರ್; ಬೊಕ್ಕ
ಕಾಂಡೆ ಲಕ್ಕದ್ ತನ ಬಿತ್ತಲ್ ಗ್ ಪೋದು ತೈಕುಳೆಗ್ ಮಣ್ಣ್ ಪಾ
ಡುನಗ ಮೆಂಚುನವು ಒಂಜಿ ಎಲ್ಲ್ಯ ತುಂಡು ತಿಕ್ಕಂಡ್; ಅವೆನ್ ಪೆ
ಜ್ಜಿದ್ ಭಂಗಾರ್ ಅಂದ್ ದ್ ತೂದು ಬಹಳ ಆಶ್ಚರ್ಯ ಮಳ್ತದ್—
ದೇವೆರೇ, ಅಂಚನೇ ಈ ಎಂಕುಳೆಗ್ ಸಹಾಯ ಮಳ್ಳುವನಾ? ಅಂ
ದ್ ದ್ ಪಂಡ್ ದ್ ಸಂತೋಷೊಡು ಇಲ್ಲಗ್ ಪೋಯೆ. ಗಂಜಿ ಉಂ
ಡಿ ಬೊಕ್ಕ ಪೇಂಟೆಗ್ ಪೋವೆರೆ ಲಕ್ಕದ್, ಒರಿ ಆಚಾರಿ ಕೈತಡೆಗ್
ಪೋದು, ಆ ಭಂಗಾರ್ ನ್ ಐನ್ ರೂಪಾಯಿಗ್ ಮಾರಿಯೆ. ಈ ಪ್ರ
ಕಾರ ಗೇಣಿ ಪೂರ್ತಿ ಸಂದಾಯ ಮಳ್ತದ್ ಬೊಡೆದಿ ಬಾಲೆಳೆಗ್
ಬೋಡಾಪಿ ವಸ್ತುಳೆನ್ ಕೊಂಡು ಕೊರಿಯೆರೆಲಾ ಮಾರ್ಗ ಆಂಡ್.
ಉಂದು ನಿಶ್ಚಯಾದ್ ದೇವೆರೆ ಸಹಾಯ ಅಂದ್ ದ್ ಆಕುಳು ನಂ
ಬೊಣ್ಣಿತ್ತಿರ್.

ಬೊಕ್ಕೊಂಜಿ ಕಥೆ ದಾನೆಂದ್ ದಂಡ: ಮಿಲ್ಲ್ ಇನ್ನಿ ನರಮಾನಿ
ದೇವೆರೆ ಭಕ್ತಿ ಇತ್ತಿ ಅಪ್ಪೆ ಅಮ್ಮಾಡ್ಕ ಮಗೆ ಆದಿತ್ತೆ. ಆಕುಳು ಆ
ಯನ್ ನಂಬಿಗೆಡ್ ತಾಂಕ್ ದ್ ದೇವೆರೆ ವಾಕ್ಯೊನು ಎಡ್ಡೆ ಕಲ್ಪೊ
ಡು ಇನ್ನಿ ಅಪೇಕ್ಷೆಗಾದ್ ಕ್ರಮ ಆದ್ ಸಾಲೆಗ್ ಕಡವುಡಿಯೆರ್.
ಐಡ್ ಬೊಕ್ಕ ಮರತ ಬೇಲೆ ಕಲ್ಪೊಡು ಅಂದ್ ದ್ ಆಣ್ ತಾನೇ ಅ
ಪೇಕ್ಷೆ ಮಳ್ತಿನೆಡ್, ಅಪ್ಪೆ ಅಮ್ಮಾಡ್ಕ ಐಕ್ ಒಪ್ಪಿದ್ ಸಹಾಯ ಮ
ಳ್ತೆರ್. ಪಾಕ ವರ್ಸದ ಮಿತ್ತ ಊರುನು ಬುಡುದು, ಬೇತೆ ದೇ

ಶೊಡುಲಾ ಕೆಲಸೊನು ತೂವೊಡು ಅಂದ್ ಪೋಯೆ. ಅವುಳು ಆಯೆ ಕೈನೆ ಇನ್ನಿನಾಯೆ ಆದಿತ್ತಂಡಲಾ, ತನ ರಕ್ಷಕೆ ಆಯಿ ಯೇ ಸುನವು ವಿಶ್ವಾಸಲಾ ಜ್ಞಾನಲಾ ಪ್ರೀತಿಲಾ ಆಯಡ್ ಇತ್ತಿಜಿ. ಈ ಪ್ರಕಾರ ಅಪ್ಪೆ ಅಮ್ಮನವು ಆಶೆ ಸಹ ಬುಡುದು ಆ ಪರದೇಶೊಡು ಮದಮೆ ಮಳ್ತೊಣ್ಣು ಕುಳ್ಳಿಯೆ. ಮದಮೆ ಆಯಿ ಬೊಕ್ಕ ಆಯ ಗ್ ದುಂಬು ಪಿನಂದಿ ಕಷ್ಟ ತಿಕ್ಕಂಡ್. ತನ್ ಕಲಾ ಬೊಡೆದಿಗಲಾ ಸಂಕಡ ಬತ್ತದ್, ಬೇಲೆಗ್ ಪೋವೆರೆ ತೀರಂದೆ ಬೋಡಾಪಿ ಖರ್ಚಿ ಗ್ ಮಾರ್ಗ ಇತ್ತಿಜಿ. ಈ ಕಷ್ಟ ಎಂಕ್ ದಾಯೆಗ್ ಬತ್ತಂಡ್? ಎಂಕ್ ನನ ತಡೆವುಜಿ! ಇನ್ನಿ ಈ ತರತ ಪಾತೆರೊಳೆನ್ ಗುಣುಗು ಟ್ಪುದು ಪಂಡೆ. ತನ ಚಿಂತೆ ನನ ಒರಲಾ ತೂಪೆ ಅಂದ್ ಆಯೆ ನೆನೆತಿನೇ ಇಜ್ಜಿ. ಅಂಚಾದುಪ್ಪುನಗ ಆಯೆ ಒಂಜಿ ದಿನೊಟು ಒಂಜಿ ಬೀದಿಡ್ ನಡತ್ತದ್ ಪೋದು ಒಂಜಿ ದೇವಾಲಯದ ಕೈತಳ್ ಬನ್ನಗ ಅವುಳು ಸಭೆ ಕೂಡುದು ಪ್ರಾರ್ಥನೆ ಆಪುಂಡು ಅಂದ್ ತೂದು, ಉಳಯಿ ಪೋದು ಕುಳ್ಳಿಯೆ. “ಶರೀರಾಭ್ಯಾಸ ಒಂತೆದೆಕ್ ಪ್ರಯೋಜನ, ಆಂಡಲಾ ದೇವಭಕ್ತಿ ಮಾತೆಕಲಾ ಪ್ರಯೋಜನ ಆದುಂಡು; ಐಕ್ ಇತ್ತಿದ ಜೀವದವುಲಾ ಬರ್ಪಿನೆತವುಲಾ ವಾಗ್ದತ್ತ ಉಂಡು” ಇನ್ನಿ ಗತಿಮೋಢಿ. ೪, ೮. ಬರೆತಿ ಪಾತೆರೊಳೆನ್ ಆಪಗ ಬೋಧಕೆರ್ ಓದುದು ವಿವರಿಸಿಯೆರ್. ಈ ಪಾತೆರ ತನ್ ಕೇ ಆಯಿನವು ಅಂದ್ ನೆನೆತದ್ ಪ್ರಸಂಗ ಮುಗಿ ಬೊಕ್ಕ ಲಕ್ಕದ್ ತನ ಇಲ್ಲಗ್ ಪೋದು, ಬೊಡೆದಿನ್ ಲೆತ್ತದ್—ನಮಡ್ ದಾನೆ ತಪ್ಪು? ಇನ್ನಿನವು ಇತ್ತೆ ಎಂಕ್ ಗೊಂತಾಂಡ್ ಅಂದ್ ಪಂಡೆ. ಉಂದೆಕ್ ಬೊಡೆದಿ ಆಶ್ಚರ್ಯ ಮಳ್ತದ್, ದಾನೆ? ಅಂದ್ ಕೇಣುನಗ—ಎಂಕುಳು ಪ್ರಾರ್ಥನೆ ಮಳ್ಳುಜ! ಅಂದ್ ಪಂಡೆ. ಉಂದೆಕ್ ಆಳ್—ಅಂದ್ ಯಾನ್ ಲಾ ಒರ ಒರ ಅಂಚಿನೇ ಎಣ್ಣಿಯೆ, ಅಂದಳ್. ಈ ಪ್ರಕಾರ ಇರುವೆರ್ ಒಂಜೀ ಮನಸ್ಸಾದ್ ಬಾಕಿಲ್ ಮುಚ್ಚಿದ್ ಮೊರಂಪೂರುದು ಪ್ರಾರ್ಥನೆ ಮಳ್ತದ್, ಕರ್ತವ ದಯ ನಾಡ್ ತನುಕುಳು ನನ


ಮೇಲ್‌ಡ್ ಆಯಡೊಪ್ಪ ಬದ್‌ಕ್‌ಡ್ ನಡವೊಡು ಇನ್ನಿ ಅರಿಕೆ ಮ
ಳ್ತೆರ್. ಆಕುಳು ಸತ್ಯೊಡು ಈ ಪ್ರಕಾರ ಮಲ್ತಿನೆಡ್ ತನುಕುಳೆ ಹ್ಯ
ದಯೊಡು ಆಪಗನೇ ಸಮಾಧಾನಲಾ ಭರವಸಲಾ ಆಂಡ್. ನನ
ಮೇಲ್‌ಡ್ ಆಕುಳೆ ನಡತೆಲಾ ಪೊಸ ಆಯಿ ಲೆಕ್ಕ ತನುಕುಳೆ ನೆರೆಕ
ರೆತಾಕುಳೆಗ್ ಸಹಾ ತೋಪಿಂಡ್. ಪಾಕ ಜನ ಬತ್ತದ್ ಐತ ವಿಷ
ಯೊಡು ವಿಚಾರಣೆ ಮಳ್ಳುನಗ, ಈ ಮಿಲ್ಲ್ ಇನ್ನಿನಾಯೆ ಸಂತೋ
ಷೊಡು ಆಕುಳೆಗ್ ಪಂಡಿನಿ ದಾನೆಂದ್‌ಂಡ: ನಿಕುಳೆಗ್ ಗೊಂತುಪ್ಪು
ಲೆಕ್ಕ ಎನ ಇಲ್ಲಡ್ ದುಂಬು ದಿಂಜ ಕರ್ಕರಿ ಇತ್ತಂಡ್; ಸಂತೋಷ
ಎಂಕುಳೆಗ್ ಇತ್ತಿಜೆ; ದಾಯೆಗಂದ್‌ಂಡ ಯಾನೇ ನಡವುಡೊಡು, ಎ
ನಡ್ಲೇ ಮಾತಲಾ ಆವೊಡು ಇನ್ನಿ ಚಿಂತೆಡೇ ಇತ್ತೆ. ಆಂಡ ಇತ್ತೆ ದೇ
ವೆರ್ ನಡವುಡುದು ಪರಾಂಬರಿಪುನಾಯೆ ಆದುಳ್ಳೆ ಅಂದ್‌ ಪಿದು
ಕೊಣ್ಣು ಆಯ ಮಿತ್ತ ಎನ ಮಾತ ಚಿಂತೆ ಪಾಡಿಯೆ. ಈ ಪ್ರ
ಕಾರ ಬೇತೆ ಜನೊಕುಳೆಗ್‌ಲಾ ಯಥಾರ್ಥ ಇತ್ತಿನಾಯೆ ಆದ್ ಭ
ಕ್ತಿದ ಮಾರ್ಗೊನು ತೋಜಾದ್ ಕಡೆಕ್ ವಾರದ ಉಳಯಿಲಾ ವಿ
ಶೇಷಾದ್ ಐತ್ತಾರದ ದಿನೊಟುಲಾ ಅನೇಕೆರ್ ಆಯ ಇಲ್ಲಗ್ ಬತ್ತ
ದ್ ದೇವೆರ್ ತನುಕುಳೆಗ್ ಮಲ್ತಿ ಸಹಾಯ ದಯ ಉಪಕಾರೊಳೆ
ವಿಷಯೊಡು ಪಾತೆರೊಣ್ಣು, ದೇವೆರೆಗ್ ಸ್ತೋತ್ರ ಮಳ್ಳೊಣ್ಣಿತ್ತೆರ್.

ಉಂದು ಯಾನ್ ಪಣ್ಣಿನವು ಕಥೆಳು. ಬೇತೆ ತರತವುಲಾ ನನ
ದಿಂಜ ಕೂಡಾದೊಲಿ. ಆಂಡ ಪ್ರಿಯ ಸ್ನೇಹಿತಾ! ನಿಕ್ಕ ದಿಂಜ ಕಥೆ
ಳೆನ್ ಪಣಿಯೆರೆ ಅತ್ತ, ಈಲಾ ಪ್ರಾರ್ಥನೆ ಮಳ್ಳುನೆಡ್ ದಿಂಜ ಪ್ರ
ಯೋಜನ ಉಂಡು ಇನ್ನಿ ಅನುಭವದಾಯೆ ಆವೆರೆ ನಿನನ್ ಲಕ್ಕಾ
ವೊಡು ಅಂದ್‌ ಎಂಕ್ ಮನಸ್ಸುಂಡು; ಈ ಮಿಲ್ಲ್ ಇನ್ನಿನಾಯೆ
ದೇವೆರೆನ್ ಪುಗರಿ ಲೆಕ್ಕನೇ ಈಲಾ ನಿನ ವಿಷಯೊಡು ಈ “ಬಡವೆ
ಲೆಪ್ಪುನಗ ಆಯೆ ಕೇಂಡೆ; ಎನ ಅರಿಕೆಳೆನ್ ಯೆಹೋವೆ ತರಕೊಂಡೆ”
ಅಂದ್‌ ದೇವೆರೆನ್ ಸ್ತುತಿಸೊಡು; ಇನಿ ಮುಟ್ಟು ಒಂಜಿ ವೇಳೆ ಮ
ಳ್ತಿಜಾಂಡಲಾ ಇತ್ತಿನೇ ಆಪಗ ಸುರು ಮಳ್ತದ್ ಕರ್ತವಡೊಪ್ಪ ಮಾ

ತೆನ್ ಮಳ್ಳೆರೆ ತೂಲ. ಆಯೆ ಮಾತೆರೆ ಮಿತ್ತ ದಯ ಕರುಣೆ ಇ
ನ್ನಿನಾಯೆ ಆದ್ ನಮ ಆಯಗ್ ದಾದೆನ್‌ಲಾ ಕೊರೊಡು ಇಜ್ಜಿಡ
ನಮ ಬಡವೆರ್ ಅಂದ್‌ದ್ ಆಯಗ್ ಪೊಡಿಡ್ ಉಪ್ಪೊಡು, ಇಜ್ಜಿಡ
ಎಡ್ಡೆ ಸಮಯೊನು ಕಾತ್‌ದ್ ವಿಶೇಷಾಯಿ ಜಾಗುಳೆಗ್ ಪೊರು
ಆಯನ್ ನಾಡೊಡು, ಇಜ್ಜಿಡ ವಾಕ್ಸಾಮರ್ಥ್ಯರಾದ್ ಮಾತ್ರ ಬ
ರೊಲಿ, ಇನ್ನಿ ಇಂಚಿತ್ತಿನವು ಒಂಜಿಲಾ ಇಜ್ಜಿ; ಆಯೆ ತನನ್ ನಾ
ಡುನವು ತನ ಮಿತ್ತ ಸತ್ಯೊಡು ತೂದು ಯೇಸು ಪುದರ್‌ಡ್ ಧೈ
ರ್ಯ ಮಳ್ಳುನವು ಹೃದಯೊನು ಮಾತ್ರ ಕೇಣುವೆ. ಆಯೆ ಒರ ಒ
ರ ಬೇಗ ಕೇಣುಜೆ ಇನ್ನಿ ಲೆಕ್ಕ ಮಳ್ತಂಡಲಾ ಈ ಧೈರ್ಯೊನು ಮಾ
ತ್ರ ಬುಡಡ; ಆಯೆ ನಿಶ್ಚಯಾದ್ ಕೇಂಡ್‌ದ್ ಸಹಾಯ ಮಳ್ಳೆ. ಅಂದ್,
ಪ್ರಾರ್ಥನೆ ಮಳ್ಳುನೆಟ್ಟೇ ನಂಕ್ ಬಲಲಾ ಸಹಾಯಲಾ ಸಮಜ್ಞಿಸಿ
ಗೆಲಾ ಆಶೀರ್ವಾದಲಾ ಸಮಾಧಾನಲಾ ಸಂತೋಷಲಾ ಉಂಡು.
ಪ್ರಾರ್ಥನೆ ಮಳ್ಳಂದಿನವುಳೇ ಚಿಂತೆಲಾ ಕರ್ಕರಿಲಾ ನಾಶನಲಾ
ಉಂಡು.

ಮಲ್ಲಾಕುಳುಲಾ ಯೆಲ್ಲಾಕುಳುಲಾ ಪ್ರಾರ್ಥನೆದ ಅಭ್ಯಾಸ
ದಿನಾಲ ಮಳ್ತದ್ ನಮ ಸಭೆಟ್ ವಿಶೇಷಾದ್ ಒಂಜೊಂಜಿ ಸಂಸಾರ
ಅಂದ್‌ದ್ ಇಲ್ಲ ಇಲ್ಲುಳೆಡ್ ಒಟ್ಟುಗೇ ಉಪ್ಪುನಾಕುಳು ಪ್ರಾರ್ಥ
ನೆದ ಆಶೀರ್ವಾದೊನು ಅನುಭವಿತೊಣ್ಣು ಆ ಮಿಲ್ಲ ಇನ್ನಿನಾಯೆ
ತನಕ್ ತಿಕ್ಕಿ ಭಕ್ತಿದ ದ್ರವ್ಯೊನು ಹೆಚ್ಚದಾಕುಳೆಗ್ ತೋಜಾಯಿ
ಲೆಕ್ಕನೇ ಆಕುಳುಲಾ ಮಳ್ಳೆರೆ ತೀರು ಲೆಕ್ಕ ಉಂದೆಕ್ ಸಾದಿ ತೋ
ಜಾವುನೆಕಾದ್ ಜೋಕುಳೆಗ್‌ಲಾ ಜವಣ್ಯೆರೆಗ್‌ಲಾ ಸಂಸಾರೊಳೆಗ್
ಲಾ ಮಳ್ಳೆರೆ ತಕ್ಕ ಉಪ್ಪು ಪ್ರಾರ್ಥನೆಳೆನ್ ಮೂಳು ಬರೆದ್ ದೀಪ.

ನಮ ದೇವೆರ್ ಆಯಿ ಕರ್ತವೆ ಏಕ್ ತನ ಆಶೀರ್ವಾದೊನು
ದೀದ್ ಅನೇಕೆರೆನ್ ಪ್ರಾರ್ಥನೆಗ್ ಲಕ್ಕಾದ್ ಮಾತೆನ್‌ಲಾ ತನ ಪು
ದರ್‌ದ ಮಾನೊಗಾದ್ ಸಮ ಮಳ್ತದ್ ನಡಪುಡಡ್.



ಕರ್ತವ್ಯ ಪ್ರಾರ್ಥನೆ.

ಪರಲೋಕೋಳೆಡ್ ಉಪ್ಪು ಎಂಕುಳೆ ಅಮ್ಮಾ!
 ನಿನ ಪುದರ್ ಪರಿಶುದ್ಧ ಆವಡ್;
 ನಿನ ರಾಜ್ಯ ಬರಡ್;
 ನಿನ ಚಿತ್ತ ಪರಲೋಕೋಡು ಆಪಿ ಲೆಕ್ಕನೇ ಭೂಮಿದ ಮಿ
 ತ್ತಲಾ ಆವಡ್;
 ಬೋಡಾಪಿನವು ಎಂಕುಳೆ ರೊಟ್ಟಿನ ಎಂಕುಳೆಗ್ ಇನಿ
 ಕೊರ್ಲ;
 ಬೊಕ್ಕ ಎಂಕುಳೆ ಸಾಲದಾಕುಳೆಗ್ ಎಂಕುಳುಲಾ ಬುಡುಪಿ
 ಲೆಕ್ಕನೇ ಎಂಕುಳೆ ಸಾಲೋಳೆನ್ ಎಂಕುಳೆಗ್ ಬುಡುಲ.
 ಬೊಕ್ಕ ಎಂಕುಳೆನ್ ಶೋಧನೆಡ್ ಶೇರಾವಂದೆ,
 ಎಂಕುಳೆನ್ ಕೇಡ್‌ಗ್ ತಪ್ಪಾಲ;
 ದಾಯೆಗಂದ್‌ಂಡ ರಾಜ್ಯಲಾ ಬಲಲಾ ಮಹಿಮೆಲಾ ಯು
 ಗಯುಗಾಂತ್ರೊಳೆಗ್ ನಿನ್ನವು ಆದುಂಡು. ಆಮೆನ್.

೧. ಸರ್ವೆರೆಗ್ ಮಳ್ಳೆರೆ ತಕ್ಕ ಇತ್ತಿ ಪ್ರಾರ್ಥನೆಳು.

ದಿನಾಲಾ ಕಾಂಡೆ ಮಳ್ಳುನವು.

ಅಮ್ಮೆ ಮಗೆ ಪರಿಶುದ್ಧಾತ್ಮ ಆಯಿ ದೇವರೆ ಪುದರ್
 ಡ್ ಆವಡ್. ಆಮೆನ್.

ಪರಲೋಕೋಡುಪ್ಪು ಎನ ಅಮ್ಮಾ! ನಿನ್ನ ಪ್ರಿಯ
 ಮಗೆ ಆಯಿ ಯೇಸು ಕ್ರಿಸ್ತ ಮುಖಾಂತ್ರ ಎನನ್ ಪೋಯಿ

ರಾತ್ರೇಡ್ ಮಾತ ಕೇಡ್‌ಗಲ್‌ಲಾ ಕಷ್ಟೊಗುಲಾ ತಪ್ಪಾದ್
ಕಾತಿನವು ನಿನ ದಯೊನು ಪುಗರ್‌ದ್ ಸೋತ್ರ ಮಳ್ಳು
ವೆ. ಇನಿ ಎನ ನಡತೆಲಾ ಮಾರ್ಗಲಾ ಕೆಲಸಲಾ ಸ್ಥಿರ
ಆದ್‌ಲಾ ನಿಕ್ಕ ದಂಬಡಿಗೇ ಆದ್‌ಲಾ ಉಪ್ಪು ಲೆಕ್ಕ ಎನನ್
ಮಾತ ಪಾಪೊಳೆಡ್‌ಲಾ ಕೇಡ್‌ಡ್‌ಲಾ ಸಂರಕ್ಷಣೆ ಮ
ಳ್ಳೊಡು ಅಂದ್‌ದ್ ನಟ್ಟೊಣುವೆ. ದಾಯೆಗಂದ್‌ಂಡ ಎನ
ನ್‌ಲಾ ಎನ ಶರೀರೊನುಲಾ ಪ್ರಾಣೊನುಲಾ ಎಂಕ್ ಉ
ಪ್ಪುನವು ಮಾತೆನ್‌ಲಾ ನಿನ ಕೈಕ್ ಒಚ್ಚಿದ್ ಕೊರ್ಪೆ. ಆ
ದುಪ್ಪು ವೈರಿ ಆಯಿ ಸೈತಾನೆ ತನ ಕೈ ಎನ ಮಿತ್ತ್ ಪಾಡಿ
ಯೆರೆ ಆವಂದಿ ಲೆಕ್ಕ ನಿನ ಪರಿಶುದ್ಧ ದೂತೆ ಎನಡೊಪ್ಪ
ಉಪ್ಪಡ್. ಆಮೆನ್.

ದಿನಾಲಾ ಬಯ್ಯಗ್ ಮಳ್ಳುನವು.

ಅಮ್ಮೆ ಮಗೆ ಪರಿಶುದ್ಧಾತ್ಮ ಆಯಿ ದೇವರೆ ಪುದರ್
ಡ್ ಆವಡ್. ಆಮೆನ್.

ಪರಲೋಕೊಡುಪ್ಪು ಎನ ಅಮ್ಮಾ! ನಿನ ಪ್ರಿಯ ಮ
ಗೆ ಆಯಿ ಯೇಸು ಕ್ರಿಸ್ತ ಮುಖಾಂತ್ರ ಎನನ್ ಈ ದಿನೊ
ಟ್ಟು ದಯ ಆದ್ ಸಂರಕ್ಷಣೆ ಮತ್ತಿನೆಡ್ ನಿಕ್ಕ ಸೋತ್ರ
ಮಳ್ಳುವೆ. ಯಾನ್ ಪಾ ಕಾರ್ಯೊಡು ಆಂಡಲಾ ಅನ್ಯಾ
ಯ ಮತ್ತಿನವು ಆಂಡ, ಉಂದೇ ಎನ ಮಾತ ಪಾಪೊಳೆ
ನ್ ಎಂಕ್ ಕ್ಷಮಿತ್‌ದ್ ಈ ರಾತ್ರೇಡ್ ಎನನ್ ದಯೊಟು
ಕಾಪೊಡು ಅಂದ್‌ದ್ ನಟ್ಟೊಣುವೆ. ದಾಯೆಗಂದ್‌ಂಡ

ಎನನ್‌ಲಾ ಎನ ಶರೀರೊನುಲಾ ಪ್ರಾಣೊನುಲಾ ಎಂಕ್
ಉಪ್ಪುನವು ಮಾತೆನ್‌ಲಾ ನಿನ ಕೈಕ್ ಒಚ್ಚಿದ್ ಕೊರ್ಪೆ.
ಆ ದುಪ್ಪು ಮೈರಿ ಆಯಿ ಸ್ತೆತಾನೆ ತನ ಕೈ ಎನ ಮಿತ್ತ್ ಪಾ
ಡಿಯೆರೆ ಆವಂದಿ ಲೆಕ್ಕ ನಿನ ಪರಿಶುದ್ಧ ದೂತೆ ಎನಡೊಪ್ಪು
ಉಪ್ಪಡ್. ಆಮೆನ್.

೨. ಜೋಕುಳೆಗ್ ಮುಳ್ಳೆರೆ ತಕ್ಕ ಇತ್ತಿ ಪ್ರಾರ್ಥನೆಳು.

ಐತ್ತಾರ ಕಾಂಡೆ.

ಎನ ಪ್ರಾಣಾ, ಕರ್ತವನ್ ಆಶೀರ್ವದಿಪ್ಪುಲ! ಎನ
ಅಂತರಂಗ ಮಾತಲಾ ಆಯ ಪರಿಶುದ್ಧ ಪುದರ್‌ನ್ ಆಶೀ
ರ್ವದಿಪ್ಪುಲ! ಎನ ಪ್ರಾಣಾ, ಯೆಹೋವನ್ ಆಶೀರ್ವದಿ
ಪ್ಪುಲ! ಆಯೆ ಮುಳ್ಳಿ ಮಾತ ಉಪಕಾರೊಳೆನ್ ಮದಪಡೆ!

ಕ್ರಿಸ್ತ ಯೇಸುವೇ, ಯಾನ್ ನಿನ್ನಾಯೆ!

ನಿನ ಪ್ರೀತಿ, ನಿನ ದಯ, ನಿನ ಸತ್ಯದ ಸಹಾಯ
ಯಾನ್ ಬುಡಂದೆ ನೆನೆತೊಣುವೆ.

ಐತ್ತಾರ ಬಯ್ಯಗ್.

ಕರ್ತವಾ! ಎಂಕುಳೆಡೊಪ್ಪ ತಡೆಲ; ದಾಯೆಗಂದಂ
ಡ ಬಯ್ಯ ಆಂಡ್, ಪೊರ್ತು ಪೋಂಡು.

ಕ್ರಿಸ್ತೇಸು ಕೈಟ್ ಅಪಗ ಶರೀರ ಆತ್ಮ ಪ್ರಾಣ

ಉಪ್ಪಡ್; ಆಯ ಕರುಣ ಶಾಂತಾದ್ ಜೆಪ್ಪು ಸ್ಥಾನ.

ಎನ್ನಾತ್ಮಾ, ಲಕ್ಕುಲ! ಪ್ರೀತಿತ್ತಿ ಕರ್ತವ
ಸಹಾಯೋಗಾದ್ ಸ್ತುತಿಸು! ಕ್ರಿಸ್ತೇಸು ಮಿತ್ತ್
ತೂವೋಣು!

ಸೋಮಾರ ಕಾಂಡೆ.

ಯೆಸೋ ಅಯ್ಯಾ, ಎನನ್ ಕರುಣ ಮಳ್ಳುಲ!
ಕ್ರಿಸ್ತೇಸು ಉಳ್ಳೆಡ, ಈ ಲೋಕ ಎಂಕ್ ದಾನೆ?
ಸಮಸ್ತ ಕಪ್ಪೊಡು ಸಹಾಯ ಮಳ್ಳೆ ತಾನೇ,
ಸಮಸ್ತ ದುಃಖೊನು ತಿರ್ಂಗಾವೆ ಸುಖೊಟು.
ಐಕಾದ್ ಯೇಸುವೇ, ಎಂಕೀಯೌ ನಿತ್ಯೊಗು.

ಸೋಮಾರ ಬಯ್ಯಗ್.

ಯಾನ್ ಎನ ಹಾಸಿಗಿದ ಮಿತ್ತ್ ನಿನನ್ ನೆನೆತೋಣು
ವೆ, ಎಚ್ಚರಿಗೆ ಆನಗ ಎನ ಆಲೋಚನೆ ನಿನ ಮಿತ್ತ್ ಉಂ
ಡು, ದೇವೆರೇ!

ಯೇಸುವೇ, ಯೇಸುವೇ! ನಿಕ್ಕ ಯಾನ್ ಶೇರಿಯೆ.
ಎನ ಆತ್ಮ, ಎನ ಪತ್ರಾಣ, ಎನ ಜೀವದ ಪ್ರಯಾಣ
ಯೇಸೋ! ಮಾತ ನಿನ್ನವೇ.

ಅಂಗಾರ ಕಾಂಡೆ.

ಜೀವೊನುಲಾ ಕ್ತಪೆನ್‌ಲಾ ಎಂಕ್ ಮುಕ್ತ. ನಿನ ಪ
ರಾಂಬರಿಕೆ ಎನ ಆತ್ಮೊನು ಕಾಪುಂಡು.

పొయి రాత్రి మాత దుఃఖ భంజ కష్ట వంఛనే దూ
ర మక్త; యాన్ సుఖ ఆద్ ఇత్తే లక్ష్మియే.

ఎన ప్రియ దేవేరే! నిక్క స్తోత్ర మళ్ళవే.

అంగారే బయ్యగ్.

దేవేరే! శుద్ధ ఇత్తి ఠ్ఠదయ్యెను ఎనడ్ టు
డు మళ్ళల! ఠ్ఠడ ఇత్తి ఆత్మొను ఎన అంతరంగొ
డు పొసత్ మళ్ళల!

దయ ఇత్తినాయా! ఎన్నాడేగ్ బల్ల!

యాన్ నిన వాసస్థళ; మాత పేలిగేన్ యేసు నే
త్త్రగాద్

శుద్ధ మళ్ళ పూర్తి ఆద్. ఆపగ ఏపలా
ఎంక్ సమాధాన. యాన్ నిన స్థాన.

బుధవార కాండే.

ఈ దుష్టతనొకు మేక్కు దేవేరత్త; పడికెంతి
నాయే నిన కృతళ్ వాస మళ్ళరే బల్లి;

మోస తప్పు పాపొళెడ్ యాన్ పూర్తి ముక్కియే.

నిన అంతఃకరణోడ్ యాన్ హర్ష మళ్ళవే.

అమ్మా! నిన మల్ల దయ ఎన బల ఎన జయ.

సార సార సర్తియే నిక్క స్తోత్ర మళ్ళవే.

ಬುಧವಾರ ಬಯ್ಯುಗ್.

ಯಾನ್ ಸಮಾಧಾನೊಡು ಜೆತ್ತದ್ ನಿದ್ರೆ ಮಳ್ಳು
ವೆ. ದಾಯೆಗಂದ್ಂಡ ಯೆಹೋವಾ, ಈ ಪೊರಿಯೇ ಎ
ನನ್ ಭರವಸೊಡು ವಾಸ ಮಳ್ಳಾವ!

ಕರ್ತುನ್ ಸ್ತುತಿಸು ಎನ ಪ್ರಾಣಾ! ಮರಣ ಮುಟ್ಟು
ಸ್ತುತಿಸು!

ಆತ್ಮಲಾ ಅಂಗಲಾ ಆಯ ಮಾನ ಭೂಮಿದ ಮಿತ್ತ ಹೆ
ಚ್ಚಾವು!

ಇರ್ಲ್ ಪಗಲ್ ದೇವೆರೇ ಹೊಂದಡ್ ಸರ್ವ ಮಹಿಮೆ.
ಹಲ್ಲೆಲೂಯಾ.

ಗುರುವಾರ ಕಾಂಡೆ.

ನಿಕ್ಕ ದಂಬಡಿಗಿ ಇತ್ತಿನೆನ್ ಮಳ್ಳೆರೆ ಎಂಕ್ ಕಲ್ಪಾಲ!
ದಾಯೆಗಂದ್ಂಡ ಈ ಎನ ದೇವೆರಾದುಳ್ಳ; ನಿನ ಎಡ್ಡೆಂತಿ
ಆತ್ಮ ಎನನ್ ಸರ್ತ್ ಇತ್ತಿ ಮಾರ್ಗೊಡು ನಡಪುಡಡ್!

ಓ ಸರ್ವ ವ್ಯಾಪಕಾ, ಈ ಲೋಕ ಮೋಸೊಳೆಗ್
ಯಾನುಪ್ಪೊಡಾನೆಗೆ ತಪ್ಪಾಲ! ದೋಶೊಳೆಗ್,
ಅಸಹ್ಯ ಕಾರ್ಯೊಗು, ವಾ ಪಾಪೊಗಾಂಡಲಾ
ತಪ್ಪಾದ್ ಕಾಪುಲ, ಓ ಶುದ್ಧ ಕರ್ತವಾ!

ಗುರುವಾರ ಬಯ್ಯುಗ್.

ಯಾನ್ ಕತ್ತಲೆದ ತಗ್ಗಡ್ ನಡತ್ತಂಡಲಾ ಕೇಡ್‌ಗ್
ಪೊಡಿಯಯೆ, ದಾಯೆಗಂದ್ಂಡ ಈ ಎನಡೊಪ್ಪ ಉಳ್ಳ.

ಯೇಸು ಏನ ಸ್ನೇಹಿತೆ; ಮಾತ ಕಪ್ಪೊಡು ಸಹಾಯ
ಆಯೆ ನಂಕ್ ಮಳ್ಳುವೆ. ದಿಂಜ ಉಂಡು ಆಯ ದಯ!
ಆಯ ಸ್ನೇಹ ಮಳ್ಳಲೆ! ಯೇಸು ನಿಜ ಸ್ನೇಹಿತೆ.

ಶುಕ್ರುವಾರ ಕಾಂಡೆ.

ದೇವೆರೆ! ಈ ಪ್ರಾರ್ಥನೆನ್ ಕೇಣುನಾಯೆ; ನಿನ ಕೈ
ತಡೆಗ್ ಮಾತ ಮಾಂಸಲಾ ಬರ್ಪುಂಡು.

ನಿನ ದಯ, ನಿನ ನೀತಿ, ನಿನ ಸತ್ಯ ನಂಬಿಗೆ,
ನಿನ ಮಿತಿದಾಂತಿ ಪ್ರೀತಿ ಏಪಲಾ ನೆನೆಪುವೆ.
ಏನ ಆತ್ಮ, ಏನ ಅಂಗ ನಿನ ದಯತ ಪ್ರಸಂಗ.
ಸಾರ ಸಾರ ಸರ್ತಿಯೇ ನಿಕ್ಕ ಸ್ತೋತ್ರ ಮಳ್ಳುವೆ!

ಶುಕ್ರುವಾರ ಬಯ್ಯಗ್.

ಕರ್ತವಾ! ಈ ಮಾತೆನ್‌ಲಾ ಪಿಂಬ; ಯಾನ್ ನಿನನ್ ಪ್ರೀ
ತಿ ಮಳ್ಳುವೆ ಅಂದ್‌ದ್ ಈ ಪಿದುಕೊಣುವ.

ಪ್ರೀತಿ! ದಿವ್ಯ ರೂಪು ಆದ್ ಏನನ್ನಂಡು ಮಳ್ತದ.
ಪ್ರೀತಿ! ಪೂರ್ಣ ಕ್ಷಮೆಗಾದ್ ಪಾಪೊಡ್ಬ ರಕ್ಷಿಸಿಯ.
ಪ್ರೀತಿ! ಸದಾಕಾಲೋಗೇ ನಿಕ್ಕ ಸೇವೆ ಮಳ್ಳುವೆ!

ಶನಿವಾರ ಕಾಂಡೆ.

ಕರ್ತವಾ! ಈ ಎಂಕ್ ಮಲ್ಲಿ ಮಾತ ಕ್ಷಮೆಗ್‌ಲಾ ಸ
ತ್ಯೊಗುಲಾ ಯೋಗ್ಯದಾಂತಿನಾಯೆ ಆದುಳ್ಳೆ.
ಓ ನರಮಾನ್ಯೆರೆ, ನಿತ್ಯ ಘನ ಕರ್ತಗ್ ಕೊರ್ಲೆ ಬುಡಂದೆ!

ಸ್ತಷ್ಟಿದ ರಾಶಿಲಾ ಆಯ ಮಾನ ಸಾರಿಯೋಣಾಡ್ ನಿ
ತೈಯೋಗೇ!
ಆಮೆನ್! ತ್ರಿಯೇಕ ದೇವರೇ ಹೊಂದಡ್ ಸರ್ವ ಮಹಿಮೆ!
ಹಲ್ಲೆಲೂಯ.

ಶನಿವಾರ ಬಯ್ಯುಗ್.

ಕರ್ತವೆ ದಿನಾಲಾ ಸ್ತುತಿ ಪಡೆವೊನಡ್; ಆಯ ಪ
ರಿಶುದ್ಧ ಪುರಸ್ಕಾರ್ ಸದಾಕಾಲೊಗು ಆಶೀರ್ವದಿಪುಲೆ!
ದಾಯೆಗಂದಂಡ ಆಯೆ ಎಡ್ಡೆಂತಿನಾಯೆ; ಆಯ ಕ್ತಪೆ
ಸದಾಕಾಲೊಗು ಉಂಡು.

ಮಾತ ಅಗತ್ಯದ ವಸ್ತುಳು ನಮಲಾ ಹೊಂದಿಯತ್ತಾ?
ಜೀವೊಗು ಆಹಾರ ತಿಕ್ಕುಂಡು. ಏಪಲಾ ಪರಾಂಬರಿಸಿ
ಯೆ ಇನಿ ಮುಟ್ಟು.



೨. ಜವನೈರೆಗ್ ಮಳ್ಳೆರೆ ತಕ್ಕ ಇತ್ತಿ ಪ್ರಾರ್ಥನೆಳು.

ಐತ್ತಾರ ಕಾಂಡೆದ ಪ್ರಾರ್ಥನೆ.

ಕರ್ತವೆ ಆಯಿ ದೇವರೇ! ಈ ಬೊಳ್ಳು ಆದುಳ್ಳೆ; ನಿನ
ಡ್ ಕತ್ತಲೆ ದಾಲಾ ಇಜ್ಜಿ; ನಿನ ಪ್ರಿಯ ಮಗೆ ಲೋಕದ
ಬೊಳ್ಳು ಆದುಳ್ಳೆ. ಆಯ ಬೆರಿ ಪೋಪಿನಾಯೆ ಕತ್ತಲೆ
ಡ್ ನಡಪಂದೆ ಜೀವದ ಬೊಳ್ಳು ಇತ್ತಿನಾಯೆ ಆದುಳ್ಳೆ.
ಕರ್ತವಾ! ಎನನ್ ನಡಪುಡಿಯೆರೆ ಎಂಕ್ಲಾ, ನಿನ ಬೊಳ್ಳು
ನುಲಾ ಸತೊನುಲಾ ಕಡಪುಡುದು ನಿಕ್ಕ ಪರಿಶುದ್ಧ ಮ

ಳ್ತದುಪ್ಪು ಈ ದಿನೊಟು ಯಾನ್ ಕೇಣು ನಿನ ಪಾಕ್ಯ
 ಎನ ಕಾರುಳೆ ಬೊಳ್ಳು ಆವೆರೆ ಮಳ್ಳುಲ. ಎನ ಹ್ತದಯದ
 ಸ್ಥಿತಿನ್ ಸತ್ಯ ಇತ್ತಿ ಲೆಕ್ಕನೆ ಎಂಕ್ ತೋಜಾದ್, ಆತ್ಮದ
 ವಂಚನೆ ಮಾತಲಾ ಎನಡ್ ಮಾಜಾದ್, ಲೋಕದ ಭೋ
 ಗೊಳೆನ್‌ಲಾ ಮಾಂಸದ ಆಶೆ ಇಚ್ಛೆನ್‌ಲಾ ಎನಡ್ ದೆತ್ತ
 ದ್, ನಿನ ಪರಿಶುದ್ಧ ಆತ್ಮದ ದಾನೊಳೆನ್ ಎನ ಉಳಯಿ
 ಕೊರ್ದು, ನಿನ ಸೇವೆ ಮಳ್ಳೆರೆ ಯಾನ್ ಯೋಗ್ಯದಾಯೆ
 ಆಪಿ ಲೆಕ್ಕಲಾ, ಮಾತ ಬುದ್ಧಿನ್ ಮೀರುನವು ನಿನ ದಿವ್ಯ
 ಜ್ಞಾನ ಎನಡ್ ನಿತ್ಯ ಜೀವದ ಆರಂಭ ಆದುಪ್ಪು ಲೆಕ್ಕಲಾ,
 ನಿನ ಪಾಕ್ಯದ ಮುಖಾಂತ್ರೊಡ್ ಮಳ್ಳುಲ. ಪ್ರೀತಿತ್ತಿ
 ಕರ್ತವಾ! ಈ ಪೋಯಿ ರಾತ್ರೆಡ್ ಎನನ್ ದಯೊಡ್ಡೇಕಾ
 ತದ್ ಸುಖೊಡು ಈ ದಿನೊಕು ನಡಪುಡಿನೆಡ್ ನಿಕ್ಕೊಸ್ತೊ
 ತ್ರ ಮಳ್ಳುವೆ. ಇನಿಲಾ ಎನನ್ ಎನ ಮಾತ ಪ್ರೀತಿತ್ತಿನಾಕು
 ಳೆಡೊಪ್ಪಲಾ, ನಿನ ಪ್ರಿಯ ಪಾಕ್ಯೊನು ಕೇಂಡ್‌ದ್ ಧ್ಯಾ
 ನ ಮಳ್ಳುನಾಕುಳೆ ಮಾತೆರೆಡೊಪ್ಪಲಾ ನಿನ ಪರಾಂಬರಿ
 ಕೆಗ್ ಬಚ್ಚಿದ್ ಕೊರ್ಪೆ. ಅಮ್ಮೆ ಆಯಿ ದೇವೆರೆ! ಎನ
 ರಕ್ಷಕೆ ಆಯಿ ಯೇಸು ಕ್ರಿಸ್ತಗಾದ್ ಎನ ಬಡ ಪ್ರಾರ್ಥನೆ
 ನ್ ಕೇಂಡ್‌ದ್ ಮಳ್ಳುಲ. ಆಮೆನ್.

ಐತ್ತಾರ ಬಯ್ಯದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಐತ್ತಾರ ದಿನೊಟು ಈ
 ಸ್ಥಿತಿನಾಕುಳೆ ಉಳಯಿಡ್ ಲಕ್ಕದ್ ಮರಣದ ಮಿತ್ತಲಾ,
 ಪಾತಾಳದ ಮಿತ್ತಲಾ ಅಧಿಕಾರ ಇತ್ತಿನಾಯೆ ಆದ್

ತೋಜಿಯು. ಈ ನಿನ್ನಾಕುಳೆಗ್ ಇತ್ತೆ ನಂಬಿಗಿತ್ತಿ ಪ್ರಧಾನ
ಯಾಜಕೆಲಾ ಮಧ್ಯಸ್ಥಗಾರೆಲಾ ಅರಸುಲಾ ಆದುಳ್ಳ. ನಿ
ನ ರಾಜ್ಯೊಗು ಅಂತ್ಯ ಉಪ್ಪುಜಿ. ಉಂದೆನ್ ಈ ನಿನ ದಿ
ನತ ಬಯ್ಯದ ಪೂರ್ತುಗು ನೆನೆತೊಣ್ಣು ನಿಕ್ಕ ಸೋತ್ತ
ಮಳ್ಳುವೆ. ಯಾನ್ ಈ ಜೀವೊಡು ಎನ ಭಾಗ್ಯ ನಾಡಂದೆ
ಎನ ಪ್ರಾಣೊಗು ನಿತ್ಯಜೀವೊನು ಹೊಂದೊಡು ಇನ್ನಿ
ನಾಯೆ ಆದ್ ನಿನ ಪುನರುತ್ಥಾನದ ಬಲೊಡ್ಡು ಯಾನ್
ರಡ್ಡನೆ ಮರಣೊಗು ಬಳಗಾವಂದಿ ಲೆಕ್ಕ ಎನನ್ ಲಕ್ಕಾಲ.
ಇನಿ ಕೇಂಡಿನವುಲಾ ಓದಿನವುಲಾ ನಿನ ಪ್ರಿಯ ವಾಕ್ಯ
ಎಡ್ಡೆ ಭೂಮಿಗ್ ಅಂದ್‌ದ್ ಎನ ಹೃದಯೊಗು ಬೂರು
ದು ಐಟ್ ಬಳತ್ತದ್ ಎಡ್ಡೆ ಫಲಕೊರ್ಪಿ ಲೆಕ್ಕ ಮಳ್ಳುಲ.
ಪರಲೋಕದ ಅಮ್ಮಾ! ನಿನ ಪ್ರಿಯ ಮಗನ್ ಎನ ರಕ್ಷಣೆ
ಗಾದ್ ಕೊರಿನೆಕಾದ್ರ ಎನ ಮಾತ ಪಾಪೊಳೆನ್ ಎಂಕ್
ಕ್ಷಮಿಪುಲ! ಆಂಡ ಪಡಿಕೆ ಲೋಕೊಡುಲಾ ದುಪ್ಪ ಜನೊ
ಕುಳೆ ನಡುಟುಲಾ ಯಾನ್ ಜೀವ ಸಂಚಾರ ಮಳ್ಳೊಡಾ
ಪಿನಾಯೆ ಆದ್, ಬೊಕ್ಕಲಾ ಬೊಕ್ಕಲಾ ತತ್ತದ್, ನಿಕ್ಕ
ದೂರ ಆವೆರೆ ಎನ ಸುತ್ತಲಾ ನಾನಾ ತರದ ಕಂಟಕೊಳು
ಉಪ್ಪುನೆಕಾದ್ರ ಕರ್ತವೆ ಆಯಿ ದೇವೆರೇ! ಇಯ್ಯೇ ಎಂಕ್
ಏಪಲಾ ಆಶ್ರಯ ಆದುಪ್ಪುಲ! ಅಂಚೆನೆ ಈ ರಾತ್ರಿಡ್
ಲಾ ಎಂಕ್‌ಲಾ ಎನ್ನಾಕುಳೆ ಮಾತೆರೆಗ್‌ಲಾ ಆಶ್ರಯ ಆ
ದಿತ್ತದ್ ಎಂಕುಳೆನ್ ಕಾಪುಲ! ಕಡೆಕ್ ಮಾತ ಮೋಸೊ
ಡ್ಡು ಎನನ್ ತಪ್ಪಾದ್ ನಿನ ಪರಲೋಕ ರಾಜ್ಯೊಗು ಶೇ
ರಾಲ! ಆಮೆನ್.

ಕರ್ತ
ಕೆ ಕೊರಿ
ಎಂಕ್‌ಮ
ತ್ರ ಮಳ್ಳು
ನಲಾ ನಿ
ಶ್ಚಿನಲಾ
ಳೆಡ್ ನಿ
ಐಟ್ ಇತ್ತ
ನಾದ್ ಕಡ
ನಿ ನೆತ್ತ
ಮಾತ ಪ
ನ್ ಈ ಜಿ
ನಾಯೆ ಆ
ದರ್ ಯ
ವೆ ಯೆ
ನೆತ್ತರಡ್
ನು ಉ
ಮೋಸ
ಸ ಅಪ್ಪ
ದ್, ಯ
ಲ! ಮ
ನಿವ ಮ

ಸೋಮಾರ ಕಾಂಡೆದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಪೋಯಿ ರಾತ್ರೇಡ್ ಎಂ
 ಕ್ ಕೊರಿ ನಿನ ಕ್ತಪೆದ ಆಶ್ರಯೊಗಾದ್‌ಲಾ ಪುಟ್ಟನೆಡ್ಡಿಂಚಿ
 ಎಂಕ್ ಮುಕ್ತಿ ಮಾತ ಉಪಕಾರೊಳೆಗಾದ್‌ಲಾ ನಿಕ್ ಸೋ
 ತ್ರ ಮಳ್ಳುವೆ. ಈ ದಿನೊಟು ಮಳ್ಳೊಡಾಪಿನವು ಮಾತೆ
 ನ್‌ಲಾ ನಿನ ಚಿತ್ತದ ಪ್ರಕಾರ ಮಳ್ಳರೆ ಎಂಕ್ ಬೋಡಾಪಿ
 ಶಕ್ತಿನ್‌ಲಾ ಬುದ್ಧಿನ್‌ಲಾ ಕೊರ್ಲ! ಈ ಪ್ರಪಂಚದ ಕಷ್ಟೊ
 ಳೆಡ್ ನಿನ ಮಿತ್ತ್ ತೂದು, ತಾಳ್ಗೆ ಇತ್ತಿನಾಯೆ ಆದ್
 ಐಟ್ ಇತ್ತ್‌ದ್, ನಿನ ಸಹಾಯೊಡ್ತು ಮಾತೆನ್ ಪೂರೈ
 ಸ್‌ದ್ ಕಡೆಕ್ ನಿಜ ವಿವೋಚನೆ ಯಾನ್ ಹೊಂದು ಲೆಕ್ಕ
 ನಿನ ನೆತ್ತೆರ್‌ಗಾದ್ ಕೊರೊಡು ಅಂದ್‌ದ್ ನಟ್ಟೊಣುವೆ.
 ಮಾತ ಪಾಪದ ಮೋಸೊಳೆಡ್ ಎನನ್ ತಪ್ಪಾದ್ ಯಾ
 ನ್ ಈ ಜೀವೊಡುಪ್ಪುನೆಗೆ ಪರಲೋಕದ ಭಾಗ್ಯ ನಾಡು
 ನಾಯೆ ಆದ್ ನಡತ್ತದ್, ಅವುಳು ನಿನ ಸಿಂಹಾಸನದ ಎ
 ದರ್ ಯಾನ್‌ಲಾ ಉತ್ತುದು, ನಿನ ಮಹಿಮೆನ್ ತೂ
 ವೆರೆ ಯೋಗ್ಯ ಇತ್ತಿನಾಯೆ ಆಪಿ ಲೆಕ್ಕ, ನಿನ ಪರಿಶುದ್ಧ
 ನೆತ್ತೆರ್‌ಡ್ ಎನನ್ ತಲಿತ್‌ದ್, ಎನಡ್ ಶುದ್ಧ ಹೃದಯೊ
 ನು ಉಂಡು ಮಳ್ಳುಲ! ಎನ ಶರೀರಾತ್ಮ ಪ್ರಾಣೊಗು
 ಮೋಸ ಆವಂದಿ ಲೆಕ್ಕಲಾ ಯಾನ್ ಎರೆಗಾಂಡಲಾ ಮೋ
 ಸ ಅಭ್ಯಂತ್ರ ಮಳ್ಳಂದಿ ಲೆಕ್ಕಲಾ, ಎಂಕ್ ಸಹಾಯ ಮಳ್ತಾ
 ದ್, ಯಾನ್ ಮಳ್ಳುನವು ಮಾತೆನ್‌ಲಾ ಆಶೀರ್ವದಿಪು
 ಲ! ಎಚ್ಚರಿಗೆ ಆದಿತ್ತ್‌ದ್ ಪ್ರಾರ್ಥನೆ ಮಳ್ಳುನಾಯೆ ಆದ್
 ನಿನ ಮಾರ್ಗೊಡು ನಡತೊಣು ಲೆಕ್ಕಲಾ, ಯಾನ್ ಈ

ಲೋಕದಾಯೆ ಆದುಪ್ಪಂದೆ ಲಯ ಆದ್ ಪೋವಂದಿ ಪ
ರಲೋಕದ ಆಸ್ತಿನ ಆಶೆ ಮಳ್ಳುನಾಯೆ ಆದ್ ಕಡೆ ಮು
ಟ್ಟ ಸ್ಥಿರ ವಿಶ್ವಾಸದಾಯೆ ಆದುಪ್ಪು ಲೆಕ್ಕಲಾ ಎಂಕ್ ಸಹಾ
ಯ ಮಳ್ಳುಲ! ಆಮೆನ್.

ಸೋಮಾರ ಬಯ್ಯದ ಪ್ರಾರ್ಥನೆ.

ಪರಲೋಕದ ಅಮ್ಮಾ! ಕೆಲಸ ಮಳ್ಳೊಡಾಪಿ ಈ
ವಾರದ ದುಂಬುದ ದಿನ ಇತ್ತೆ ಪೋಂಡು. ಈ ಇನಿ ಎಂಕ್
ಮುಳ್ಳಿ ಮಾತ ಉಪಕಾರೊಳೆಗಾದ್ ನಿಕ್ ಪೂರ್ತಿ ಹ್ತದ
ಯೊಡ್ತು ಸ್ತೋತ್ರ ಮಳ್ಳುವೆ. ಈ ಲೋಕ ಇನ್ನಿ ಕಾಡ್
ದ ಪ್ರಯಾಣೊಡು ಯಾನ್ ನಾನಾ ತರತ ಕಷ್ಟ ಪಡೆ
ದ್ ದಣಿದ್ ಪೋಂಡಲಾ, ಎಂಕ್ ಆಪಗಾಪಗ ಸಹಾ
ಯ ಮಳ್ಳು ನಿನನ್ ವಿಶ್ವಾಸೊಡ್ತು ಪತ್ತುವೆ. ಯಾನ್ ಸ
ಮಾಧಾನೊಡು ಜಿತ್ತದ್ ನಿದ್ರೆ ಮಳ್ತದ್, ಎಲ್ಲೆ ಸುಖ
ಆದ್ ತಿರ್ಂಗದ್ ಲಕ್ಕದ್ ಎನ ಉದ್ಯೋಗೊನು ಮಳ್ಳೆ
ರೆ ತೀರು ಲೆಕ್ಕ ನಿನ ಸರ್ವತ್ರಾಣ ಇತ್ತಿ ಕೈ ಎನ ಮಿತ್ತ
ನೀಡದ್ ಕಾಪುಲ! ಎನ ಮಾತ ಪಾಪೊಳೆನ್ ಎಂಕ್ ಕ್ಷ
ಮಿತ್ತದ್, ಎನ ಮನಸ್ಸಾಕ್ಷಿನ್‌ಲಾ ಹ್ತದಯೊನುಲಾ ನಿನ
ಪ್ರಿಯ ಮಗೆ ಆದುಪ್ಪಿ ಎನ ರಕ್ಷಕೆ ಆಯಿ ಯೇಸು ಕ್ರಿಸ್ತ ನೆ
ತ್ತಿರ್‌ಡ್ ನಿರ್ಮಲ ಮಳ್ಳುಲ! ಯಾನ್ ಈ ಲೋಕೊಡು
ಪರವಾಸದಾಯೆ ಆದಿತ್ತದ್, ಪರಲೋಕೊಡುಪ್ಪು ಸ್ತಂ
ತ ಸ್ಥಳೊನು ನಾಡೊಡು ಇನ್ನಿನವು ನಿನ ಅಪ್ಪಣೆ ಆದು
ಪ್ಪುನೆಡ್ ಇಡೀ ಜೀವದ ಪ್ರಯಾಣೊಡು ನಿನ ಮಿತ್ತ

ಲಾ ನಿನ ಮಹಿಮೆದ ರಾಜ್ಯದ ಮಿತ್ತಲಾ ಮನಸ್ಸು ದೀ
ದ್, ಕಡೆಕ್ ನಿತ್ಯ ಆನಂದೊಗು ಶೇರು ಲೆಕ್ಕ, ಎನ ಪ್ರಾ
ಣೊನು ಈ ಲೋಕದ ಆಶೆಡ್ ಬುಡುಪಾದ್, ಪರಲೋ
ಕದವು ನಿತ್ಯಜೀವದ ರುಚಿನ್ ಎಂಕ್ ತೋಜಾಲ! ಎನನ್
ಲಾ, ಎನ ಪ್ರಿಯರೆನ್ ಮಾತೆರೆನ್ಲಾ ನಿನ ಪೂರ್ತಿ ದ
ಯೊಡ್ ಪರಾಂಬರಿಪುಲ! ಆಮೆನ್.

ಅಂಗಾರೆ ಕಾಂಡೆದ ಪ್ರಾರ್ಥನೆ.

ಪರಲೋಕೊಡುಲಾ ಭೂಲೋಕೊಡುಲಾ ಮಾತ
ಅಧಿಕಾರೊನು ಹೊಂದುದು, ಎನ ಮಧ್ಯಸ್ಥಗಾರೆ ಆದ್
ಅಮ್ಮ ಬಲತ್ತ್ಡ್ ಕುಳ್ಳೊಣ್ಣುಪ್ಪು ಕರ್ತವೆ ಆಯಿ ಯೇ
ಸೋ! ಇದ ಮುಟ್ಟು ಯಾನ್ ಬದುಕುನವುಲಾ ಉಪ್ಪುನ
ವುಲಾ ಮಾತಲಾ ನಿನ ಉಪಕಾರ ಮಾತ್ರ ಆದುಪ್ಪುಂಡು;
ನಿನ ಪುದರ್ನ್ ಪುಗರೊಣ್ಣು, ಯೋಗ್ಯದಾಂತಿನಾಯೆ
ಆಯಿ ಎಂಕ್ ಈ ಮುಟ್ಟಿ ಮಾತ ಉಪಕಾರೊಳಿನ್ ನೆನೆತೊ
ಣ್ಣು ನಿಕ್ಕ ಸ್ತುತಿ ಸೋತ್ರ ಮಳ್ಳವೆ. ಈ ಎನನ್ ಉಂಡು
ಮುಳ್ತದ್ ಪಾಪೊಡ್ ಬುಡುಪಾದ್ ನಿನ ಏಕ್ಕೊಗು ಲೆ
ತ್ತಿನೆಡ್, ಯಾನ್ ನಿನ ಚಾಕ್ರಿದಾಯೆ ಆದಿತ್ತದ್, ನಿನ
ಮಾನೊಗಾದ್ ಬದುಕುನವು ಎನ ಋಣಲಾ ಹಂಗಲಾ
ಆದುಪ್ಪುಂಡು. ಉದೆಕ್ ನಿನ ದಿವ್ಯ ಬಲೊಡ್ ಎಂಕ್
ಸಹಾಯ ಮುಳ್ತದ್ ಪರಿಶುದ್ಧ ನಡತೆಗ್ ಯೋಗ್ಯ ಆ
ಯಿ ಭಾವೊನು ಎನ ಉಳಯಿ ಪುಟ್ಟಾಲ! ಆತ್ಮದ ಫಲ
ಆದುಪ್ಪು ಪ್ರೀತಿ, ಸಂತೋಷ, ಸಮಾಧಾನ, ದೀರ್ಘಶಾಂ

ತಿ, ವಿಶ್ವಾಸ, ಸಾತ್ವಿಕತ್ವ ಇಂಚಿತ್ತಿ ಮಾತ ಸದ್ಗುಣೋಳೆನ್
ಎನಡ್ ಉಂಡು ಮಳ್ತದ್ ಬಳಪಾಲ! ಎನ ಪ್ರಾಣೋ
ನು ಬದುಕಾವು ಜೀವದ ನೀರಾದುಪ್ಪು ನಿನ ಪರಿಶುದ್ಧಾ
ತೊಡ್ಡು ಎಂಕ್ ಬುದ್ಧಿನ್‌ಲಾ ಬಲೊನುಲಾ ಸ್ಥಿರತ್ವೊನು
ಲಾ ಕೊರ್ಲ! ನಿನ ಕೈ ಎನ ಕಡೆಕ್ ನೀಡ್‌ದ್ ಮಾತ ತರ
ತ ವೈರಿಳೆಗ್ ಎನನ್ ತಪ್ಪಾದ್ ಕಾಪುಲ! ಸೈತಾನ ಮಾತ
ಕೆಲಸೊನು ಹೀನ ಮಳ್ತದ್ ಸರ್ವ ಕೈಸ್ತ ಸಭೆನ್ ಆಶೀ
ರ್ವದಿಪುಲ! ಬಡವೆರೆಗ್‌ಲಾ ರೋಗಿಪೈರೆಗ್‌ಲಾ ಸಹಾಯ
ಮಳ್ತದ್, ಮಾತ ನರಮಾನ್ಯೆರೆಗ್ ನಿನ ದಯೊನುಲಾ
ಮಹಿಮೆನ್‌ಲಾ ತೋಜಾದ್, ಅಂಚಿನೆ ಕರ್ತವಾ! ನಿನ ಪು
ದರ್‌ನ್ ಮಾನ ಪಡೆಪಾಲ! ಆಮೆನ್.

ಅಂಗಾರೆ ಬಯ್ಯದ ಪ್ರಾರ್ಥನೆ.

ಪ್ರೀತಿತ್ತಿ ದೇವೆರೇ! ಈ ದಿನಾಲ ಎನ ರಕ್ಷಣೆದ ದೇ
ವೆರಾದುಳ್ಳ; ನಿನನ್ ಪುಗರುವೆ. ದಿನಾಲಾ ನಿನನ್ ಪುಗ
ರುವೆ. ಯುಗಯುಗಾಂತೊಳೆಗ್ ನಿನ ಪುದರ್‌ನ್ ಅರಿಕೆ
ಮಳ್ತದ್, ಸ್ತುತಿಸುವೆ. ಈ ಮಾತೆರೆಗ್‌ಲಾ ಎಡ್ಡೆಂತಿನಾ
ಯೆ; ನಿನ ಅಂತಃಕರಣೆ ನಿನ ಮಾತ ಸ್ತಷ್ಟಿರಾಶಿದ ಮಿ
ತ್ತ್ ಉಂಡು! ಯಾನ್ ಅಶುದ್ಧ ಬಾಯಿ ಇತ್ತಿನಾಯೆ ಆದಿ
ತ್ತ್‌ಂಡಲಾ, ನಿಕ್ ಆಡ್ಡ ಬೂರುದು, ಇತ್ತಿನಾಯೆಲಾ, ಉ
ಪ್ಪುನಾಯೆಲಾ, ಬರ್ಪಿನಾಯೆಲಾ, ಆದುಪ್ಪು ಸರ್ವಶಕ್ತೆ
ಆಯಿ ದೇವೆರೇ ಪರಿಶುದ್ಧ, ಪರಿಶುದ್ಧ, ಪರಿಶುದ್ಧ ಇತ್ತಿನಾ
ಯೆ! ಅಂದ್‌ದ್ ಪುಗರುವೆ. ನಿನ ಪರಿಶುದ್ಧ ಸ್ಥಾನೊಡ್ಡು

ಎನ ಮಿತ್ತಲಾ, ಎನ್ನಾಕುಳೆ ಮಿತ್ತಲಾ, ಲೋಕೊಡು
ಚದರಾದುಪ್ಪು, ನಿನ ಬಾಲೆಳೆ ಮಿತ್ತಲಾ, ಮಾತ ನರ
ಮಾನ್ಯರೆ ಮಿತ್ತಲಾ, ದಯೊಟು ತೂಲ! ನಿನ ಸಹಾ
ಯೊನುಲಾ ಅಶೀರ್ವಾದೊನುಲಾ ಕೊರ್ದು, ಈ ರಾ
ತ್ರಿದ್ ಮಾತ ತರತ ಕೇಡ್‌ಗ್ ಎನನ್ ತಪ್ಪಾದ್, ಕ್ಷೇಮೊ
ಡು ಕಾಪುಲ! ಸರ್ವತ್ರಾಣಿ ಆಯಿ ದೇವೆರೇ! ನಿಕ್ಕ ಪ್ರ
ಯೋಜನದಾಂತಿನಾಕುಳಾದ್ ಪೋಯಿ ಮಾತ ಪಾಪಿ
ಪೈರೆಗ್ ಮಾನಸಾಂತರೊಗು ಇಂಬು ಕೊರ್ದು, ಆಕುಳೆ
ನ್ ಸಮ ಮಳ್ತಾದ್, ಎನಡ್‌ಲಾ ಮಾತ ಪಾಪದ ಕಳಂ
ಕೊನು ಹೆಚ್ಚಾದ್ ಗೆತ್ತಾದ್, ನಿಕ್ಕ ಮೆಚ್ಚುನವು ಇಂಚಿತ್ತಿ
ಎಡ್ಡೆ ಭಾವ ಗುಣೊಳೆನ್ ಉಂಡು ಮಳ್ಪುಲ! ಇಯ್ಯೇ
ಎನಡ್, ಬೊಕ್ಕ ಯಾನ್ ನಿನಡ್ ಏನಿತ್ತೇನಿಗ್‌ಲಾ ನಿಲೆ
ಆದಿತ್ತಾದ್ ಸಂತೋಷ ಪಡೆವು ಲೆಕ್ಕ, ಎನನ್ ನೀತಿದ ಮ
ರ ಅಂದಾದ್ ದೀದ್ ಬಳಪಾಲ! ಆಮೆನ್.

ಬುಧವಾರ ಕಾಂಡೆದ ಪ್ರಾರ್ಥನೆ.

ಸರ್ವ ಎತ್ತರದೆಚ್ ಉಪ್ಪು ಪರಿಶುದ್ಧ ದೇವೆರೇ! ರಾ
ತ್ರೀಲಾ ಪಗೆಲ್‌ಲಾ ನಿನ್ನವೇ. ಈ ಬೊಳ್ಪುನುಲಾ ಸೂ
ರ್ಯೊನುಲಾ ಸಿದ್ಧ ಮಳ್ತಾದ್, ನರಮಾನಿ ತಿರ್‌ಂಗ್‌ದ್
ತನ ಕೆಲಸೊಗು ಪಿದಾಡು ಲೆಕ್ಕ ಈ ದಿನೊನುಲಾ ಕೊರಿ
ಯ. ಐಕಾದ್ ಪಗೆಲ್‌ಗ್ ತಕ್ಕಾಯಿ ಪ್ರಕಾರ ನಡಪುನೆಕ್
ನ್ಯಾಯ, ಹೊಟ್ಟೆಕಿಚ್ಚು, ವ್ಯಭಿಚಾರ, ಹಾದ್ರ, ಅಮಲ್
ಇಂಚಿತ್ತಿ ಮಾಂಸಿಚ್ಚಿದ ಭಾವೊಡು ಅತ್ತ; ದಿವ್ಯ ಭಕ್ತಿ, ಪ್ರೀ

ತಿ, ಪರಿಶುದ್ಧತ್ವ, ನಂಬಿಗೆ ಇಂಚಿತ್ತಿ ಆತ್ಮಭಾವದ ಕ್ರಿಯೋ
ಳೆಡ್ ನಿಲೆ ಆದುವುರೆ ಎನನ್ ಸ್ಥಿರ ಮುಳ್ಳುಲ! ಯಾನ್
ಇನಿ ತಗ್ಗದಿ ಮನಸ್ಸೆಡ್ ನಿನ ರಕ್ಷಣೆದ ರೆಂಕೆಳೆ ಉಳಯಿ
ಜೋಕೆ ಆದಿತ್ತೆದ್, ಮಾತೆಚಲಾ ಬುದ್ಧಿಡ್ ನಡಪುಲೆ
ಕ್ಕ ಕರ್ತವೆ ಆಯಿ ಯೇಸೋ! ನಿನ ಪರಿಶುದ್ಧ ನಡತೆಡ್
ಎಂಕ್ ಸಹಾಯ ಮುಳ್ಳುಲ! ನಿನ ವಾಕ್ಯೊಡ್ ಎನನ್ ಬ
ಲ ಪಡೆಪಾಲ! ಈ ಲೋಕದ ಕತ್ತಲೆಡ್ ಆಳುನವು ಪಡಿ
ಕೆ ಮೈರಿ ಆದುವು ಸೈತಾನೆ ಎನನ್ ಮುಟ್ಟಂದಿ ಲೆಕ್ಕ ಎನ
ನ್ ಕಾಪುಲ! ಬೇತೆ ಜನೊಕುಳೆಡೊಪ್ಪ ಉಪ್ಪೊಡಾನಗ,
ಎನ ಪ್ರಾಣೊಗು ನಪ್ಪ ಆವಂದಿ ಲೆಕ್ಕ ಸಹಾಯ ಮುಳ್ಳು
ಲ! ಇನಿ ಎಡ್ಡೆಂತಿನವು ಆವಡ್ ಪಡಿಕೆಂತಿನವು ಆವಡ್ ಎಂ
ಕ್ ದಾನೆ ಬತ್ತಂಡಲಾ ಎನ ಆತ್ಮ ರಕ್ಷಣೆಗ್ ಮಾತ್ರ ಆ
ವೆರೆ ಮುಳ್ಳುಲ! ಬುದ್ಧಿಹೀನಲಾ ಬಲಹೀನಲಾ ಆದುವು
ಎನ ಬಡ ಸ್ಥಿತಿನ ತೊದು, ದಿನಾಲಾ ಎಂಕ್ ಬೋಡಾಪಿ
ಧೈರ್ಯ ಬರ್ಪಿ ಲೆಕ್ಕ ಸಹಾಯ ಮುಳ್ಳುಲ! ನಿನ ಮಾ
ಗೊಡು ನಡತ್ತೆದ್ ದಣಿದ್ ಪೋವಂದೆ ನಿನ ಬೆರಿ ಪೋ
ಪಿನಾಯೆ ಆದುವು ಲೆಕ್ಕ ಎಂಕ್ ಬೋಡಾಪಿ ಬಲೊನು
ಲಾ ಶಕ್ತಿನಲಾ ಕೊರ್ಲ! ಆಮೆನ್.

ಬುಧವಾರ ಬಯ್ಯದ ಪ್ರಾರ್ಥನೆ.

ಸರ್ವತ್ರಾಣ ಇತ್ತಿ ದೇವೆರೆ! ಭೂಪರಲೋಕೊನು
ಉಂಡು ಮುಕ್ತಿನಾಯೆ ಇಯ್ಯೇ! ಐತವು ಲೆಬ್ಬದ ರಾಶಿ
ಮಾತಲಾ ನಿಕ್ಕ ಗೊತ್ತುಂಡು. ಬಂಜಿ ಆಂಡಲಾ ನಿಕ್ಕ

ತತ್ತೆದ್ ಪೋ
ಈ ಎಂಕ್ ಪ್ರ
ವಿಶ್ವಸೊನು
ಎನನ್ ಲೆತ್ತ
ಮುಳ್ಳುನಾಯೆ
ದ್ ಆರಿಕೆ ಮ
ಮಾಡ್, ವ
ಸೊನುಲಾ
ದಿವ್ಯ ಬುದ್ಧಿ
ಸೋಪೊ
ನ ಹುಟ್ಟು
ಪ್ಪ, ನಿನ ದ
ಎನ ರಕ್ಷಕೆ
ಪೊದೊಪ್ಪ
ಸುಖಲಾ
ಕುಳೆಡೊಪ್ಪ
ತೆನ ಅತಿ
ಗಲಾ, ದ
ಯ ಹೊ
ತ್ತೊಳೆಗ್
ದುವು ನಿ
ಈ ರಾತ್ರಿ
ಮಾಡ್

ತತ್ತದ್ ಪೋಪುಜಿ. ನಿನ ಬುದ್ಧಿನ್‌ಲಾ ಬಲೊನುಲಾ
 ಈ ಎಂಕ್ ಪ್ರಕಟ ಮಳ್ತದ್, ಎನ ಅಜ್ಞಾನೊನುಲಾ ಅ
 ವಿಶ್ವಾಸೊನುಲಾ ಎಂಕ್ ತೋಜಾದ್, ನಿನ ವಿಶ್ವಾಸೊಗು
 ಎನನ್ ಲೆತ್ತ. ದೇವೆರೇ! ಉಂದೆಕ್ ಬಹಳ ಉದಾಸೀನ
 ಮಳ್ಳುನಾಯೆ ಆಯಿ ಯಾನ್ ಇತ್ತೆ ನಿನ ದುಂಬು ಬತ್ತ
 ದ್ ಅರಿಕೆ ಮಳ್ಳುವೆ. ಎನ ಅವಿಶ್ವಾಸೊಡ್ ಎನನ್ ಬು
 ಡುಪಾದ್, ಪೂರ್ತಿ ಆದ್ ನಿನ ಮಿತ್ತ್ ದೀಪಿನವು ವಿಶ್ವಾ
 ಸೊನುಲಾ ಧೈರ್ಯೊನುಲಾ ಎನಡ್ ಪುಟ್ಟಾದ್, ನಿನ
 ದಿವ್ಯ ಬುದ್ಧಿನ್‌ಲಾ ಪ್ರೀತಿನೆಲಾ ಸಮಾಧಾನೊನುಲಾ
 ಸಂತೋಷೊನುಲಾ ಎನಡ್ ಬಳಪಾಲ! ಅಶುದ್ಧದವು ಎ
 ನ ಹುಟ್ಟಿದ ಪರ ಭಾವೊನು ಎನಡ್ ಗೆತ್ತದ್ ಪಾ
 ಡ್, ನಿನ ದಯತ ದಾನೊಳೆನ್ ಎನ ಉಳಯಿ ಕೊರ್ಲ!
 ಎನ ರಕ್ಷಕೆ ಆಯಿ ಯೇಸುಗಾದ್ ಎಂಕ್‌ಲಾ ಎನ ಮಾತ
 ಪೊದ್ದೆರಿಪ್ಪೆರೆಗ್‌ಲಾ ದಯ ಇತ್ತಿನಾಯೆ ಆದುಪ್ಪುಲ! ಈ
 ಸಭೆಟ್‌ಲಾ ಉರುಡುಲಾ ಇಡೀ ರಾಜ್ಯೊಡುಲಾ ನಿನ್ನಾ
 ಕುಳೆಡೊಪ್ಪ ಇತ್ತದ್, ಭಕ್ತಿಡ್ ನಡತೊಣುನಾಕುಳೆ ಮಾ
 ತೆರೆನ್ ಆಶೀರ್ವದಿಪುಲ! ಮಾತ ಪಡಿಕೆ ಮರಿಯಾದಿ
 ಗ್‌ಲಾ, ದುರ್ನಡತೆಗ್‌ಲಾ ಅಡ್ಡ ಮಳ್ತದ್, ಸ್ನಾನದ ದ
 ಯ ಹೊಂದಿ ಮಾತ ಎಲ್ಲಾಕುಳೆನ್ ಶೋಧನೆ ಅಭ್ಯಂ
 ತ್ರಿಳೆಗ್ ತಪ್ಪಾದ್ ಕಾಪುಲ! ಏಪೊಲಾ ಎಚ್ಚರಿಗೆ ಆ
 ದುಪ್ಪು ನಿನ ಆಶ್ರಯೊಡು ಎನನ್‌ಲಾ ಎನ್ನಾಕುಳೆನ್‌ಲಾ
 ಈ ರಾತ್ರೆಡ್ ಜೋಕೆ ಮಳ್ತದ್, ಕಾಂಡೆ ತಿರಂಗ್‌ದ್ ಕ್ಷೇ
 ಮಾದ್ ಲಕ್ಕರೆ ಮಳ್ಳುಲ! ಆಮೆನ್.

ಗುರುವಾರ ಕಾಂಡೆದ ಪ್ರಾರ್ಥನೆ.

ಪರಲೋಕದ ಅಮ್ಮಾ! ನಿನ ಕರುಣೆಯೊಡ್ಡು ಯಾ
ನ್ ರಾತ್ರಿ ರಾತ್ರಿಡಲಾ ಸುಖ ಆದುವುನವುಲಾ ಬೇತೆ
ಅನೇಕ ತರತ ಉಪಕಾರೊಳೆನ್ ಎಲ್ಲಿದ್ದಿಂಚಿ ಹೊಂದುನವು
ಲಾ ಏತೋ ಆಶ್ಚರ್ಯ! ದೇವರೇ! ಉದೆಕ್ ಬೋಡಾ
ದ್ ಪೂರ್ತಿ ಹೃದಯೊಡ್ಡು ನಿಕ್ಕ ಸೋತ್ತ ಮಳ್ತಾದ್, ಈ
ದಿನೊಕುಲಾ ಎನ ಶೋರೊನುಲಾ ಆತ್ಮೊನುಲಾ ಪ್ರಾ
ಣೊನುಲಾ ನಿನ ಕೈಕ್ ಒಚ್ಚಿದ್ ಕೊರ್ಪೆ. ನಂಬಿಗಲಾ
ಬುದ್ಧಿಲಾ ದಯಲಾ ಇತ್ತಿ ಅಮ್ಮಾ! ಎಂಕ್ ದಾನೆ ಬೋ
ಡು ಅಂದಾದ್ ಈ ಪಿಂಬ. ಎನ ಅವಿಶ್ವಾಸದ ಹೃದಯೊ
ಡ್ಡು ಲಕ್ಕನವು ಮಾತ ಆವಂದಿ ಚಿಂತೆಳೆನ್ ಎನಡ್ ಗೆಪ್ಪು
ಲ! ಇಯ್ಯೇ ಪರಾಂಬರಿಪುನಾಯೆಲಾ ರಕ್ಷಣೆ ಮಳ್ಪು
ನಾಯೆಲಾ ಆದುವು ಇನ್ನಿ ನಿನ ಪಾತೆರ ಯಾನ್ ಪತ್ತೊ
ಣ್ಣ, ಯಾನ್ ಮಳ್ಪುನವು ಮಾತಲಾ ನಿನ ಸಹಾಯೊ
ಡ್ಡುಲಾ ಆಶೀರ್ವಾದೊಡ್ಡುಲಾ ಪ್ರಯೋಗ ಮಳ್ವರೆತೊ
ಪೆ. ಬಡವೆ ಆಯಿ ಯಾನ್ ನಟ್ಟೊಣಿಯೆರೆ ತಕ್ಕಾದು
ಪ್ಪುನವು ಮಾತೆನ್ಲಾ ನಿನ ಕರುಣದ ಪ್ರಕಾರ ಎಂಕ್ ಕೊ
ರ್ಪ ಇನ್ನಿ ಧೈರ್ಯೊನು ಎನಡ್ ಪುಟ್ಟಾಲ! ಈ ದಿನೊಟು
ಲಾ ಎನ ಮಾತ ಕೆಲಸೊಳೆಡ್ ನಿನ ಚಿತ್ತ ದಾನೆ ಅಂದ್
ದ್ ಎಂಕ್ ತೆರಿಪಾದ್, ಅವೆನ್ ಮಳ್ಪುನೆಕ್ ಬೋಡಾಪಿ
ಶಕ್ತಿಲಾ ಬುದ್ಧಿಲಾ ಕೊರ್ದು, ಅಂಚೆನೇ ಎಂಕ್ ಬರ್ಪಿ ಕ
ಪ್ಪೊಡುಲಾ ಯಾನ್ ತಾಳ್ಮೆ ಇತ್ತಿನಾಯೆ ಆದ್ ನಡಪು

ಲೆಕ್ಕ ಎನ
ವೆ. ಆಮೆ

ಕರ್ತ

ತ್ತೆಡ್ ಈ

ತ್ತೆರ್ ಬೆಗ

ಆದಿತ್ತ.

ತ್ತದ ನಿ

ನಿಕ್ಕ ಈ

ಉದೇ

ಗುಡಿಡ್

ದುಕೊ

ಲಾಮ

ನಟ್ಟೊ

ನಾ ಶು

ಬಡೆ ಕ್ರ

ಧ ತ್ರಮೆ

ಬಡ!

ನ್ ನಿ

ವಿಶ್ವಾ

ಸಮಾ

ಲೆಕ್ಕ ಎನನ್ ಬಲ ಪಡೆಪಾವೊಡು ಅಂದ್‌ದ್ ನಟ್ಟೊಣುವೆ. ಆಮೆನ್.

ಗುರುವಾರ ಬಯ್ಯದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಒಂಜಿ ಗುರುವಾರದ ರಾತ್ರಿಡ್ ಈ ಇಪ್ಪೆಗುಡ್ಡೆದಳ್ಳ ನಡ್‌ಗ್‌ದ್ ತಳೆಬಳ ಆದ್ ನೆತ್ತಿರ್ ಬೆಗತ್‌ದ್, ಪ್ರಾಣ ಸುಕೊಟೊಡು ಬೂರಿನಾಯೆ ಆದಿತ್ತ. ಈ ತಾಳೊಂಡಿ ಇಂಚಿತ್ತಿ ಮಲ್ಲ ಶ್ರಮೆನ್ ನೆನೆತ್ತ್‌ದ್ ನಿಕ್ಕ ಸೋತ್ರ ಮಳ್ತದ್, ಎನ ಪಾಪೊಳು ಸಹಾ ನಿಕ್ಕ ಈ ಶ್ರಮೆ ಕೊರ್‌ಂಡ್ ಅಂದ್‌ದ್ ಒಪ್ಪಿಯೊಣುವೆ. ಉಂದೇ ಎನ ಪಾಪೊಳೆ ವಿಪಯೊಡು ಎನ ಹೃದಯದ ಗುಂಡಿಡ್ ದುಃಖ ಮಳ್ತದ್, ಐನ್ ಹೆಚ್ಚ ಹೆಚ್ಚಾದ್ ಪಿದುಕೊಣುನವುಲಾ ಪೇಸಿಗಲಾ ಪಗಲಾ ಮಳ್ಳುನವುಲಾ ಮನಸ್ಸನ್ ಎನಡ್ ಪುಟಾವೊಡು ಅಂದ್‌ದ್ ನಿನಡ ನಟ್ಟೊಣುವೆ. ಕರ್ತವಾ! ನಿನ ಪರಿಶುದ್ಧ ನೆತ್ತಿರ್‌ಡ್ ಎನನ್ ಶುದ್ಧ ಮಳ್ತದ್, ಎನ ಪಾಪೊಳೆನ್ ಕ್ಷಮಿತ್‌ದ್, ಎಡ್ಲೆ ಕ್ರಿಯೊಳೆಗ್ ಎನನ್ ಸಿದ್ಧ ಮಳ್ಳುಲ! ನಿನ ಪರಿಶುದ್ಧ ಶ್ರಮೆದ ಆಶೀರ್ವಾದ ಎನ ಮಿತ್ತ್ ಐಶ್ವರ್ಯಾದ್ ಬರಡ್! ಮಾತ ಪಡಿಕೆತನೊಕು ಎನನ್ ತಪ್ಪಾದ್ ಯಾನ್ ನಿನ ಕ್ತಪೆನ್ ಪಡೆವೊಣುನಾಯೆ ಆದ್ ಬದ್‌ಕ್‌ದ್, ವಿಶ್ವಾಸದ ಆಶೆನ್ ದ್ವಢ ಆದ್ ಪತ್ತೊಣ್ವುಪ್ಪು ಲೆಕ್ಕ ನಿನ ಸಮಾಧಾನೊನು ಎನ ಹೃದಯೊಡು ಆಳಿಯೆರೆ ಕೊ

ಲ್! ಯಾನ್ ಸೈಪಿ ದಿನೊಟುಲಾ ಈ ಪ್ರತ್ಯಕ್ಷ ಆಪಿ ಅಂ
ತೊಡುಲಾ ನಿನನ್ ನಂಬುನಾಕುಳೆ ಮಾತೆರೆಡೊಪ್ಪ ನಿನ
ಎದರ್ ಉತ್ತೇರೆ ಎಂಕ್ ಧೈರ್ಯ ಉಪ್ಪು ಲೆಕ್ಕ ಎನನ್ ತ
ಯಾರ್ ಮಳ್ಳುಲ! ಈ ರಾತ್ರೇಡ್ಲಾ ನಿನ ಕ್ತಪೆನ್ಲಾ ಈ
ಕೊರ್ಪಿ ಆಶ್ರಯೊನುಲಾ ಪತ್ತೊಣ್ಣು ನಂಬುದು ನಿದ್ರೆ
ಮಳ್ಳುವೆ. ಕರ್ತವಾ! ಎನಡೊಪ್ಪ ಉಪ್ಪುಲ! ಆಮೆನ್.

ಶುಕ್ರವಾರ ಕಾಂಡೆದ ಪ್ರಾರ್ಥನೆ.

ಮಹಾ ಮಹಿಮೆ ಇತ್ತಿ ದೇವೆರೆ! ಈ ಆರಂಭೊಡು
ಶುಕ್ರವಾರ ದಿನೊಟು ನರಮಾನ್ಯೆರೆನ್ ಉಂಡು ಮಳ್ಳು;
ಅವೇ ಪ್ರಕಾರ ಉಂದೇ ದಿನೊಟು ನಿನ ಪ್ರಿಯ ಮಗ ಮ
ರಣೊಡ್ಡು ನರಮಾನ್ಯ ಜಾತಿಗ್ ವಿವೋಚನೆಲಾ ಉ
ಂಡು ಮಳ್ಳು. ಈ ನಿನ ಮಹಾ ಮಲ್ಲ ಉಪಕಾರೊಳೆನ್
ಯಾನ್ ನೆನೆತೊಣ್ಣು ಪೂರ್ತಿ ಹೃದಯೊಡ್ಡು ನಿಕ್ಕ ಸ್ತೋ
ತ್ರ ಮಳ್ಳುವೆ. ದೇವೆರೆ! ಈ ದುಂಬುದಾಯೆಲಾ ಕಡೆತಾ
ಯೆಲಾ ಮಾತೆತ ಆದಿಲಾ ಅಂತ್ಯಲಾ ಆದುಳ್ಳ. ಅಂಚಾ
ಯಿನೆಡ್ಡ್ ಯಾನ್ ನಿನ ಕೈತಳ್ ಬತ್ತದ್ ಎಲ್ಲಿದ್ದಿಂಚಿ ನಿ
ಕ್ಕ ವಿರೋಧಾದ್ ಮಳ್ಳಿ ಎನ ಮಾತ ಪಾಪೊಳೆನ್ ನೆನೆ
ತೊಣ್ಣು ಅರಿಕೆ ಮಳ್ತದ್, ಕರ್ತವಾ! ನಿನ ದಯೊಕಾದ್
ಲಾ ನಿನ ಕರುಣದ ಪ್ರಕಾರಲಾ ಎನ ಮಿತ್ತ ತೂವೊಡು
ಅಂದದ್ ನಟ್ಟೊಣುವೆ. ನಿನ ಕ್ತಪೆ ಎಂಕ್ ಆಧಾರ ಆದು
ಪ್ಪುಂಡು. ಎನ ಮಿತ್ತಲಾ ಯಾನ್ ಕೆಲಸ ಕಪ್ಪು ಮಳ್ಳು
ನೆತ ಮಿತ್ತಲಾ ನಿನ ಆಶೀರ್ವಾದೊನು ದೀಲ! ಪರಲೋ

ಕದ ಅಮ್ಮಾ! ನಿನ ಕಡೆಕ್ ಕಣ್ಣ್ ಲಕ್ಕಾವೆ. ಈ ಉಪ್ಪುನ
ವುಳು ಯಾನ್‌ಲಾ ಶೇರುನೆಗೆ ಎಂಕ್ ಬೋಡಾಪಿನಾತ್
ಸಹಾಯ ಮಳ್ಳುಲ! ಎನ ಮಿತ್ತ್ ಅತ್ತ್, ನಿನ ಪ್ರಿಯ
ಮಗ ಮಿತ್ತ್, ಆಯ ಶ್ರಮೆ ಮರಣದ ಮಿತ್ತ್ ಮಾತ್ರ
ಧೈರ್ಯ ಮಳ್ತದ್ ವಿಶ್ವಾಸ ದೀದ್ ಭರವಸೊಡುಳ್ಳೆ; ಆ
ಯಗಾದ್ ಇನಿಲಾ ಎನ ಜೀವದ ಮಾತ ದಿನೊಳೆಡ್‌ಲಾ
ನಿನ ಆತ್ಮೊಡ್ಡು ಎನನ್ ನಡಪುಡ್ಡು ಸ್ಥಿರ ಪಡೆಪಾಲ! ಈ
ಜೀವ ಮುಗಿಯು ಅಂತ್ಯೊಡು ಈ ಉಪ್ಪುನವುಳು ಎನನ್
ಲಾ ಶೇರಾಲ! ಆಮೆನ್.

ಶುಕ್ರವಾರ ಬಯ್ಯದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ನಿಕ್ಕೆ ಸ್ತುತಿ ಉಪ್ಪಡ್;
ಈ ಎನ ಪಾಪೊಳೆಗಾದ್ ಅನ್ಯಾಯದ ಅಧಿಪತಿಳೆ ಎದ್
ರ್ ನಿನ ಮಿತ್ತ್ ದೂರುಲಾ ಸುಳ್ಳು ಸಾಕ್ಷಿಲಾ ಪಣ್ವಿನ
ವುಲಾ ಪೆಟ್ಟೆ ಕೊರ್ಪಿನವುಲಾ ಉಬ್ಬಿಯುನವುಲಾ ಅಪ
ಹಾಸ್ಯ ಮಳ್ಳುನವುಲಾ ಮುಳ್ಳುದ ಕಿರೀಟ ಪಾಡುನವು
ಲಾ ಕ್ರಸ್ತುಗು ಪತ್ತಾದ್ ನೇಲ್‌ದ್ ಸೈಪಿನವುಲಾ, ಉಂ
ದು ಮಾತೆನ್‌ಲಾ ಈ ದಿನೊಟು ಪಡೆವೊಂಡ. ಕರ್ತವಾ!
ಅಂಚೆನೆ ಪಾಪಿಪ್ಪೆರೆನ್ ದೇವರೆ ಐಕ್ಯೊಗು ಶೇರಾಯ. ಈ
ಪಡೆವೊಂಡಿ ಮರಣೊಗಾದ್ ನಿಕ್ಕೆ ಸ್ತುತಿ ಸ್ತೋತ್ರ ಮ
ಳ್ಳುವೆ. ಅಂದ್; ಈ ಬಲ, ಐಶ್ವರ್ಯ, ಮಾನ, ಶಕ್ತಿ, ಘ
ನ, ಮಹಿಮೆ, ಸ್ತೋತ್ರೊಳೆನ್ ಹೊಂದಿಯೆರೆ ಯೋಗ್ಯ
ದಾಯೆ ಆದುಳ್ಳೆ! ನಿನ ಶ್ರಮೆಡ್ಡ್ ಉಂಡಾಯಿ ಆಶೀರ್ವಾ

ದ ಎನ ಮಿತ್ತಲಾ ಎನ ಪ್ರೀತಿತ್ತಿನಾಕುಳೆ ಮಾತೆರೆ ಮಿ
ತ್ತಲಾ ಬರಡ್! ನಿನ ರಕ್ಷಣೆದ ಮಹಿಮೆನ್ ನಿನ ಆತ್ಮದ
ಮುಖಾಂತ್ರೊಡ್ತು ಎನ ಉಳಯಿ ಹೆಚ್ಚಹೆಚ್ಚಾದ್ ಪ್ರಕ
ಟ ಮಳ್ಳುಲ! ನಿನ ನೆತ್ತೆರ್ಡ್ಡ್ ಎನನ್ ಶುದ್ಧ ಮಳ್ತಾದ್,
ನಿನ ಘಾಯೊಳೆಡ್ಡ್ ಎನನ್ ಸ್ವಸ್ಥ ಮಳ್ಳುಲ! ಜೀವೊಡು
ಲಾ ಮರಣೊಡುಲಾ ಈ ಎನ ಪುಣಿ ಆದುಳ್ಳ ಇನ್ನಿ
ಸಮಾಧಾನದ ಧೈರ್ಯೊನು ಎಂಕ್ ಕೊರ್ಲ! ಅಮ್ಮಾ!
ಯಾನ್ ಉಪ್ಪುನವುಳು ಈ ಎಂಕ್ ಕೊರಿನಾಕುಳುಲಾ ಇ
ತ್ತಾದ್ ಎನ ಮಹಿಮೆನ್ ತೊವೊಡು ಅಂದ್‌ದ್ ಪಂಡಿ
ನಿನ ಪಾಕ್‌ದ ಪ್ರಕಾರ ಎನ ವಿಪಯೊಡುಲಾ ಪೂರ್ತಿ
ಮಳ್ಳುಲ! ಈ ರಾತ್ರೆಡ್ ಎನನ್ ಕಾತ್‌ದ್, ಎನ ಆತ್ಮ
ಪ್ರಾಣ ಶರೀರೊನು ಜೋಕೆ ಮಳ್ಳುಲ! ಜೀವೊಡುಪ್ಪುನೆ
ಗೆ, ಪರಿಶುದ್ಧತೊಗಾದ್‌ಲಾ ಎದರ್ ದೀತಿ ಮಹಿಮೆ
ಗಾದ್‌ಲಾ ಪೇಚಾಡು ಲೆಕ್ಕ ಎನನ್ ಎಚ್ಚರಿಗೆ ಮಳ್ತಾದ್,
ನಿನ ದಯತ ಒಡಂಬಡಿಕೆಡ್ ಸ್ಥಿರ ಪಡೆಪಾಲ! ಆಮೆನ್.

ಶನಿವಾರ ಕಾಂಡೆದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಕಪ್ಪು ಪಡೆದ್ ಪುದೆ ತು
ಮೊಣ್ಣುನಾಕುಳೆ ಎನ ಕೈತಡೆಗ್ ಬಲ್ಲೆ! ಯಾನ್ ನಿಕುಳೆ
ಗ್ ಸುಖ ಕೊರ್ಪೆ ಇನ್ನಿ ನಿನ ಪಾತೆರದ ಮಿತ್ತ ಇತ್ತೆ
ನಿನ ಕೈತಡೆಗ್ ಬತ್ತದ್ ಎಪಲಾ ದಯ ಇತ್ತಿನಾಯೆ ಆ
ದ್ ಆಳುನಾಯೆ ಆಯಿ ನಿಕ್ಕ ಪೂರ್ತಿ ವಿಧೇಯ ಇತ್ತಿನಾ

ಯೆ ಆದ್ ನಡತೊಣ್ಣು, ಆತ್ಮಸುಖೊನು ಹೊಂದುದು
ಅನುಭವಿಪೊಡು ಅಂದ್‌ದ್ ಅಪೇಕ್ಷಿಸುವೆ. ಕರ್ತವಾ!
ನಿನ ಆತ್ಮದ ಮುಖಾಂತ್ರ ಎಂಕ್ ಸಹಾಯ ಮಲ್ತ್‌ದ್ ಪ್ರ
ಪಂಚದ ವ್ಯರ್ಥಾದುಪ್ಪು ಚಿಂತೆಳು ಎನನ್ ಅಂಚಿ ಇಂಚಿ
ವ್ಯೋತ್‌ದ್ ಶೆಟ್ಟಾವಂದಿ ಲೆಕ್ಕ ನಿನ ಐಕ್ಯೊಡು ಎನನ್ ಸ್ಥಿರ
ಪಡೆಪಾಲ! ಈ ಇನಿ ಮುಟ್ಟು ಎಂಕ್ ಸಹಾಯ ಮಲ್ತೆ; ನ
ನಲಾ ಎಂಕ್ ಸಹಾಯ ಮಲ್ತ್‌ದ್, ಎನನ್ ಕಾಪುಲ!
ಲೋಕದ ಭೋಗಾಚಾರೊಗು ಯಾನ್ ಪೋವಂದೆ, ಅ
ವಿಶ್ವಾಸಲಾ ಚಂಚಲತನಲಾ ಎನ ಹೃದಯೊನು ಮೋ
ಸ ಪಡೆಪಾವಂದೆ ಉಪ್ಪು ಲೆಕ್ಕ ಎನನ್ ಎಚ್ಚರಿಗೆ ಮಲ್ಪುಲ!
ಪರಲೋಕದ ಅಮ್ಮಾ! ಯುಗಯುಗಾಂತ್ರೊಳೆಗ್ ಮಾ
ನ ಹೊಂದಿಯೆರೆ ತಕ್ಕಾದುಪ್ಪು ಯೇಸು ಕ್ರಿಸ್ತ ಮುಖಾಂ
ತ್ರ ನಿಕ್ಕ ದಂಬಡಿಗಿ ಇತ್ತಿನೆನ್ ಎನಡ್ ಉಂಡು ಮಲ್ಪು
ಲ! ಆಮೆನ್.

ಶನಿವಾರ ಬಯ್ಯದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಈ ನಿಜಾದ್ ಸೈತ್ ಪೋದು,
ಮಾತ ಲೋಕದ ಪಾಪೊಳೆಗಾದ್ ಶಾಂತಿಬಲಿ ಆತ. ಈ
ವಾರದ ಕಡೇ ದಿನೊಟು ಮಹಾ ಮಲ್ಲ ಪಾಪಿಪ್ಪೆ ಆಯಿ
ಯಾನ್ ನಿನ ಕೈತಳ್ ಬತ್ತೆದ್ ನಿನ ದಯ ನಾಡುವೆ. ಬ
ಹಳ ಸರ್ತಿ ಎಡ್ಡೆ ಕ್ರಿಯೊಳೆನ್ ಮಲ್ಪಂದೆ, ಅನೇಕ ದುಷ್ಟ
ಯೊಳೆನ್ ಯಾನ್ ಮಲ್ತ್‌ದ್, ನಿನ ಮಾರ್ಗೊಗು ತತ್ತೆ
ದ್ ಪೋಯೆ. ಎನ ಕ್ರಿಯೊಳೆಡ್ ತಪ್ಪುದಾಂತಿನವು ಒಂ

ಜಿಲಾ ಇಜ್ಜಿ; ಕರ್ತವಾ! ಲೆಖ್ವದಾಂತೆ ಆದುಪ್ಪುನವು ಎನ
ಪಾಪೋಳೆನ್ ಈ ತೂವಂದೆ, ಇಯ್ಯೇ ಪಾಪದ ವಿಪಯೊ
ಡು ಶಾಂತಿ ಬಲಿ ಆಯಿನೆನ್ ನೆನೆತೊಣ್ಣು, ಎನನ್ ಪರಾಂ
ಬರಿತ್‌ದ್, ಪಾಪಪರಿಹಾರದ ಸಮಾಧಾನೊನು ಎಂಕ್
ಕೊರ್ದು, ಎನನ್ ಪೂರ್ತಿ ಶುದ್ಧ ಮಳ್ಳುಲ! ಎನ ಆಯು
ಪ್ಪು ಎತ್ ಬೇಗ ಕಡತ್‌ದ್ ಪೋಪುಂಡು! ಎತ್ ಬೇಗ ಸೈ
ಪಿ ದಿನ ಬರ್ಪುಂಡು! ಅಂಡ ಓ ಕರ್ತವಾ! ಈ ಇತ್ತಿ ಲೆ
ಕ್ಕನೇ ಉಳ್ಳ; ನಿನ ವರುಪೊಳು ಮುಗಿಯುಜಿ. ದೇವೆರೇ!
ಮರಣಲಾ ನ್ಯಾಯತೀರ್ಪುಲಾ ಬನ್ನಗ ಯಾನ್ ಸಿದ್ಧ
ಇತ್ತಿನಾಯೆ ಆದುಪ್ಪು ಲೆಕ್ಕ, ಈ ಎಂಕ್ ದೀತಿ ದಯತ ಸ
ಮಯೊನು ಯಾನ್ ಜಾಗ್ರತೆ ಆದ್ ಪಿದುಕೊಣ್ಣು,
ಮಾತೆನ್‌ಲಾ ನಿನ ಸೇವೆ ಅಂದ್‌ದ್ ಪ್ರಯೋಜನೊಗಾ
ದ್ ಮಳ್ವೆರೆ ಎಂಕ್ ಕಲ್ಪಾಲ! ನಿನ ಕರುಣೊನು ಎನ ಮಿ
ತ್ತಲಾ ಎನ್ನಾಕುಳೆ ಮಿತ್ತಲಾ ಮಲ್ಲೆ ಮಳ್ಳುಲ! ಸೈತಾನ
ಕ್ರಿಯೊಳೆನ್ ಒರ್ಮಲಾ ನಾಶನ ಮಳ್ತಾದ್, ನಿನ ರಾಜ್ಯ
ಹೆಚ್ಚ ವಿಸ್ತಾರ ಆಪಿ ಲೆಕ್ಕ ನಿನ ರಕ್ಷಣೆನ್ ಮಾತ ನರ
ಮಾನೈರೆಗ್ ತೋಜಾಲ. ಕರ್ತವಾ! ಯಾನ್ ನಿನ್ನಾ
ಯಾದುಳ್ಳೆ; ನಿಕ್ಕಾದ್ ಬದುಕುವೆ. ನಿಕ್ಕಾದ್ ಕಪ್ಪು ಪಡೆವೆ.
ನಿಕ್ಕಾದ್ ಸೈಪೆ. ಬದ್‌ಕುನಗಲಾ ಸೈನಗಲಾ ನಿನ್ನಾಯೆ
ಆದುಳ್ಳೆ; ಎನನ್ ನಿತ್ಯ ಜೀವೊಗು ಶೇರಾಲ! ಆಮೆನ್.



೪. ಸಂಸಾರದ ಪ್ರಾರ್ಥನೆಗಳು.

ಐತ್ತಾರ ಕಾಂಡದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸು ಕ್ರಿಸ್ತಾ! ನಿನ ಕ್ತಪೆಡ್ಡ್ ಎಂಕು
ಳು ಈ ಪೊಸ ವಾರದ ಆರಂಭೊಗು ಶೇರ್‌ದ್ ಎಂಕುಳೆ
ಶರೀರದ ವಿಶ್ರಾಂತಿಗ್ ನೇಮಿಸಿ ದಿನೊನು ತಿರ್‌ಂಗ್‌ದ್
ತೂಪ. ಆಂಡ ಎಂಕುಳೆ ಆತ್ಮದ ವಿಶ್ರಾಂತಿ ನಿನ ಕೈತಳ್
ಹೊರ್ತಂದೆ ಎಂಕುಳೆಗ್ ಓಳು ತಿಕ್ಕು? ಐಕಾದ್ ನಿನನ್
ಎಂಕುಳೆಗ್ ತೋಜಾವುನವು ನಿನ ಸತ್ಯದ ಪಾತೆರೊನು ಇ
ನಿಲಾ ಎಂಕುಳೆಗ್ ಕೊರ್ದು ತೆರಿಪಾಲ! ಇಯ್ಯೇ ಸತ್ಯ
ಲಾ, ಜೀವಲಾ, ನರಮಾನ್ಯೆರೆ ಬೊಳ್ಪಲಾ ಆದುಳ್ಳ ಅಂ
ದ್‌ದ್ ಎಂಕುಳು ಪೊಸತಾದ್ ಪಿದುಕೊಣು ಲೆಕ್ಕ ಎಂಕು
ಳೆಗ್ ಸಹಾಯ ಮಳ್ಪಲ! ಎಂಕುಳೆ ಆತ್ಮ ಸ್ವಸ್ಥೊಡು ಬ
ದುಕು ಲೆಕ್ಕ, ನಿನ ವಾಕ್ಯೊನು ಎಂಕುಳೆಗ್ ಜೀವದ ಆಹಾ
ರ ಆದ್ ಕೊರ್ದು, ಬೋಡಾಪಿ ಉಪದೇಶಲಾ, ಶಿಕ್ಷೆಲಾ,
ಸಮಜೈಸಿಗಲಾ, ಎಂಕುಳೆಗ್ ದಯ ಮಳ್ಪಲ! ಎಂಕುಳು
ಪಾಪೊಡು ನಡತೊಣ್ಣು, ಮೋಸೊಗು ಬೂರಂದಿ ಲೆಕ್ಕ,
ಎಂಕುಳೆನ್ ಎಚ್ಚರಿಸ್‌ದ್, ನಿನ ವಾಕ್ಯೊನು ಕೇಣುನವು
ಮೆದು ಹ್ತದಯೊನುಲಾ, ಸತ್ಯ ವಿಶ್ವಾಸೊನುಲಾ ಎಂಕು
ಳೆಡ್ ಪುಟ್ಟಾದ್, ನಿನ ನೀತಿಡ್ಲೇ ಎಂಕುಳೆನ್ ನೀತಿವಂತೆರಾ
ವೆರೆ ಮಳ್ಪಲ! ಆಧಾರ ತ್ರಾಣದಾಂತಿನವು ಸುಳ್ಳು ಬೋ
ಧನೆಡ್ಲೆಲಾ ಸ್ವಂತ ಬುದ್ಧಿದ ಗರ್ವೊಡ್ಲೆಲಾ, ದುರಾತ್ಮೊ
ಳೆ ಮೋಸೊಡ್ಲೆಲಾ ಎಂಕುಳು ನಪ್ಪ ಪಡೆದ್ ಶೆಟ್ಟೆದ್

ಪೋವಂದಿ ಲೆಕ್ಕ, ಎಂಕುಳೆನ್ ಕಾಪುಲ! ಸತ್ಯಾದುಪ್ಪುನಾ
ಯಾ! ಈಯ್ಯೇ ಎಂಕುಳೆಡೊಪ್ಪ ಉಪ್ಪುಲ! ಬಡವೆರೆನ್
ಪರಾಂಬರಿಪುನಾಯಾ ಈ ಯೆಂಕುಳೆ ಮಿತ್ತ ತೂಲ! ಈ
ವಾರದ ಆರಂಭೊಡು ಹಗೂರ ಆದುಪ್ಪು ನಿನ ನುಗೊನು
ಎಂಕುಳು ತಿರ್ಂಗೆದ್ ತುಂಬೊಡು ಇನ್ನಿ ನಿಶ್ಚಯ ಮಳ್ತ
ದ. ಕರ್ತವಾ! ನಿಕ್ಕ ವಿರೋಧಾದುಪ್ಪು ಮಾತ ಪಡಿಕೆ
ಮನಸ್ಸೆ ಎಂಕುಳೆಡ್ ದೆತ್ತದ್ ಪಾಡ್ ನಾಶನ ಮ
ಳ್ಳೊಡು ಅಂದದ್ ನಿನಡ ನಟ್ರೊಣುವ. ಇನಿ ನಿನ ವಾ
ಕ್ಯೊನು ಸಾರಿದ್ ಕೇಣುನವುಳು ಈ ದಯ ದೀದ್ ಸಾ
ರಿಯುನಾಕುಳೆಗ್ ಬೋಡಾಪಿ ಬುದ್ಧಿಲಾ ತ್ರಾಣಲಾ ಕೊ
ರ್ದು, ಕೇಣುನಾಕುಳೆ ಹ್ತದಯೊನು ಸಿದ್ಧ ಮಳ್ತದ್, ನಿ
ನ ವಾಕ್ಯ ಎಡ್ಡೆ ಫಲ ಕೊರ್ಪಿ ಲೆಕ್ಕ ಮಳ್ಪುಲ! ನಿನ ಕಡೆ
ಕ್ ಬುಳ್ಪುನಾಕುಳೆನ್ ಮಾತೆರೆನ್ ಕೇಂಡದ್ ಆಶೀರ್ವದಿ
ಪುಲ! ನಿನ ಪುದರ್ಡ್ ಇರುವೆರಾವಡ್ ಮುವೆರಾವಡ್
ಓಳು ಕೂಡುದು ಉಳ್ಳೆರಾ, ಅವುಳು ಆಕುಳೆ ನಡುಟು
ಇತ್ತದ್, ನಿನ ದಯೊನು ತೋಜಾಲ! ಆಮೆನ್.

ಐತ್ತಾರ ಬಯ್ಯದ ಪ್ರಾರ್ಥನೆ.

ಪರಲೋಕೊಡು ಉಪ್ಪು ದಯ ಇತ್ತಿ ಅಮ್ಮಾ! ಈ
ಪೂರ್ವೊಡು ಅನೇಕ ಭಾಗಾದಲಾ ಅನೇಕ ತರ ಆದ್
ಲಾ ಪ್ರವಾದಿಳೆ ಮುಖಾಂತ್ರೊಡ್ಡು ಅಮ್ಮಾಡ್ಡೆಡ ಪಾತೆ
ರ್ದ, ಈ ಕಡೆ ದಿನೊಳೆಡ್ ನಿನ ಮಗ ಮುಖಾಂತ್ರೊ
ಡ್ಡು ಎಂಕುಳೆಡ ಪಾತೆರಿಯ. ಬೊಕ್ಕ ಆಯೆ ಅಪೊಸ್ತಲೆ

ರೆನ್ ಕಡಪುಡ್ಡು, ಸುವರ್ತಮಾನೊನು ಮಾತ ಸ್ತಪ್ಪಿಗ್
ಸಾರಿಯೊಡು ಇನ್ನಿ ಅಪ್ಪಣ್ ಕೊರ್ದು, ಪರಿಶುದ್ಧಾತ್ಮ
ದ ದಾನೊಳೆನ್ ಐಶ್ವರ್ಯಾದ್ ದಯ ಪಾಲಿಸ್‌ದ್ ಸ
ಭೆನ್ ನೇಮಕ ಮುಕ್ತಿ. ಉಂದೆಟ್ ತೋಜಿದ್ ಬತ್ತಿ ನಿನ
ದಯೊಕಾದ್ ನಿಕ್ಕ್ ಸೋತ್ರ ಮುಳ್ಳುವ. ಇನಿ ಸಹ ಸತ್ಯ
ಲಾ ಬಲಲಾ ಆದುಪ್ಪು ನಿನ ರಕ್ಷಣೆದ ವಾಕ್ಯ ಓದುದು
ಕೇಂಡ್‌ದ್ ಧ್ಯಾನ ಮುಳ್ಳರೆ, ಈ ಎಂಕುಳೆಗ್ ದಯೊಟು
ಕೊರಿನೆಡ್ ನಿಕ್ಕ್ ಸೋತ್ರ ಮುಳ್ಳುವ. ದುಂಬು ಈ ವಾ
ಕ್ಯೊನು ಎಂಕುಳು ಪ್ರೀತಿ ಮುಳ್ಳಂದೆ, ಸ್ತಂತಾಶೆ ಇಚ್ಛೆದ ಪ್ರ
ಕಾರಲಾ ಲೋಕದ ಪಡಿಕೆ ಮರಿಯಾದಿದ ಪ್ರಕಾರಲಾ
ನಡತೊಣ್ಣು, ಸ್ತಂತಾನ ಮೋಸೊಳೆಗ್ ಇಂಬು ಕೊರಿಯ.
ಕರ್ತವಾ! ಈ ದಿನೊಟು ಸಹಾ ನಿನ ಪ್ರಿಯ ವಾಕ್ಯದ ವಿ
ಪಯೊಡು ತಕ್ಕಾಯಿ ಪ್ರಕಾರ ಎಚ್ಚರಿಗೆ ಆದಿತ್ತಿಜ. ಅ
ನೇಕ ವ್ಯರ್ಥ ಆಲೋಚನೆಳುಲಾ ಪಾತೆರೊಳುಲಾ ಕ್ರಿ
ಯೊಳುಲಾ ಮುಳ್ಳದ್, ಮೋಸೊಗು ಶೇರಿಯ. ಪ್ರೀತಿ
ತ್ತಿ ಅಮ್ಮಾ! ಈ ನಿನ ವಾಕ್ಯೊನು ಎಂಕುಳೆಡ್ ಗೆಪ್ಪುನೆಕ್
ತಕ್ಕಾದುಪ್ಪು ಇಂಚಿತ್ತಿ ಪಾಪೊಳೆನ್ ಎಂಕುಳು ಮುಕ್ತ. ಐ
ನ್ ಎಂಕುಳು ನೆನೆತ್ತದ್ ದುಃಖ ಮುಳ್ಳದ್, ಅಮ್ಮಾ! ಎಂ
ಕುಳೆನ್ ಕರುಣ ಮುಳ್ಳಲ! ನಿನ ಪ್ರಿಯ ವಾಕ್ಯೊನು ಎಂ
ಕುಳೆಡ್ ಗೆಪ್ಪಡ! ಐನ್ ನನಲಾ ಎಂಕುಳೆ ಉಪದೇಶೊಗು
ಲಾ ನಿತ್ಯ ಜೀವೊಗಾದ್ ಎಂಕುಳೆನ್ ಸಿದ್ಧ ಮುಳ್ಳು ಮು
ತ್ತೀಸೊಗುಲಾ ಒರಿಪಾವೊಡು ಅಂದ್‌ದ್ ನಟ್ಟೊಣುವ.
ಸರ್ವ ತ್ರಾಣಲಾ ಸರ್ವ ದಯಲಾ ಇತ್ತಿ ದೇವೆರೆ! ಎಂ

ಕುಳು ಪಾಪದ ಸೇವೆಡ್ ಕಳೆತಿ ವರ್ಷೋಳೆಡ್ ಏತ್ ನಪ್ಪ
ಅಂಡ್! ಈ ಉಂದೆನ್ ಎಂಕುಳೆಗ್ ಕ್ಷಮಿತ್ತದ್, ಎಂಕುಳು
ಇತ್ತೆ ಅಂಡಲಾ ಎಡ್ಡೆ ಫಲ ಕೊರ್ದು ನಿನ್ ಪರಲೋಕದ
ರಾಜ್ಯೊಡು ಐಶ್ವರ್ಯಾದ್ ಪ್ರವೇಶ ಹೊಂದು ಲೆಕ್ಕಲಾ,
ಮಿತ್ತ ಎಂಕುಳೆಗ್ ಸಿದ್ಧಾದುಪ್ಪು ಮಲ್ಲ ಭಾಧ್ಯಸ್ಥಿಗಿನ್
ನಿನ್ ಮಹಿಮೆಗಾದ್ ಪಡೆವೊಣು ಲೆಕ್ಕಲಾ ಎಂಕುಳೆಗ್ ಸ
ಹಾಯ ಮಳ್ಳುಲ! ಈ ರಾತ್ರೆಡ್ ಎಂಕುಳುಲಾ ಎಂಕುಳೆ
ಗ್ ಉಪ್ಪುನಪು ಮಾತಲಾ ಭದ್ರಾದುಪ್ಪು ಲೆಕ್ಕ, ಎಂಕುಳೆ
ನ್ ನಿನ್ ಆಶ್ರಯೊಗು ಗೆಪ್ಪುಲ! ಕಪ್ಪ ಪಡೆವೊಣುನಾಕು
ಳೆಗ್ಲಾ ಸಂಕಟದಾಕುಳೆಗ್ಲಾ ಸಹಾಯ ಮಳ್ತದ್,
ಸಮಜೈಸುಲ! ನಿನ್ ದಯತ ಪ್ರಕಾರ ಎಂಕುಳೆ ಪ್ರಾರ್ಥ
ನೆನ್ ಕೇಂಡ್‌ದ್, ಎಂಕುಳೆ ಕರ್ತವೆ ಆಯಿ ಯೇಸು ಕ್ರಿಸ್ತ
ಗಾದ್ ಸಹಾಯ ಮಳ್ಳುಲ! ಆಮೆನ್.

ಸೋಮಾರ ಕಾಂಡೆದ ಪ್ರಾರ್ಥನೆ.

ಪ್ರಿಯ ರಕ್ಷಕೆ ಆಯಿ ಯೇಸು ಕ್ರಿಸ್ತಾ! ಈ ಶ್ರಮೆ ಪ
ಡೆವುನೆಕ್ ದುಂಬು ಅಮ್ಮಡ ನಟ್ರೊಣ್ಣು; ಯಾನ್ ನನ
ಮೇಲ್‌ಡ್ ಈ ಲೋಕೊಡುಪ್ಪುಜಿ; ಅಂಡ ಎನ್ ಶಿಷ್ಯರ್
ಈ ಲೋಕೊಡು ಉಳ್ಳೆರ್; ಅಂದ್‌ದ್ ಪ್ರಾರ್ಥನೆ ಮಳ್ತ
ದ್ ಪಂಡ. ಈ ಅಂಚೆನೆ ಎಂಕುಳೆಗ್ ಬೋಡಾದ್‌ಲಾ
ಪಂಡನೆಡ್, ನನಲಾ ಲೋಕೊಡುಪ್ಪೊಡಾಪಿನಾಕುಳಾ
ಯಿ ಎಂಕುಳು ನಿನ್ ಕೈತಡೆಗ್ ಬರ್ಪ. ಇಯ್ಯೇ ಮುಪ್ಪತ್ತೆ

ಮೂಜಿ ವರ್ಷ ಈ ಲೋಕೊಡುಪ್ಪು ಮಾತ ಪ್ರಕಾರದ
 ಶೋಧನೆಳೆನ್ ಅನುಭವಿತೊಣ್ಣಿತ್ತ; ಪಾಪೊಗು ಮಾತ್ರ
 ಈ ಬೂರಿಜ; ಈ ಮಾತೆನ್‌ಲಾ ಜೈಸ್‌ದ್ ತಿರಂಗ್‌ದ್
 ಅಮ್ಮ ಐಕ್ಯೊಗು ಶೇರ್‌ದ್, ಪರಲೋಕದ ಸಿಹಾಸನೊ
 ಡು ಕುಳ್ಳೊಣ್ಣುಳ್ಳೆ. ಕರುಣಲಾ ನಂಬಿಗೇಲಾ ಇತ್ತಿ ಪ್ರ
 ಧಾನ ಯಾಜಕಾ! ಲೋಕದ ಶೋಧನೆ ಪಡೆವೊಣುನಾ
 ಕುಳಾಯಿ ಎಂಕುಳೆಗ್ ಈ ಜೈಸಿಯೆರೆ ಸಹಾಯ ಮಳ್ತ್
 ದ್, ದಿನಾಲಾ ಎಂಕುಳೆನ್ ಮಾತ ಕೇಡ್‌ಗ್ ತಪ್ಪಾದ್,
 ಎಂಕುಳೆಗ್ ಆಪಿನವು ಮಾತಲಾ ಎಂಕುಳೆ ಎಡ್ಡೆಗಾದ್
 ಲಾ ಉಪಕಾರೊಗಾದ್‌ಲಾ ಮಳ್ಳೊಡು ಅಂದ್‌ದ್ ನ
 ಟ್ವೊಣುವ. ಲೋಕೊಡು ಕಪ್ಪಲಾ ದುಃಖಲಾ ಅಶು
 ದ್ಧತ್ತಲಾ ಕತ್ತಲೆಲಾ ಏತೋ ಉಂಡು! ಐತ ಮುಖೊಟು
 ಸ್ತೊತಾನಗ್ ಏತೋ ಅಧಿಕಾರ ಆದುಪ್ಪುಂಡು! ದೇವೆರೇ,
 ಎಂಕುಳೆ ದಯತ ಸಮಯೊನು ನಿತ್ಯತ್ತೊಗು ಪ್ರಯೋ
 ಗಿಸ್‌ದ್, ನಿನ ಪುದರ್‌ನ್‌ಲಾ ನಿನ ರಾಜ್ಯೊನುಲಾ ಉದಾ
 ಸೀನ ಮಳ್ಪಂದೆ, ನಿನ ಕ್ತಪೆದ ಮುತ್ತೇಸೊಳೆನ್ ಯೋ
 ಗ್ಯಾದ್ ಲಕ್ಷ ಮಳ್ತ್‌ದ್ ಅನುಭವಿಪೆರೆ ಬುದ್ಧಿ ಕೊರ್ಲ!
 ಎಂಕುಳು ಇನಿ ಪ್ರಪಂಚದ ಮಾರ್ಗೊಗು ಶೇರಂದೆ, ಪ್ರ
 ಪಂಚದಾಕುಳೆ ಮನಸ್ಸೆದ ಲೆಕ್ಕನೆ ನಡಪಂದೆ, ನಿನಡ್ ಸ
 ತ್ಯ ವಿಶ್ವಾಸ ದೀದ್, ನಿನನ್‌ಲಾ ನಿನ್ನಾಕುಳೆನ್‌ಲಾ ಪ್ರೀತಿ
 ಮಳ್ತ್‌ದ್, ಪರಿಶುದ್ಧಾದ್ ನಡಪು ಲೆಕ್ಕ ಎಂಕುಳೆನ್ ಕಾ
 ಪುಲ! ಕರ್ತವಾ, ಎಂಕುಳು ನಿನ್ನಾಕುಳಾದುಳ್ಳೆ! ಗಂಡಾಂ
 ತರಾದುಪ್ಪು ಈ ಲೋಕೊಡು ಎಂಕುಳೆನ್ ದಾಂಟಾದ್,

ಕಡೆಕ್ ನಿನ ನಿತ್ಯ ಮಹಿಮೆಗ್ ಎಂಕುಳೆನ್ ಶೇರಾಲ! ಆ
ಮೆನ್.

ಸೋಮಾರ ಬಯ್ಯದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಈ ದಿನೊಟು ಎಂಕುಳೆ
ಗ್ ವೋಸ ಅವಂದಿ ಲೆಕ್ಕ ಕಾತ್‌ದ್ ಅನೇಕ ತರತ ಉಪ
ಕಾರ ಎಂಕುಳೆಗ್ ಮುಳಿನೆಡ್, ನಿಕ್ಕ ಸ್ತೋತ್ರ ಮಲ್ಪುವ.
ಇತ್ತೆ ಪೋಯಿ ಈ ದಿನಲಾ ಐತವು ಕಪ್ಪಲಾ ಎಂಕುಳೆ
ಗ್ ತಿರಂಗ್‌ದ್ ಬರಂದ್. ಅಂತ್ಯ ಕಾಲೊಗು ಹೆಚ್ಚ ಮುಟ್ಟ
ಆತ. ಆಂಡ್ಲಾ ಕರ್ತವಾ! ನಿನ ವರ್ಷೊಳೆಗ್ ಅಂತ್ಯ ಇ
ಜ್ಜಿ; ಈ ಕೋಡೆಲಾ ಇನಿಲಾ ಎಪೊಲಾ ಒಂಜೇ ಪ್ರಕಾ
ರ ಆದುಳ್ಳ. ಈ ಎಂಕುಳೆಗ್ ನಿತ್ಯಜೀವೊನುಲಾ, ನಿತ್ಯಸಂ
ತೋಪ ಸಮಾಧಾನೊನುಲಾ ಕೊರ್ಪಿನವು ಹೊರ್ತಂದೆ,
ಈ ಲೋಕದ ಕಾರ್ಯೊಳೆಡ್ ಎಂಕುಳೆಗ್ ತಿಕ್ಕುಜಿ. ಈ
ಎಂಕುಳೆನ್ ತೂದು ಎಂಕುಳೆನ್ ಪಿದುಕೊಣುವ. ದಿನಾ
ಲಾ ಎಂಕುಳೆ ಆಲೋಚನೆನ್‌ಲಾ ಪಾತೆರೊಳೆನ್‌ಲಾ ಕ್ರಿ
ಯೊಳೆನ್‌ಲಾ ಈ ಪಿಂಬ. ಈ ಲೋಕದಾಕುಳು ಎಣ್ಣೊಂದಿನ
ವು ಕಡೇ ದಿನೊಟು ನಿನ ಎದರ್ ಮಾತಲಾ ಪ್ರಕಟ ಆ
ಪುಂಡು; ಆಪಗ ಎಂಕುಳುಲಾ ಮುಳಿನವು ಮಾತಲಾ ತಿ
ರಂಗ್‌ದ್ ತೋಜಿದ್ ಬರು. ಕರ್ತವಾ! ಎಂಕುಳು ಮುಳಿ
ಮಾತ ಪಾಪೊಳೆನ್ ಎಂಕುಳೆಗ್ ಕ್ಷಮಿಪುಲ! ಎಂಕುಳು
ಈ ಲೋಕೊನು ಬುಡುದು ಪೋನಗ, ಅವುಳು ನಿಕ್ಕ ಮೆ
ಚ್ಚುನಾಕುಳಾದ್ ತೋಜು ಲೆಕ್ಕ, ಎಂಕುಳೆನ್ ಇತ್ತೆ ಸಿದ್ಧ

ಮಲ್ತದ್,
ಉದು ವ
ಶುದ್ಧ ಮಲ್ಪ
ಲಾ, ನಿಕ್ಕ
ದತ್ತದ್ ಪ
ದು ನಿನ ಆ
ಮಲ್ಪಲ! ರ
ಕುಳೆನ್ ಕರು
ಕೆ ಆಮಪ್ಪ
ನ್ ಆಶೀರ್ವ

ಪರಿಶ
ಯಿ ರಾತ್ರಿ
ಮೋಸೊಗ
ಕರ್ತವಾ!
ಕುಳೆ ಬಿಂತ
ಪಲ್ಪ ಇತ್ತಿ
ಕೊರ್ದು,
ಕುಳೆನ್ ಕ
ಕುಳಲ! ?
ಜಕಾದ್ರ
ಲೆಕ್ಕ ಎ

ಮುಕ್ತಾದ್, ನಿನ ದುಂಬು ಸಮ ಇತ್ತಿನೆನ್ ಎಂಕುಳೆಡ್ ಉಂಡು ಮಳ್ಳುಲ! ನಿನ ನೆತ್ತೆರ್ಡ್ಡ್ ಎಂಕುಳೆ ಆತ್ಮೊಳೆನ್ ಶುದ್ಧ ಮಳ್ಳುಲ! ವ್ಯರ್ಥಾದುಪ್ಪು ಲೋಕದ ದುಃಖೊನು ಲಾ, ನಿಕ್ಕ ಅಭ್ಯಂತರಾದುಪ್ಪು ಮಾತೆನ್‌ಲಾ ಎಂಕುಳೆಡ್ ದೆತ್ತದ್ ಪಾಡ್, ಎಂಕುಳು ನಿದ್ರೆ ಮಳ್ಳು ಸಮಯೊ ಡು ನಿನ ಆಶ್ರಯೊಡುಲಾ ಐಕ್ಯೊಡುಲಾ ಉಪ್ಪು ಲೆಕ್ಕ ಮಳ್ಳುಲ! ರೋಗಲಾ ಶೋಧನೆಲಾ ಕಷ್ಟಲಾ ಪಡೆವುನಾ ಕುಳೆನ್ ಕರ್ತೊಡು ತೂದು, ಇಯ್ಯೇ ಆಕುಳೆ ಸಹಾಯ ಕೆ ಆದುಪ್ಪುಲ! ಎಂಕುಳೆ ಪ್ರಾರ್ಥನೆನ್ ಕೇಂಡ್‌ದ್ ಎಂಕುಳೆ ನ್ ಆಶೀರ್ವದಿಪುಲ! ಆಮೆನ್.

ಅಂಗಾರೆ ಕಾಂಡೆದ ಪ್ರಾರ್ಥನೆ.

ಪರಿಶುದ್ಧ ದೇವೆರೆ! ಕರುಣದ ಅಮ್ಮಾ! ಈ ಪೋ ಯಿ ರಾತ್ರೆಡ್ ಎಂಕುಳೆನ್ ಕ್ಷಪೆಡ್ಡ್ ಕಾತ್‌ದ್, ಮಾತ ಮೋಸೊಗು ತಪ್ಪಾಯಿನೆಡ್ಡ್ ನಿಕ್ಕ ಸ್ತೋತ್ರ ಮಳ್ಳುವ. ಕರ್ತವಾ! ಇನಿಲಾ ಎಂಕುಳು ನಿನ ಕೈತಳ್ ಬತ್ತದ್, ಎಂ ಕುಳೆ ಚಿಂತೆಳೆನ್ ನಿನ ಮಿತ್ತ ಪಾಡುವ. ಎಂಕುಳೆಗ್ ಅ ವಶ್ಯ ಇತ್ತಿನವು ಈ ತೂದು, ಬೋಡಾಪಿನವು ಎಂಕುಳೆಗ್ ಕೊರ್ದು, ಜಾಗ್ರತೆಡ್‌ಲಾ ನಂಬಿಗ್‌ಡ್‌ಲಾ ನಿನ ಸೇವೆ ಮ ಳ್ವನೆಕ್ಕ ನಿನ ಪರಿಶುದ್ಧಾತ್ಮೊಡ್ಡು ಎಂಕುಳೆನ್ ಸಿದ್ಧ ಮ ಳ್ವುಲ! ಒಂಜೊಂಜಿ ದಿನೊಟು ಐತ್ಯೆತ ಕೇಡ್ ಉಂಡು. ಐಕಾದ್ರ ಇನಿಲಾ ಎಂಕುಳು ಐನ್ ತಾಳ್ಮೆಡ್ಡ್ ತುಮ್ಮೊಣು ಲೆಕ್ಕ ಎಂಕುಳೆಗ್ ಬಲ ಕೊರ್ಲ. ಎಂಕುಳು ಅಪಧ್ವೆ

ಯೋಡುಲಾ ಅವಿಶ್ವಾಸೋಡುಲಾ ಬೂರಂದಿ ಲೆಕ್ಕ, ಎಂ
ಕುಳೆಗ್ ಸಹಾಯ ಮಳ್ಳುಲ! ಕರ್ತವಾ, ಈ ಭೂಪರ
ಲೋಕದ ಮಾತ ಅಧಿಕಾರ ಹೊಂದುದು ಆಳುನಾಯೆ
ಆದುಳ್ಳ ಅಂದ್‌ದ್ ಎಂಕುಳು ನಂಬುವ. ನಿಕ್ಕ್ ಎಂಕುಳೆನ್
ಒಚ್ಚಿದ್ ಕೊರ್ಪ. ಈ ಎಂಕುಳೆ ವಿಶ್ವಾಸೋಗು ಬಲ ಕೊ
ರ್ದು, ದುಪ್ಪ ಜನೊಕುಳುಲಾ ಕೆಟ್ಟ ಆತ್ಮೋಳುಲಾ ಅನೇಕ
ಕಾರ್ಯೋಳೆನ್ ನಡಪುಡುಂಡಲಾ, ಈ ಇಂಚಿತ್ತಿ ಮಾತೆ
ಕ್‌ಲಾ ಎಂಕುಳೆನ್ ತಪ್ಪಾದ್, ಎಂಕುಳೆ ಆಲೋಚನೆ ಪ್ರ
ಯತ್ನೋಳೆನ್ ಆಶೀರ್ವದಿತ್‌ದ್, ಎಂಕುಳೆ ಮನಸ್ಸದ ಉ
ಳಯಿ ನಿನ ದಿವ್ಯ ಶಾಂತಿ ಕೊರ್ಲ! ನಿಕ್ಕ್ ಮಾತ್ರ ಪೋ
ಡಿಯುನಾಕುಳಾದ್ ಉಪ್ಪು ಲೆಕ್ಕ ನಿನ ದಿವ್ಯ ಜ್ಞಾನೊನು
ಎಂಕುಳೆ ಉಳಯಿ ಪುಟ್ಟಾದ್ ಕೊರ್ದು, ಪರಲೋಕದ
ಆಸ್ತಿನ ಪರಿಶುದ್ಧವಂತೆರೆಡೊಪ್ಪ ನಿನಡ್ ದೀಪಿ ವಿಶ್ವಾಸೊ
ಡ್ಪು ಹೊಂದು ಲೆಕ್ಕ ಮಳ್ಳುಲ! ಆಪಗ ಕರುಣಾಲಾ ದಯ
ಲಾ ಇತ್ತಿನಾಯೆ ಆಯಿ ನಿನನ್ ನಿತ್ಯ ಆದ್ ಸ್ತುತಿಸುವ.
ಆಮೆನ್.

ಅಂಗಾರೆ ಬಯ್ಯದ ಪ್ರಾರ್ಥನೆ.

ಮಹಿಮೆಲಾ ಘನಲಾ ಇತ್ತಿ ದೇವೆರೇ! ತಿರಂಗ್‌ದ್
ಒಂಜಿ ದಿನ ಕಡತ್‌ದ್ ಪೋಂಡು. ಈ ಇನಿಲಾ ಎಂಕುಳೆ
ಗ್ ಮತ್ತಿ ಅನೇಕ ಉಪಕಾರೋಳೆನ್ ನೆನೆತೊಣ್ವು, ನಿಕ್ಕ್
ಪೂರ್ತಿ ಹೃದಯೊಡ್ಪು ಸ್ತೋತ್ರ ಮಳ್ಳುವ. ಮಾತ ಬು
ದ್ಧಿನ್ ಮೀರುನವು ನಿನ ಸಮಾಧಾನೊನು ಎಂಕುಳೆ ಹ್ತ

ದಯೊಡು ವಿಸ್ತಾರ ಮಳ್ತಾದ್, ನಿನ ಪ್ರೀತಿನಲಾ ನಿನ
ನಂಬಿಗಿತ್ತಿ ಮನಸ್ಸುನ್ಲಾ ಪೊಸತ್ತಾದ್ ಎಂಕುಳೆಗ್ ತೆರಿ
ಪಾದ್, ಎಂಕುಳೆ ಹ್ತದಯೊಳೆಗ್ ವಿಶ್ರಾಂತಿ ಕೊರ್ಲ!
ಈ ಲೋಕೊಡು ನಿನ್ನಾಕುಳು ಕಷ್ಟೊಡು ಇತ್ತಾದ್, ದಾಂ
ಟ್ತಾದ್, ನಿನ ಮಹಿಮೆದ ರಾಜ್ಯೊಗು ಶೇರೊಡು ಅಂದ್
ದ್ ನಿನ ಚಿತ್ತಾದುಂಡು. ನಿನ ಪ್ರೀತಿದ ಮಗ್ಗೆ ಸಹಾ ಅ
ವ್ವೇ ಮಾಗೊಡು ಇತ್ತಾದ್, ಶ್ರಮೆಡ್ವೇ ಮಹಿಮೆಗ್ ಶೇ
ರಿಯೆ. ಉಂದತ್ತಂದೆ ಗೌಜಿಲಾ ಅರ್ಪಿನವುಲಾ ಕಪ್ಪಲಾ
ಇಜ್ಜಂದಿ ಸ್ತದೇಶೊನು ಈ ಎಂಕುಳೆಗ್ ಸಿದ್ಧ ಮಳ್ತ. ಆ
ಸ್ತದೇಶೊಗು ಎಂಕುಳುಲಾ ಶೇರು ಲೆಕ್ಕ ಎಂಕುಳೆನ್ ನಿನ ಆ
ತೊಡ್ವು ಶುದ್ಧ ಮಳ್ತಾದ್, ಸರ್ತ ಮಾಗೊಡು ಎಂಕು
ಳೆನ್ ನಡಪುಡುಲ! ಎಂಕುಳು ಭೂಮಿಡ್ ಪರದೇಶಿಳು
ಲಾ ಪರವಾಸಿಳುಲಾ ಆದಿತ್ತಾದ್, ಪರಲೋಕೊಡೇ ಸ್ತಂ
ತ ಪಟ್ಟ ಆದುಪ್ಪುನಾಕುಳೆಗ್ ತಕ್ಕಾದುಪ್ಪುನವು ಇಂಚಿತ್ತಿ
ಮನಸ್ಸು ಎಂಕುಳೆಡ್ ಪುಟ್ಟಾಲ! ಈ ಲೋಕೊಡುಪ್ಪು ದು
ರ್ನಡತೆಲಾ ಪಡಿಕೆ ಮರಿಯಾದಿಲಾ ಎಂಕುಳೆಗ್ ಹೆಚ್ಚ
ಹೆಚ್ಚಾದ್ ಅಸಹ್ಯ ಆದ್ ತೋಜು ಲೆಕ್ಕಲಾ, ಅಂಡ ಪ
ರಲೋಕದೆಕ್ ಎಂಕುಳು ಅಪೇಕ್ಷೆ ಮಳ್ತಾದ್ ಪೇಚಾಡು
ಲೆಕ್ಕಲಾ ಎಂಕುಳೆಗ್ ಸಹಾಯ ಮಳ್ತಾದ್, ಪರಲೋಕ
ದ ಸುಖತ ರುಚಿಡ್ ಎಂಕುಳೆ ಆತ್ಮೊಳೆನ್ ತ್ತಪ್ಪಿ ಮಳ್ಪು
ಲ! ಕರ್ತವೆ ಆಯಿ ಯೇಸೋ! ಈ ಉಪ್ಪುನವುಳು ಎಂಕು
ಳುಲಾ ಶೇರ್‌ದುಪ್ಪೊಡು ಇನ್ನಿ ಮನಸ್ಸುಂಡು. ಲೋಕದ
ಪ್ರಯಾಣೊಡು ಎಂಕುಳೆಗ್ ನನ ಒರಿನೆನ್ ಸಮಾದ್

ಮುಗಿತದ್, ಮಾತ ಕೇಡ್‌ಡ್ಡ್ ಎಂಕುಳೆಗ್ ರಕ್ಷಣಿ ಆ
ಪಿ ಲೆಕ್ಕ ಮಳ್ಳುಲ! ನಿಕ್ಕ ಸಮ ತೋಜು ಪ್ರಕಾರ ಎಂ
ಕುಳೆನ್ ನಡಪುಡುದು, ಕಡೆಕ್ ಎಂಕುಳೆಗ್ ನಾಚಿಕೆ ಆವಂ
ದಿ ಲೆಕ್ಕ ಎಂಕುಳೆನ್ ಅಂಗೀಕರಿಪುಲ! ಈ ರಾತ್ರೆಡ್‌ಲಾ
ಎಂಕುಳೆನ್ ದಯೊಡ್ಡು ಕಾತ್‌ದ್ ಎಂಕುಳೆ ಶರೀರಲಾ
ಆತ್ಮಲಾ ಎಲ್ಲೆ ಪೊಸ ಶಕ್ತಿ ಪಡೆವೊಣ್ಣು ಲಕ್ಕಿಯೆರೆ ಸಹಾ
ಯ ಮಳ್ಳುಲ! ಆಮೆನ್.

ಬುಧವಾರ ಕಾಂಡೆದ ಪ್ರಾರ್ಥನೆ.

ಪರಲೋಕೊಡು ಉಪ್ಪು ಎಂಕುಳೆ ಅಮ್ಮಾ! ಎಂಕು
ಳು ಶಾಂತಾದ್‌ಲಾ ಸಮಾಧಾನಾದ್‌ಲಾ ಕಾಲಕ್ಷೇಪ
ಮಳ್ತದ್, ಮರಿಯಾದಿಡ್‌ಲಾ ಭಕ್ತಿಡ್‌ಲಾ ಬದುಕು
ಲೆಕ್ಕ, ಮಾತ ನರಮಾನ್ಯೆರೆಗ್ ಬೋಡಾದ್‌ಲಾ ಅರಸು
ಳೆಗ್ ಬೋಡಾದ್‌ಲಾ, ಅಧಿಕಾರೊಡುಪ್ಪು ಮಾತೆರೆಗ್
ಬೋಡಾದ್‌ಲಾ ನಟ್ಟೊಣ್ಣು, ಪ್ರಾರ್ಥನೆ ಮಳ್ತದ್,
ಸ್ತೋತ್ರ ಮಳ್ಳೊಡು ಅಂದ್‌ದ್ ಈ ನಿನ ವಾಕ್ಯೊಡು ಅಪ್ಪ
ಣಿ ಕೊರ್ದು, ಎಂಕುಳೆಗ್ ಪಿನ್ಪಾಯ. ಅಂಚಾಯಿನೆಡ್
ಎಂಕುಳು ನಿನ ಕೈತಡೆಗ್ ಬತ್ತದ್, ಈ ಎಂಕುಳೆನ್‌ಲಾ ಎಂ
ಕುಳೆ ಮಿತ್ತ ಅಧಿಕಾರ ನಡಪುಡು ಮಾತೆರೆನ್‌ಲಾ ಆಶೀ
ರ್ವದಿಸದ್, ಸಮಾಧಾನೊಗಾದ್‌ಲಾ ನೀತಿಗಾದ್‌ಲಾ
ಮಾತೆರೆಗ್ ಸಹಾಯ ಮಳ್ತದ್, ರಕ್ಷಣಿ ಮಳ್ಳೊಡು
ಅಂದ್‌ದ್ ನಟ್ಟೊಣುವ. ನಿನ ರಾಜ್ಯ ಹೆಚ್ಚಹೆಚ್ಚಾದ್
ಬರ್ಪಿ ಲೆಕ್ಕಲಾ ಸೈತಾನ ಕ್ರಿಯೊಳು ಹಾಳಾಪಿ ಲೆಕ್ಕಲಾ

ಮಳ್ತದ್,
ಕೆರಿ ಮಾ
ವಿದುಕೊಣ
ಮ್, ನಿನ
ಳೆ ಪ್ರಿಯದ
ಡ್ಡು ಸತ್ಯ ಭ
ಪ್ಪಾ ನಿನ
ಳ್ಳುಲ! ರಕ್ಷ
ಸು ಎಂಕುಳಿ
ಗ್ ಬುದ್ಧಿ
ದ್ ಬೊಳ
ತ ಕಟ್ಟತೆ
ನ ಪ್ರಿಯ
ಕದ ಮ
ನ ನಿಕ್ಕ
ಜಿತಿ ಮ
ದಪ್ಪುನಾ
ಆಮಳ್ಳ!
ಪಾಪಿ ಲಿ
ಲಿ! ಆಮೆ

ಮಳ್ತಾದ್, ನಿನ ಪುದರ್‌ಡ್ ಸ್ನಾನ ಹೊಂದುದು ಸಭೆಕ್
 ಶೇರಿ ಮಾತೆರಲ್ಲ ಈ ಆಕುಳೆಗ್ ಕೊರಿ ಆಶೀರ್ವಾದೊನು
 ಪಿದುಕೊಣ್ಣು ಲಕ್ಷ ಮಳ್ಳು ಲೆಕ್ಕ ಆಕುಳೆಗ್ ಬುದ್ಧಿ ಕೊ
 ದುರ್, ನಿನ ದಯೊಡ್ತು ಮಾತ ಸಮ ಮಳ್ಳುಲ! ಎಂಕು
 ಳೆ ಪ್ರಿಯದಾಕುಳು ಮಾತೆರಲ್ಲ ವಿಶ್ವಾಸದ ಪಶ್ಚಾತ್ತಾಪೊ
 ಡ್ತು ಸತ್ಯ ಭಕ್ತೆರಾದ್ ಬದುಕು ಲೆಕ್ಕಲಾ, ಎಂಕುಳು ಮಾ
 ತೆರಲ್ಲ ನಿನ ನಿತ್ಯ ವಿಶ್ರಾಂತಿಗ್ ಶೇರು ಲೆಕ್ಕಲಾ ದಯೆ ಮ
 ಳ್ಳುಲ! ರಕ್ಷಣೆದ ಮುತ್ತೇಸ ಆಯಿ ನಿನ ಸತ್ಯ ವಾಕ್ಯೊ
 ನು ಎಂಕುಳೆಗ್ ಹೆಚ್ಚಹೆಚ್ಚಾದ್ ತೆರಿಯು ಲೆಕ್ಕ ಎಂಕುಳೆ
 ಗ್ ಬುದ್ಧಿ ಕೊರ್ಲ! ಎಂಕುಳು ಬೊಳ್ಳುದ ಬಾಲೆಳು ಆ
 ದ್ ಬೊಳ್ಳುಡು ನಡಪು ಲೆಕ್ಕ ಎಂಕುಳೆ ಆತ್ಮೊಳೆಡ್ ಮಾ
 ತ ಕೆಟ್ಟತನೊನುಲಾ ದುರ್ಗುಣೊನುಲಾ ಗೆತ್ತದ್, ನಿ
 ನ ಪ್ರಿಯ ಮಗ ನೆತ್ತಿರ್‌ಡ್ ಎಂಕುಳೆನ್ ಹೆಚ್ಚಹೆಚ್ಚಾದ್
 ಶುದ್ಧ ಮಳ್ಳುಲ! ಕರ್ತವಾ, ಈ ದಿನೊಟುಲಾ ಎಂಕುಳೆ
 ನ್ ನಿಕ್ಕ ಒಚ್ಚಿದ್ ಕೊರ್ಪ; ಎಂಕುಳೆಗ್ ಬೋಡಾದ್
 ಚಿಂತೆ ಮಳ್ಳುಲ! ಎಂಕುಳು ಧೂಳುಲಾ ಬೊಣ್ಣುಲಾ ಆ
 ದುಪ್ಪುನಾಕುಳು, ಆಂಡಲಾ ಈ ಮಹಿಮೆ ಇತ್ತಿ ದೇವೆರ್
 ಆದುಳ್ಳ! ನಿನ ಸ್ತೋತ್ರಗಾದ್ ಎಂಕುಳೆಡ್ ದಾಲಾ ಉ
 ಡಾಪಿ ಲೆಕ್ಕ ನಿನ ಮಹಿಮೆನ್ ಎಂಕುಳೆಡ್ ಪ್ರತ್ಯಕ್ಷ ಮಳ್ಳು
 ಲ! ಆಮೆನ್.

ಬುಧವಾರ ಬಯ್ಯದ ಪ್ರಾರ್ಥನೆ.

ಎಂಕುಳೆ ಕರ್ತವೆ ಆಯಿ ಯೇಸು ಕ್ರಿಸ್ತ ಅಮ್ಮೆ ಆ

ದುಪ್ಪು ದೇವರೇ! ಪಾಪಿಪ್ಪೆರಾಯಿ ಎಂಕುಳು ನಿನ ಕೋ
ಪೊಗುಲಾ ಶಿಕ್ಷೆಗ್ಲಾ ಯೋಗ್ಯ ಇತ್ತಿನಾಕುಳಾದಿತ್ತಂ
ಡಲಾ ಈ ಇನಿಲಾ ಎಂಕುಳೆಗ್ ಬಹಳ ಉಪಕಾರ ಮತ್ತೆ.
ತಾಳ್ತೆಡ್ಲಲಾ ದೀರ್ಘಶಾಂತಿಡ್ಲಲಾ ಎಂಕುಳೆನ್ ತುಮ್ಮೊ
ಣ್ಣಿ, ಬುಡಂದೆ ಎಂಕುಳೆ ಮಿತ್ತ ಕ್ತಪೆ ದೀಪಿನಾಯೆ ಆಯಿ
ನಿನನ್ ಕೊಂಡಾಡ್‌ದ್ ನಿಕ್ಕ್ ಸ್ತೋತ್ರ ಮಳ್ಳುವ. ಎಂಕು
ಳೆ ಮಧ್ಯಸ್ಥಗಾರೆ ಆಯಿ ಯೇಸು ಮಿತ್ತ ಭರವಸ ದೀದ್
ಇತ್ತೆಲಾ ನಿನಡ ನಟ್ಟೊಣುವ. ಇಯ್ಯೇ ಎಂಕುಳೆಗ್ ಕೊ
ರ್ಪಿನವು ಹೊರ್ತಂದೆ, ಬದಲ್ ದಾಲಾ ಇಜ್ಜಂದಿ ಬಡ
ವೆರಾಯಿ ಎಂಕುಳೆನ್ ಪರಾಂಬರಿಕೆ ಮಳ್ತಾದ್, ಎಂಕುಳೆ
ಆತ್ಮೊಳೆಗ್ಲಾ ಶರೀರೊಳೆಗ್ಲಾ ಅವಶ್ಯಾದುಪ್ಪುನೆನ್
ದಯೊಟು ಕೊರ್ದು, ಸದಾಕಾಲೊಗುಲಾ ನಿನ ಕರು
ಣೊನು ಎಂಕುಳೆ ವಿಪಯೊಡು ಸ್ಥಿರ ಮಳ್ಳುಲ! ಈ ಎಂ
ಕುಳೆನ್ ಕೋಪೊಗಾದ್ ಅತ್ತ, ರಕ್ಷಣೆನ್ ಹೊಂದುನೆ
ಕಾದ್ ದೀಯ. ಸಹಾಯ ಮಳ್ಳುನೆಟ್ಲಾ ಆದರಿಪುನೆ
ಟ್ಲಾ ನಿಕ್ಕ್ ಸಂತೋಷ ಆದುಂಡು. ಪಾಪಿಪ್ಪೆರ್ ಸೈ
ಯೊಡು ಅಂದ್‌ದ್ ಅತ್ತ, ಆಕುಳು ಮನಸ್ಸು ತಿರ್ಂಗಾ
ದ್ ಬದುಕೊಡು ಅಂದ್‌ದ್ ನಿಕ್ಕ್ ಮನಸ್ಸುಂಡು. ಎಂಕು
ಳೆಗ್ ನರಕದ ಕಾರಣಾದ್ ಉಪ್ಪು ಎಂಕುಳೆ ಪಾಪೊಳೆನ್
ಕ್ಷಮಿತ್ತಾದ್, ಎಂಕುಳೆನ್ ಶುದ್ಧ ಮಳ್ತಾದ್, ನಿನ ನಿತ್ಯ ವಿ
ಮೋಚನೆನ್ ಹೊಂದಿಯೆರೆ ಎಂಕುಳೆನ್ ಸಿದ್ಧ ಮಳ್ಳುಲ!
ನಿನ ಪರಿಶುದ್ಧತೊನು ಎಂಕುಳೆಗ್ ಕೊರ್ದು, ನಿನ ದಿವ್ಯ
ಜ್ಞಾನ ಎಂಕುಳೆಡ್ ಪುಟ್ಟಾದ್ ಪ್ರಕಟ ಮಳ್ಳುಲ! ಪ್ರಪಂ

ಚದ ಕೆಲಸ
ಪಾಪೊಳೆನ್
ನಲಾ ನಿನ
ಕುಳೆನ್ ಕ್ಷಮೆ
ಸಮಾಧಾನ
ಮಳ್ಳುಲ! ದ
ಬಂದಿ ಲೆಕ್ಕ
ಡೆ ಎಂಕುಳು
ಕ್ತ ಮಳ್ಳುಲ

ಕರ್ತವ್ಯ
ಕರಂಭ ಅಂ
ಳೆ ಮಿತ್ತ ನಿ
ಜಿನೆಡ್ಲ
ದಾನೆ ಆಪ್ತ
ಡಲಾ ನಿನ
ನಡ್ ಮಾ
ದಯತ ಪ
ಗಲಾ ಬ
ಎಂಕುಳು
ರ್ದು, ಜಿ
ದಾಕುಳ

ಚದ ಕೆಲಸೊಳೆಡ್ ಇನಿಲಾ ಎಂಕುಳೆಗ್ ಪತ್ತಿ ಮಾತ
ಪಾಪೊಳೆನ್‌ಲಾ ಎಂಕುಳೆಡ್ ಪುಟ್ಟಿ ಮಾತ ದುರಾಶೆಳೆ
ನ್‌ಲಾ ನಿನ ಆತ್ಮದ ಮುಖಾಂತ್ರ ಗೆತ್ತದ್ ಪಾಡ್, ಎಂ
ಕುಳೆನ್ ಕ್ಷೇಮೊಡುಲಾ ಶಾಂತಿಡ್‌ಲಾ ದೀದ್, ಎಂಕುಳು
ಸಮಾಧಾನ ಆದ್ ನಿದ್ರೆಗ್ ಪೋವೆರೆ ತೀರು ಲೆಕ್ಕ ದಯ
ಮಳ್ಳುಲ! ದಾಲಾ ಒಂಜಿ ಆಪತ್ತಾಂಡಲಾ ಎಂಕುಳೆಗ್
ಬಂದಿ ಲೆಕ್ಕ ಈ ರಾತ್ರಿಡ್ ಎಂಕುಳೆನ್ ಕಾತ್‌ದ್, ಕಾಂ
ಡೆ ಎಂಕುಳು ಪೊಸತ್ತಾದ್ ನಿನ ಕ್ಷಪೆನ್ ಕೊಂಡಾಡು ಲೆ
ಕ್ಕ ಮಳ್ಳುಲ! ಆಮೆನ್.

ಗುರುವಾರ ಕಾಂಡೆದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ತಿರ್‌ಂಗ್‌ದ್ ಒಂಜಿ ದಿನ
ಆರಂಭ ಆಂಡ್. ಈ ಪೋಯಿ ರಾತ್ರಿಡ್ ನಿನ ಕೈ ಎಂಕು
ಳೆ ಮಿತ್ತ ನೀಡ್‌ದ್ ಮಾತ ಕೇಡ್‌ಗ್ ಎಂಕುಳೆನ್ ತಪ್ಪಾ
ಯಿನೆಡ್ ನಿಕ್ಕ ಸ್ತೋತ್ರ ಮಳ್ಳುವ. ಇನಿ ಎಂಕುಳೆಗ್
ದಾನೆ ಆಪುಂಡು ಅಂದ್‌ದ್ ಎಂಕುಳೆಗ್ ತೆರಿಯುಜಿ. ಆಂ
ಡಲಾ ನಿನ ಮಿತ್ತ ಧೃಷ್ಟಿ ದೀಪ; ದಾಯೆಗಂದ್‌ಂಡ, ನಿ
ನಡ್ ಮಾತ ಎಡ್ಡೆಂತಿನೆತ ಸುಪೂರ್ಣತೆ ಉಂಡು. ನಿನ
ದಯತ ಐಶ್ವರ್ಯೊಡ್ ಎಂಕುಳು ಜೀವೊಗುಲಾ ಭಕ್ತಿ
ಗ್‌ಲಾ ಬೋಡಾಪಿನವು ಮಾತೆನ್‌ಲಾ ಹೊಂದೊಡು.
ಎಂಕುಳು ಬಲಹೀನೆರಾದುಳ್ಳ; ಈ ಎಂಕುಳೆಗ್ ಬಲ ಕೊ
ರ್ದು, ಜೀವದ ಬೊಳ್ಳು ಆದುಪ್ಪುಲ! ಎಂಕುಳು ಅಶುದ್ಧ
ದಾಕುಳು; ನಿನ ನೆತ್ತಿರ್‌ಡ್ ಎಂಕುಳೆನ್ ಶುದ್ಧ ಮಳ್ಳುಲ!

ಎಂಕುಳೆ ಸುತ್ತುಲಾ ನಾನಾ ತರತ ವೈರಿಳು; ಕರ್ತವಾ,
 ನಿನ ಸರ್ವತ್ರಾಣ ಇತ್ತಿ ಕೈಡ್ ಎಂಕುಳೆನ್ ಘಟ್ಟಿಯಾದ್
 ಪತ್ತದ್, ಐಡ್ ಎರಾಂಡಲಾ ಎಂಕುಳೆನ್ ವೈಪಂದಿ ಲೆ
 ಕ್ಕ ಕಾಪುಲ! ಎಂಕುಳು ಎಂಕುಳೆ ಸ್ವಂತ ಬಲ ಬುದ್ಧಿ ನೀತಿ
 ಇನ್ನಿನೆತ ಮಿತ್ತ ಧೈರ್ಯ ಮಳ್ಳುನಾಕುಳು ಆದ್ ಈ ದಿ
 ನೊಕು ಶೇರಿಯೆರೆ ಬಲ್ಲಿ. ನಿನಡ್ ಮಾತ್ರ ವಿಶ್ವಾಸ ದೀದ್
 ಈ ದಿನೊನು ತೊಡಗದ್ ನಾಚಿಗೆ ಆವಂದೆ ಮುಗಿಪೊ
 ಲಿ ಅಂದದ್ ನಂಬುವ. ಈ ವಿಶ್ವಾಸೊನು ಎಂಕುಳೆಡ್
 ಸ್ಥಿರ ಪಡೆಪಾದ್ ಹೆಚ್ಚಾಲ! ಗರ್ವಲಾ ಕೆಟ್ಟ ಧೈರ್ಯಲಾ
 ಎಂಕುಳೆಡ್ ಪುಟ್ಟಂದೆಲಾ, ಈ ಲೋಕದ ಅಪತ್ತುಳೆಡ್
 ಎಂಕುಳು ಅವಿಶ್ವಾಸೊಡುಲಾ ಅಪನಂಬಿಗೆಡ್ಲಾ ಬೂ
 ರಂದೆ ಉಪ್ಪು ಲೆಕ್ಕ ಎಂಕುಳೆನ್ ಕಾಪುಲ! ಲೋಕದ
 ಕಾರ್ಯೊಳೆಡ್ ಎಂಕುಳು ನಿನ ಅಪ್ಪಣೆಳೆ ಮಾರ್ಗೊಡು
 ಸ್ಥಿರ ಆದ್ ನಡಪು ಲೆಕ್ಕ ಎಂಕುಳೆಗ್ ಸಹಾಯ ಮಳ್ಳುಲ!
 ಈ ಲೋಕ ಎಂಚಿತ್ತಿನವು ಅಂದದ್ಲಾ, ಐಚ್ ನಿನ ಶಿಷ್ಯ
 ರೆಗ್ ದಾದ ಕಷ್ಟಲಾ ಶ್ರಮೆಲಾ ಆಪುಂಡು ಅಂದದ್ಲಾ
 ನಿಕ್ಕ ಗೊಂತುಂಡು. ಅಂಚಾಯಿನೆಡ್ ಎಂಕುಳೆಗ್ ಬೋ
 ಡಾದ್ ಚಿಂತೆ ಮಳ್ತದ್ ಆದರಿತ್ದ ಸಹಾಯ ಮ
 ಳ್ತೊಡು ಅಂದದ್ ನಟ್ಟೊಣುವ. ಕರ್ತವಾ! ಈ ಉ
 ಪ್ಪುನವುಳು ಎಂಕುಳುಲಾ ಬತ್ತದ್, ನಿನ ಮಹಿಮೆನ್ ತೂ
 ನೆಂಗಿ ಎಂಕುಳೆನ್ ಬುಡಂದೆ ಪರಾಂಬರಿಪುಲ! ಆಮೆನ್.

ಮಹಿ
 ಸರ್ವತ್ರಾಣ
 ಎರಾಂಡಲಾ
 ಇನ್ನಿ ಮಹಾ
 ಕುಳು ನಿನ
 ಡಪುಡಿಯೆರೆ
 ಆದ್ ಹೊ
 ನ್ ನೇಮಿಸಿ
 ದೂತೆರೆ ಆ
 ದ್ ನಿನಡ
 ಸ್ತುತಿಸುವೆ
 ಹಾ ನಿನನ
 ಪೆ; ಎಂಕು
 ಲೋಕೊಡ
 ಈ ಎಂಕು
 ಅಂದದ್
 ಇತ್ತದ್
 ರತ್ನೋಗಾ
 ಗೆತ್ತೊಣ
 ನಿನಡ್
 ಕರ್ತವ
 ಕ್ರಿಯೆ

ಗುರುವಾರ ಬಯ್ಯದ ಪ್ರಾರ್ಥನೆ.

ಮಹಿಮೆ ಇತ್ತಿ ದೇವರೇ! ಈ ನಿತ್ಯ ಇತ್ತಿನಾಯೆಲಾ ಸರ್ವತ್ರಾಣದಾಯೆಲಾ ಆದುಳ್ಳ; ನಿಕ್ಕ ವಿರೋಧಾದ್ ಪರಾಂಡಲಾ ದಾಲಾ ಮಳ್ಳರೆ ಬಲ್ಲಿ; ಪರಿಶುದ್ಧ ದೂತೆರ್ ಇನ್ನಿ ಮಹಾ ಮಲ್ಲ ತ್ರಾಣದ ಸೈನ್ಯ ನಿಕ್ಕ ಉಂಡು; ಆ ಕುಳು ನಿನ ಅಪ್ಪಣೆದ ಪ್ರಕಾರ ಮಾತ ಕ್ರಿಯೊಳೆನ್ ನ ಡಪುಡಿಯೆರೆ ಸಿದ್ಧಾದುಳ್ಳೆರ್. ರಕ್ಷಣೆನ್ ಬಾಧ್ಯಸ್ಥಿಗೆ ಆದ್ ಹೊಂದಿಯೆರೆ ಉಪ್ಪು ಭಕ್ತೆರೆ ಸೇವೆಗಾದ್ ಆಕುಳೆ ನ್ ನೇಮಿಸಿಯ. ಈ ರಾತ್ರೆಡ್ ಉಂದೇ ನಿನ ಪರಿಶುದ್ಧ ದೂತೆರೆ ಆಶ್ರಯೊಡು ಎಂಕುಳೆನ್ಲಾ ಗೆಪ್ಪೊಡು ಅಂದ್ ದ್ ನಿನಡ ನಟ್ಟೊಣುವ. ಆಕುಳು ಎಪೊಗುಲಾ ನಿನನ್ ಸ್ತುತಿಸುವೆರ್. ಕರ್ತವಾ! ಬಲಹೀನರಾಯಿ ಎಂಕುಳು ಸ ಹಾ ನಿನನ್ ಸ್ತುತಿಸುವ. ಆಕುಳು ನಿನ ಮೋಣೆನ್ ತೂ ಪೆರ್; ಎಂಕುಳು ಐನ್ ಇತ್ತೆ ತೂವೆರೆ ಬಲ್ಲಿ; ಆಂಡಲಾ ಆ ಲೋಕೊಡು ಐನ್ ತೂವೆರೆ ಆಶೆ ಮಳ್ಳುವ. ಉಂದೆಕಾದ್ ಈ ಎಂಕುಳೆನ್ ನಿನ ಪರಿಶುದ್ಧತೊಡ್ಪು ಸಿದ್ಧ ಮಳ್ಳೊಡು ಅಂದ್ ದ್ ನಿನಡ ನಟ್ಟೊಣುವ. ಬೊಕ್ಕ ಕೆಟ್ಟ ದೂತೆರ್ ಇತ್ತೆದ್ ಎಂಕುಳೆಗ್ ನಪ್ಪ ಮಳ್ಳೊಡು ಇನ್ನಿ ಆಕುಳೆ ವೈ ರತ್ತೊಗಾದ್ ಎಂಕುಳೆನ್ ನಿನ ಬಲ ಇತ್ತಿ ಆಶ್ರಯೊಡು ಗೆತ್ತೊಣ್ಣು ಆಕುಳೆ ಮೋಸೊಳೆಗ್ ಎಂಕುಳೆನ್ ತಪ್ಪಾದ್ ನಿನಡೇ ಎಂಕುಳು ಭದ್ರಾದುಪ್ಪು ಲೆಕ್ಕ ಮಳ್ಳಲ! ಪ್ರೀತಿತ್ತಿ ಕರ್ತವೆ ಆಯಿ ಯೇಸೋ! ಈ ನಿನ ನೆತ್ತೆರ್ಡ್ ಎಂಕುಳೆನ್ ಕ್ರಯೊಗು ಗೆತ್ತೆ; ಎಂಕುಳು ನಿನ್ನಾಕುಳು ಆದುಳ್ಳ. ಎಂ

ಕುಳೆನ್ ಅಂಗೀಕರಿಸ್‌ದ್, ಸ್ವೈತಾನ ಅಧಿಕಾರದ ಉಳಯಿ
ಅತ್ತ, ನಿನ ರಾಜ್ಯೊಡು ನಿನ ಕೈ ತಿರ್ತ್ ಎಂಕುಳು ಬದುಕು
ಲೆಕ್ಕಲಾ, ನಿತ್ಯ ನೀತಿ ಪರಿಶುದ್ಧತ್ವ ಸುಖೋಳೆಡ್ ನಿಕ್ಕ ಸೇ
ವೆ ಮಳ್ಳು ಲೆಕ್ಕಲಾ, ನಿನ ಪರಿಶುದ್ಧಾತ್ಮದ ದಾನೋಳೆನ್
ಎಂಕುಳೆಗ್ ಕೊರ್ದು, ಎಂಕುಳೆನ್ ಸಿದ್ಧ ಮಳ್ಳುಲ! ಎಂ
ಕುಳು ಮಾಂಸದ ಇಚ್ಛೆದ ಪ್ರಕಾರ ನಡತ್‌ದ್ ಮತ್ತಿ ಮಾ
ತ ಪಾಪೋಳೆನ್ ಕ್ಷಮಿಪುಲ! ಮಲ್ವೆರೆ ತಕ್ಕಾದಿತ್ತಿನೆನ್ ಅ
ನೇಕ ಸರ್ತಿ ಎಂಕುಳು ಮಲ್ಪಂದೆ ಪೋಯ ಇನ್ನಿ ಎಂಕುಳೆ
ತಪ್ಪುಳೆನ್ ಸಹ ಪರಿಹಾರ ಮಳ್ಳುಲ! ನಿನ ಮಾನೋಗಾ
ದ್ ಎಂಕುಳು ಹೆಚ್ಚಾದ್ ನೀತಿದ ಫಲ ಕೊರ್ಪಿ ಲೆಕ್ಕ ಎಂ
ಕುಳೆಗ್ ಸಹಾಯ ಮಳ್ಳುಲ! ಆಮೆನ್.

ಶುಕ್ರವಾರ ಕಾಂಡೆದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಈ ಸದಾಕಾಲೋಗು
ಯಾಜಕೆ ಆದ್ ಏಪಲಾ ಬದ್‌ಕ್‌ದ್, ನಿನ ಮುಖಾಂತ್ರ
ದೇವೆರೆ ಕೈತಳ್ ಬರ್ಪಿನಾಕುಳೆನ್ ವಿವೋಚನೆ ಮಲ್ವೆರೆ ಶ
ಕ್ತಿ ಇತ್ತಿನಾಯೆ ಆದಿತ್ತದ್, ಆಕುಳೆಗ್ ಬೋಡಾದ್
ಪ್ರಾರ್ಥನೆ ಮಳ್ಳುವ. ಈ ನಿಶ್ಚಯಾದುಪ್ಪು ನಿನ ಪಾಕ್ಯೊ
ಗು ಎಂಕುಳು ಇನಿ ಸಂತೋಪ ಮಳ್ಳುವ. ದಾಯೆಗಂದಂ
ಡ, ಶುಕ್ರವಾರ ಇನ್ನಿ ಈ ದಿನೊಟು ಈ ಯಾಜಕೆ ಆದ್
ನಿನನ್ ಕ್ರಸ್ತುಡು ಅರ್ಪಿಸಿಯ. ಪಾಪಿಪ್ಪೆರಾಯಿ ಎಂಕು
ಳೆಗ್ ಈ ಮತ್ತಿ ಮಲ್ಲ ಪ್ರೀತಿ ಅಂತಃಕರಣಿಗಳೆಗಾದ್
ನಿಕ್ಕ ಸ್ತುತಿ ಸ್ತೋತ್ರ ಉಪ್ಪಡ್. ಕರ್ತವಾ! ಎಂಕುಳು

ದಾಸತ್ವದ
ತ್ತ, ಸತ್ಯಪ್ರಿ
ಬು ನಡತೊ
ಎಂಕುಳೆಗ್
ಯೇ ಮಧ್ಯ
ನಿಧಾನೋಗ
ಪ್ಪೆ ವಿಶ್ವಾಸ
ಎಂಕುಳೆಗ್
ನಿನ ಜೀವದ
ಮಾತ ಕೇಡ
ಗು ಕೇರಾ
ಕುಳೆಗ್ ದು
ದ್ ನಿನ ಸನ
ಈ ಅರ್ಪಿಸಿ
ನವು, ಈವ
ಮಿತಿದಾತಿ
ಆದುಪ್ಪುಂದ
ಸಲಾ ಬಲ
ದುಕೊಣು
ಕೊರ್ದು,
ಜ್ಞಾಪೊಡ
ಕುಳು ಕೇ
ಸಲಾ ನೆ

ದಾಸತ್ತದ ಪೋಡಿಗಿದ್ದಲಾ, ಕೆಟ್ಟ ಧೈರ್ಯೊಡ್ಡಲಾ ಅ
ತ್ತ, ಸತ್ಯ ಪ್ರೀತಿದ್ಡಲಾ ಬಾಲೆಳೆ ಭಯೊಡ್ಡಲಾ ನಿನದು
ಬು ನಡತೊಣು ಲೆಕ್ಕ ವಿಶ್ವಾಸದ ಪ್ರಾರ್ಥನೆದ ಆತ್ಮೊನು
ಎಂಕುಳೆಗ್ ಕೊರ್ದು, ಎಂಕುಳೆನ್ ಆಶೀರ್ವದಿಪುಲ. ಒ
ರಿಯೇ ಮಧ್ಯಸ್ಥಗಾರೆ ಆಯಿ ನಿನ ಮುಖಾಂತ್ರ ದೇವರೆ ಸ
ನ್ನಿಧಾನೊಗು ಬರ್ಪಿ ಎಂಕುಳೆನ್ಲಾ ಎಂಕುಳೆಡೊಪ್ಪ ಅ
ವ್ವೇ ವಿಶ್ವಾಸೊಡುಪ್ಪುನಾಕುಳೆ ಮಾತೆರೆನ್ಲಾ ತೊದು,
ಎಂಕುಳೆಗ್ ವಾ ಶೋಧನೆಡ್ಡಲಾ ವೋಸ ಆವಂದಿ ಲೆಕ್ಕ
ನಿನ ಜೀವದ ತ್ರಾಣೊಡ್ಡು ಎಂಕುಳೆನ್ ಬಲ ಪಡೆಪಾದ್
ಮಾತ ಕೇಡ್ಗ್ ಎಂಕುಳೆನ್ ತಪ್ಪಾದ್, ನಿತ್ಯ ಭಾಗ್ಯೊ
ಗು ಶೇರಾಲ! ಅಮ್ಮ ಮಹಿಮೆಗಾದ್ ನಿನ ನೀತಿನ್ ಎಂ
ಕುಳೆಗ್ ದಯ ಮಳ್ತಾದ್, ಎಂಕುಳೆನ್ ಪರಿಶುದ್ಧ ಮಳ್ತಾ
ದ್ ನಿನ ಸನ್ನಿಧಾನೊಡು ಉಂತಿಯೆರೆ ಸಿದ್ಧ ಮಳ್ಳುಲ!
ಈ ಅರ್ಪಿಸಿನವು ಬಲಿ ಸದಾಕಾಲೊಗು ನಿಲೆ ಆದುಪ್ಪು
ನವು, ಈ ಮಳ್ಳು ಮದ್ದೈಸ ಬಲ ಇತ್ತಿನವು. ನಿನ ಪ್ರೀತಿ
ಮಿತಿದಾಂತಿನವುಲಾ ಮಾತ ಬುದ್ಧಿನ್ ವೀರುನವುಲಾ
ಆದುಪ್ಪುಂಡು. ಆಂಡಲಾ ಎಂಕುಳೆ ವಿಶ್ವಾಸಲಾ ಜ್ಞಾ
ನಲಾ ಬಲಹೀನದವು ಆದುಂಡು. ಐಕಾದ್ ನಿನನ್ ಪಿ
ದುಕೊಣು ಲೆಕ್ಕ, ಎಂಕುಳೆಗ್ ಹೆಚ್ಚಾದ್ ನಿನ ಬೊಳ್ಳು
ಕೊರ್ದು, ಎಂಕುಳೆ ವಿಶ್ವಾಸೊನು ಬಲ ಪಡೆಪಾದ್ ಹೆ
ಚ್ಚಾವೊಡು ಅಂದ್ ದ್ ನಿನಡ ನಟ್ಟೊಣುವ. ಇನಿ ಎಂ
ಕುಳು ಕೆಲಸ ಮಳ್ಳು ವೇಳೆಡ್ ನಿನನ್ಲಾ ನಿನ ವಾಕ್ಯೊ
ನುಲಾ ನೆನೆತ್ ದ್ ನಿನ ಐಕ್ಯೊಡು ನಡಪು ಲೆಕ್ಕ ನಿನ ಪರಿ

ಶುದ್ಧಾತ್ಮನು ಎಂಕುಳೆಗ್ ಕೊರ್ದು ಎಂಕುಳೆನ್ ಕಾಪು
ಲ! ಆಮೆನ್.

ಶುಕ್ರುವಾರ ಬಯ್ಯದ ಪ್ರಾರ್ಥನೆ.

ಕರ್ತವೆ ಆಯಿ ಯೇಸೋ! ಶುಕ್ರುವಾರ ಇನ್ನಿ ದಿನೊ
ಟು ಈ ವಿಧೇಯತ್ವೊಗುಲಾ ತಾಳೆಗ್ಲಾ ಒಂಜಿ ಮಾದ್ರಿ
ಎಂಕುಳೆಗ್ ತೋಜಾದ್ ಎಂಕುಳೆ ಪಾಪೊಳೆಗ್ಲಾ ಮಾ
ತ ಲೋಕದೆಕ್ಲಾ ಪ್ರಾಯಶ್ಚಿತ್ತದ ಬಲಿ ಆದ್ ಕ್ರಸ್ಸುಡು
ನೆಲ್ದಾದ್ ಸೈತ್ ಪೋಯಿ. ಈ ನಿನನ್ ಕ್ರಸ್ಸುಗು ಪತ್ತಾ
ವುನಾಕುಳೆಗ್ ಬೋಡಾದ್ ನಟ್ಟೊಂಡ. ಅವ್ವೇ ಪ್ರಕಾರ
ಎಂಕುಳು ಎಂಕುಳೆ ಮೈರಿಗೆಗ್ ಪ್ರೀತಿ ಮಳ್ವರೆ ಎಂಕುಳೆ ಹ್ತ
ದಯೊನು ಲಕ್ಕಾಲ! ನಿನ ಅಪ್ಪೆ ಆಯಿ ಮರೀಯ ಯೋ
ಹಾನನ್ ಮಗೆ ಅಂದ್, ಬೊಕ್ಕ ಆಯೆ ಆಳೆನ್ ಅಪ್ಪೆ
ಅಂದ್ ಪ್ರೀತಿ ಮಳ್ವೊಡು ಇನ್ನಿ ಆಪ್ಪಣ್ ಕೊರಿಯ.
ಅವ್ವೇ ಪ್ರಕಾರ ಎಂಕುಳು ಒರಿವೊರಿಯಡೊಪ್ಪ ಪ್ರೀತಿಡ್
ವಾಸ ಮಳ್ತಾದ್, ನಿನ ಬಾಲೆಳೆನ್ ಮಾತೆರೆನ್ಲಾ ಪೂ
ರ್ತಿ ಹ್ತದಯೊಡ್ ಪ್ರೀತಿ ಮಳ್ವರೆ ಎಂಕುಳೆನ್ ಎಚ್ಚರಿಪು
ಲ! ಈ ಪಶ್ಚಾತ್ತಾಪ ಮಳ್ತಿ ಆ ಕಳುವಗ್ ಪರದೈಸೊಗು
ಶೇರು ದಯತ ವಾಗ್ದತ್ತ ಕೊರಿಯ. ಅವ್ವೇ ಪ್ರಕಾರ ಎಂ
ಕುಳೆಡ್ ನಿತ್ಯಜೀವದ ಸಂತೋಷದ ಭರವಸೊನು ಪುಟ್ಟಾ
ಲ! ಎನ ದೇವೆರೇ! ಎನ ದೇವೆರೇ! ದಾಯೆ ಎನನ್ ಕೈ
ಬುಡಿಯ? ಅಂದ್ ಪಂಡ; ಎಂಕುಳೆಗ್ ಆಪಗಾಪಗ
ದುಃಖ ಆನಗ ಎಂಕುಳೆ ವಿಶ್ವಾಸೊನು ದ್ವಿಧ ಪಡೆಪಾವು

ನಕ್ ಸಮುಜ್ಜಿ
ಈ ಕರೀಣ್
ಮಿತಿ ಆದ್
ಎಂಕುಳೆನ್
ರಾಶೆಡ್ ಬು
ಅದ್ ಕ
ಗಾದ್ ದಾ
ದ್ ಎಂಕ
ವಿಷಯ ಆ
ಲ! ಕಡೆಕ್
ಕೊರಿ ಪ್ರಕ
ಸಿಕ್ ಬಚ್ಚಿ
ಡುಮ ಪೊ
ನ ರಾಜ್ಯೊ
ಕುಳೆಗ್ ಆ
ಮೆಲಾ ಮ
ಚ್ಚಿಗ್ಲಾ
ಗಾದ್ ಉ
ಪ್ಪೊಣು
ವಿಮೋಚ

ನೆಕ್ ಸಮುಜೈಸಿಗೇಲಾ ಸಹಾಯಲಾ ತಿಕ್ಕು ಲೆಕ್ಕ ಮಳ್ಳುಲ!
 ಈ ಕರಿಣಾಯಿ ಬಾಜೆಲ್‌ಡ್ ಇತ್ತ. ಐಡ್ಡ್ ಎಂಕುಳು
 ಮಿತಿ ಆದ್ ಎಂಕುಳೆ ಆಹಾರೊನು ಅನುಭವಿಪು ಲೆಕ್ಕ
 ಎಂಕುಳೆನ್ ಶಿಕ್ಷಿಸ್‌ದ್, ಎಂಕುಳು ಪಡಿಕೆ ಮಾಂಸದ ದು
 ರಾಶೆಡ್ ಬೂರಂದಿ ಲೆಕ್ಕ ಎಂಕುಳೆನ್ ಕಾಪುಲ. ತೀರ್‌ಂಡ್!
 ಅಂದ್‌ದ್ ಈ ಪಂಡ; ಐಡ್ಡ್ ಎಂಕುಳೇ ಎಂಕುಳೆ ರಕ್ಷಣಿ
 ಗಾದ್ ದಾಲಾ ಒಂಜಿ ಉಪಾಯ ಮಳ್ಳೆರೆ ತೀರುಜಿ ಅಂ
 ದ್‌ದ್ ಎಂಕುಳೆಗ್ ತೋಜಾದ್, ಎಂಕುಳೆ ಸ್ತಂತ ನೀತಿದ
 ವಿಷಯ ಆದುಪ್ಪು ಗರ್ವೊನು ಎಂಕುಳೆಡ್ ಹೀನ ಮಳ್ಳು
 ಲ! ಕಡೆಕ್ ಈ ನಿನ ಆತ್ಮೊನು ಅಮ್ಮ ಕೈಲೆಗ್ ಒಚ್ಚಿದ್
 ಕೊರಿ ಪ್ರಕಾರ ಎಂಕುಳುಲಾ ಇತ್ತೆ ಎಂಕುಳೆ ಆತ್ಮೊಳೆನ್
 ನಿಕ್ಕೊ ಒಚ್ಚಿದ್ ಕೊರ್ಪ. ಎಂಕುಳೆ ಆತ್ಮ ಶರೀರೊನು ಬು
 ಡುದು ಪೋನಗ ಈ ಎಂಕುಳೆನ್ ಪರಲೋಕೊಡುಪ್ಪು ನಿ
 ನ ರಾಜ್ಯೊಗು ಶೇರಾದ್, ನಿನ ಮಹಿಮೆನ್ ತೂವೆರೆ ಎಂ
 ಕುಳೆಗ್ ಅಪ್ಪಣಿ ಕೊರ್ಲ! ನಿನ ಪರಿಶುದ್ಧ ಜೀವಲಾ ಶ್ರ
 ಮೆಲಾ ಮರಣಲಾ ಎಂಕುಳೆನ್ ಪಾಪದ ಶಾಪೊಗುಲಾ
 ಶಿಕ್ಷೆಗ್‌ಲಾ ತಪ್ಪಾದ್, ರಕ್ಷಣಿ ಮಳ್ತದ್ ಎಂಕುಳೆ ನೀತಿ
 ಗಾದ್ ಉಪ್ಪಡ್! ಎಂಕುಳೆನ್‌ಲಾ ಎಂಕುಳೆಡೊಪ್ಪ ನ
 ಟ್ಟೊಣುನಾಕುಳೆ ಮಾತೆರೆನ್‌ಲಾ ಆಶೀರ್ವದಿತ್‌ದ್ ನಿತ್ಯ
 ವಿಮೋಚನೆನ್ ಕೊರ್ಲ! ಆಮೆನ್.

ಶನಿವಾರ ಕಾಂಡೆದ ಪ್ರಾರ್ಥನೆ.

ಪರಿಶುದ್ಧಲಾ ಭಾಗ್ಯಲಾ ಸರ್ವ ಜ್ಞಾನಲಾ, ಆದು

ಪ್ಪು ದೇವರೇ! ಈ ಬಡ ನರಮಾನ್ಯರಾಯಿ ಎಂಕುಳೆ ಮಿ
ತ್ತಲಾ ನಿನ ಪ್ರಕಾಶೊನು ತೋಜಾದ್, ಎಂಕುಳೆಗ್ ಸುಖ
ಲಾ ಜ್ಞಾನಲಾ ಕೊರಿಯೆರೆ ಮನಸ್ಸು ಇತ್ತಿನಾಯೆ ಆದು
ಳ್ಳೆ; ಈ ವಾರದ ಕಡೆ ದಿನೊಟು ಎಂಕುಳು ನಿನ ಸನ್ನಿಧಾ
ನೊಗು ಬರ್ಪ; ನಿನ ಮೋಣಿನ್ ಕ್ತಪೆ ಆದ್ ಎಂಕುಳೆ
ಮಿತ್ತ ಪ್ರಕಾಶ ಮಲ್ತಾದ್, ಎಂಕುಳು ಈ ದಿನೊಟು ಕತ್ತ
ಲೆಡ್ ನಡಪಂದೆ, ಎಂಕುಳೆನ್ ಅಂಚಿಂಚಿ ನೂಕುನವು ಪ್ರ
ಪಂಚದ ಚಿಂತೆಳೆಡ್ಲಾ ಅಪನಂಬಿಗ್ಡೆಲಾ ಎಂಕುಳೆಗ್
ಮೋಸ ಆವಂದಿ ಲೆಕ್ಕ ನಿನ ಪಾತೆರೊನುಲಾ ಆತ್ಮೊನು
ಲಾ ಎಂಕುಳೆಗ್ ಬೊಳ್ಳು ಆದುವೆರೆ ಕೊರ್ಲ! ಎಂಕುಳು
ನಡಪೆರೆ ತಕ್ಕ ಸತ್ಯ ಸಾದಿನ್ ಇಯ್ಯೇ ಎಂಕುಳೆಗ್ ತೋ
ಜಾದ್, ಅನುಭವಿಪೆರೆ ಆದುವುನವು ಮಾತ ಸಂಗತಿಳೆಡ್
ಆ ಒಂಜೇ ಅಗತ್ಯದೆನ್ ಏಪೊಲಾ ನೆನೆತೊಣಿಯೆರೆ ಎಂ
ಕುಳೆಗ್ ಬುದ್ಧಿ ಕೊರ್ಲ! ಪರಲೋಕದ ಅಮ್ಮಾ! ನಿನ ಆ
ತ್ಮದ ಮುಖಾಂತ್ರ ನಿನ ಮಗನ್ ಎಂಕುಳೆಗ್ ಪ್ರತ್ಯಕ್ಷ ಮ
ಳ್ಳುಲ! ಕರ್ತವೆ ಆಯಿ ಯೇಸೋ! ನಿನ ಆತ್ಮದ ಮುಖಾಂ
ತ್ರ ಅಮ್ಮನ್ ಎಂಕುಳೆಡ್ ಪ್ರತ್ಯಕ್ಷ ಮಳ್ಳುಲ! ಎಂಕುಳು ನಿ
ತ್ಯಜೀವದ ಆರಂಭ ಹೊಂದಿನಾಕುಳಾದ್, ಈಲೋಕೊನು
ಬುಡುದು ನಿನ ಸಿಂಹಾಸನದ ಎದರ್ ಪರಲೋಕೊಡು
ಪ್ಪು ನಿನ ದೇವಾಲಯೊಗು ಶೇರ್‌ದ್ ನಿನ ಮಹಿಮೆನ್
ತೂದು, ನಿನ ಮಾತ ಪರಿಶುದ್ಧವಂತೆರೆಡೊಪ್ಪ ಆರಾಧನೆ
ಮಳ್ಳೆರೆ ತೀರು ಲೆಕ್ಕ, ಎಂಕುಳೆನ್ ಸಿದ್ಧ ಮಳ್ಳುಲ! ಕರ್ತ
ವಾ! ಎಂಕುಳೆ ಜೀವದ ಕಡೆ ದಿನ ಏತ್ ಬೇಗ ಬರ್ಪಂ

ಡು! ಆಪು
ಎಂಕುಳು
ದ ಕತ್ತಲೆ
ದಯತ ಕೆಲ
ಡು! ಜಾ
ಡಾಂತೊ
ವಾಕ್ಯೊಡ್
ತಿರಿಕೆದ ದಿ
ದುವು ನೀ
ಕುಳೆಗ್ ಬ
ದುಮಾ

ಕರು
ವಾರಲಾ
ಬತ್ತದ್,
ಎಂಕುಳು
ಪ್ರಕಾರ
ಆಯಿ
ದ ಮ
ಎಂಕುಳು
ವ. ನಿ
ಪುಡಿ

ಡು! ಆಪಗ ಈ ಎಂಕುಳೆ ಜೀವದ ಬೊಳ್ಳು ಆದಿತ್ತದ್, ಎಂಕುಳು ಅಜ್ಞಾನದ ಕತ್ತಲೆಡ್ ಸೈತ್‌ದ್, ಆ ಪಿದಾಯಿ ದ ಕತ್ತಲೆಡ್ ಬೂರಂದಿ ಲೆಕ್ಕ ಎಂಕುಳೆನ್ ಕಾಪುಲ! ನಿನ ದಯತ ಕೆಲಸೊನು ಎಂಕುಳೆಡ್ ಹೆಚ್ಚಹೆಚ್ಚಾದ್ ನಡಪು ಡುಲ! ಜಾಗ್ರತೆದಾಂತಿ ಮೈಗಲ್ಲತನೊಕು ಬೂರು ಗಂ ಡಾಂತರೊಡ್ತು ಎಂಕುಳೆನ್ ತಪ್ಪಾವೆರೆ ನಿನ ಬಲ ಇತ್ತಿ ವಾಕ್ಯೊಡ್ತು ಎಂಕುಳೆನ್ ಎಚ್ಚರಿಗೆ ಮಲ್ಪುಲ! ನ್ಯಾಯ ತೀರಿಕೆದ ದಿನೊಟು ಎಂಕುಳೆಗ್ ಸಂತೋಷದ ಕಾರಣಾ ದುಪ್ಪು ನೀತಿದ ಕ್ರಿಯೊಳೆನ್ ಮಲ್ಪುನೆಕ್ ಏಪೊಲಾ ಎಂ ಕುಳೆಗ್ ಬೊಳ್ಳುನುಲಾ ಬಲೊನುಲಾ ಆಸ್ತದೊನುಲಾ ದಯಪಾಲಿಸುಲ! ಆಮೆನ್.

ಶನಿವಾರ ಬಯ್ಯದ ಪ್ರಾರ್ಥನೆ.

ಕರುಣ ಇತ್ತಿ ಅಮ್ಮೆ ಆಯಿ ದೇವೆರೆ! ಈ ದಿನಲಾ ವಾರಲಾ ಮುಗಿಯುನಗ, ಎಂಕುಳು ನಿನ ಸನ್ನಿಧಾನೊಗು ಬತ್ತದ್, ನಿನಡ ನಟ್ಟೊಣುವ. ನಿನ ಸಮಾಧಾನೊಡು ಎಂಕುಳು ಜೆತ್ತದ್, ಶಾಂತ ಹೃದಯೊಡು ನಿನ ಚಿತ್ತದ ಪ್ರಕಾರ ಪೊಸ ವಾರೊಗು ಶೇರು ಲೆಕ್ಕ, ಎಂಕುಳೆ ರಕ್ಷಕೆ ಆಯಿ ಯೇಸು ಕ್ರಿಸ್ತ ನೆತ್ತೆರ್‌ಡ್ ಎಂಕುಳೆ ಆತ್ಮೊಳೆನ್ ಶು ದ್ಧ ಮಲ್ತದ್, ಎಂಕುಳೆ ಮಾತ ಪಾಪೊಳೆನ್ ಕ್ಷಮಿಪುಲ! ಎಂಕುಳು ಅನೇಕ ತಪ್ಪುಳೆನ್‌ಲಾ ಪಾಪೊಳೆನ್‌ಲಾ ಮಲ್ಪು ವ. ನಿನ ಅಪ್ಪಣೆದ ಪ್ರಕಾರ ಪಾಕ ಕ್ರಿಯೊಳೆನ್ ನಡ ಪುಡಿಯೆರೆ ತೂಂಡಲಾ ಪೂರ್ತಿ ಶುದ್ಧ ಆಪುಜಿ. ಎಂಕುಳೆ

ಆಲೋಚನೆ ಪಾತೆರ ಕ್ರಿಯೋಳೆಡ್ ಪಾಪದ ಮಲ ಉ
ಡು. ಎಂಕುಳೆಡ್ ಉಪ್ಪು ಇಂಚಿತ್ತಿ ಪಾಪೋಳೆನ್ ಎಂಕು
ಳು ಪೂರ್ತಿ ಆದ್ ಪಿದುಕೊಣುವಾಂಡಲಾ, ಈ ಓ ದೇ
ವೆರೇ! ಎಂಕುಳೆನ್‌ಲಾ ಎಂಕುಳೆ ಜೀವ ಮಾತೆನ್‌ಲಾ ಪೂ
ರ್ತಿ ಆದ್ ಪಿದುಕೊಣುವ. ಅಂಚಾದುಪ್ಪುನೆಡ್ ಎಂಕು
ಳು ನಿನ ಕಣ್ಣುಳೆ ಎದರ್‌ ಎತ್ ಅಶುದ್ಧ, ಅಸಹ್ಯ ಇತ್ತಿ
ನಾಕುಳು ಆದುವೊಡು! ಅಂಡಲಾ ಈ ಕ್ಷಪೆಲಾ ತಾಳ್ಕೊ
ಲಾ ಮಹಾ ದಯಲಾ ನಂಬಿಗಲಾ ಇತ್ತಿನಾಯೆ ಆದಿ
ತ್ತದ್, ನಿನ ಕೈತಳ್ ಎಂಕುಳೆಗ್ ನಂಬಿಗಿತ್ತಿ ಮಧ್ಯಸ್ಥಗಾ
ರೆ ಉಪ್ಪುನೆಡ್, ಎಂಕುಳೆಗ್ ಕ್ಷೇಮ ಸಮಾಧಾನೊನು
ಕೊರ್ಪ. ನಿನ ಮಗೆ ಆಯಿ ಯೇಸು ಕ್ರಿಸ್ತೆ ನೀತಿ ಇತ್ತಿನಾ
ಯೆ ಆದಿತ್ತದ್, ಮಾತ ಲೋಕದ ಪಾಪೋಗು ಬೋಡಾ
ದ್ ಪ್ರಾಯಶ್ಚಿತ್ತ ಕೊರಿನೆಡ್, ಆಯ ಪುದರ್‌ಡ್ ಎಂಕು
ಳು ನಿನಡ ನಟ್ಟೊಣುವ. ದೇವೆರೇ! ಪಾಪಿಪ್ಪೆರಾಯಿ ಎ
ಂಕುಳೆನ್ ಕರುಣ ಮಳ್ಳುಲ! ಪಾಪದ ಮೈಲೆ ಮಾತೆನ್‌ಲಾ
ಗೆತ್ತದ್ ಪಾಡ್, ಎಂಕುಳೆ ಆತ್ಮೋಳೆನ್ ಶುದ್ಧ ಮಳ್ಳುಲ!
ಎಂಕುಳೆ ಹ್ತದಯೋಳೆಡ್ ನಿನ ಪ್ರೀತಿನ ಕೊರ್ದು, ಎಂಕು
ಳು ನಿನನ್ ಪತ್ತೊಣ್ವು, ನಿನ ಅಪ್ಪಣಿಳೆನ್ ಕೈಕೊಣ್ವು
ಉಪ್ಪು ಲೆಕ್ಕ, ಎಂಕುಳೆನ್ ಸಿದ್ಧ ಮಳ್ಳುಲ! ಈ ಲೋಕೊಡಾ
ಪಿ ಮಾತ ಶ್ರಮೆಳು ಎಂಕುಳೆ ಎಡ್ಡೆಗಾದ್ ಉಂಡು ಅಂ
ದದ್‌ಲಾ ನಿನ ಚಿತ್ತ ಅಪ್ಪಣಿಡಾಂತೆ ಎಂಕುಳೆಗ್ ದಾ
ಲಾ ಒಂಜಿ ಕೇಡ್ ಬರಂದ್ ಅಂದದ್‌ಲಾ ಎಂಕುಳೆಗ್
ತೆರಿಪಾಲ! ಉಂದತ್ತಂದೆ ನಿನ ಪ್ರಿಯ ಮಗೆ ತಾಳೊಂಡಿ

ಶ್ರಮೆಳೆಡ್
ತಾಳ್ಮೆಪ್ರೀತಿ
ದು, ಸಹಾ
ಕುಳ್ಳುದು ಆ
ಗಿಲಾ ನ

ಕರ್ತವ್ಯ

ಕರ್ತವ್ಯ

ಕರ್ತವ್ಯ

ಶ್ರಮೇಳೆಡ್ ಎಂಕುಳು ಪಾಲ್‌ಗಾರೆರಾವೊಡಾಂಡ, ಆಯ
ತಾಳ್ಗೆ ಪ್ರೀತಿ ದೀರ್ಘಶಾಂತಿಳೆಡ್ ಎಂಕುಳೆಗ್ ಬಲ ಕೊ
ದುರ್, ಸಹಾಯ ಮಲ್ಪಲ! ಆಯೆ ಇತ್ತೆ ನಿನ ಬಲತ್ತ್‌ಡ್
ಕುಳ್ಳುದು ಆಳು ಲೆಕ್ಕನೆ ಎಂಕುಳೆನ್‌ಲಾ ಕಡೆಕ್ ನಿನ ವಿಶ್ರಾಂ
ತಿಗ್‌ಲಾ ಸಂತೋಷೊಗುಲಾ ಶೇರಾಲ! ಆಮೆನ್.

ಆಶೀರ್ವಾದಿಸೋಣು ಪ್ರಾರ್ಥನೆ.

ಕರ್ತವಾ! ಎಂಕುಳೆನ್ ಆಶೀರ್ವದಿಸ್‌ದ್ ಕಾಪುಲ!

ಕರ್ತವಾ! ನಿನ ಮೋಣಿನ್ ಎಂಕುಳೆ ಮಿತ್ತ್ ಪ್ರಕಾ

ಶ ಮಲ್ತ್‌ದ್ ಎಂಕುಳೆಗ್ ದಯ ತೋಜಾಲ!

ಕರ್ತವಾ! ನಿನ ಮೋಣಿನ್ ಎಂಕುಳೆ ಮಿತ್ತ್ ಲಕ್ಷಾ

ದ್ ಎಂಕುಳೆಗ್ ಸಮಾಧಾನ ಕೊರ್ಲ! ಆಮೆನ್.



...
...
...
...
...


...
...
...
...
...

PRI

ॐ लंका.

काठ

18792



3
Gull Press.

ದಿನತ ಪ್ರಾಧೇನೇಳು.

ಯಾನ್‌ಲಾ ಎನ ಇಲ್ಲಲಾ ಕರ್ತವ
ಸೇವೆ ಮಕ್ಕುವ.
ಯೆಹೋಶುವ. ೨೪,

MANGALORE:

PRINTED BY STOLZ & REUTHER, BASEL MISSION PRESS.

1869.

Li Xue 146
any

